

San Juan

Cohamacu ya duserore yahuriro masunota ji ducaha

¹ Dóiputa ahri yahpa to jihto panoputa Cohamacu ya duserore yahuriro Cristo masare yuhduchu yoahuro dóihta ji tuhsua tiha. Tiro Cohamacu mehne jiha. Ñ yoa tirota Cohamacuta jinocahno niha. ² Dóiputa wahmanoputa Cristo Cohamacu mehne jiha. ³ Ñ yoa wahmanopure ne mariahri cjirire bajuamehneha. Ahri yahpare, manore, jipihtiare, jipihtina cãhure bajuamehne dutiha Cohamacu tirore. Ñ jiro ahrire bajuamehne pahñoha tiro. Ahrire mipure mari ñuare, mari ñuera cãhure to bajuamehnerachu ne mariaboa. ⁴ Cristo catiare wariro jiro nina. Buhriaro marine to noano ñu masichu yoaro seheta tiro to Pucuro manano macarimore noano masichu yoara. Ñ yoaro to Pucuro manano macarimore masichu yoara masare. ⁵ Ahri yahpa macaina ñaare ti wacũ ti goa pjaa nahitiano yoaro sehe jia nina. Cohamacu ya duserore yahuriro buhriaro noano marine to ñu masichu yoaro seheta masare masichu yoara. Ñ yoa nahitiano buhriarore to yuhducaeraro seheta Cristore ñaa ne yuhducaerara.

⁶⁻⁷ Cohamacu João wama tirore sehere warocaha, Cristore buhriaro yoaro sehe jirirore masare yahu mũhta dutiro. To ñ warocachu João sehe

masare yahuro tare to yahurirore Cristore jipihina ti wacũ tuahti cjihtire. ⁸ João sehe Cristo jierare. ã jieraro tiro Cristo sehere masare yahu mahtano tare. ⁹ Cristo buhriaro yoaro sehe jiriro jipihina masare Cohamacũre masichũ yoah tiro sehe ahri yahpapũ tari jire. Potocã tjira ahri. Tiro buhriaro yoaro sehe jiriro waro tjira.

¹⁰ Cristo ahri yahpai jia timare. Ahri yahpare bajuamehneriro jiri jimare. To ã jipachũta ahri yahpa macaina sehe tirore ne masierare. ¹¹ To ya yahpai tiro masa bajuari jimare. To ya yahpai masa bajuariro to jipachũta to ya yahpa macaina sehe ne tirore cahmaerare. ¹² Ti ã cahmaerapachũta, tirore cahmaina sehere, tirore wacũ tuahtina sehere Cohamacũ to pohna jichũ yoari jire. ¹³ Tina Cohamacũ pohnata jia nina. ã jia masa ti masa bajuariro seheta jierara, Cohamacũ pohna ti wahachũ. Tuhsũ, masa ti cahmariro seheta jierara, Cohamacũ pohna ti wahachũ.

¹⁴ ã jiro Cristo masũno to ji dũcari baharo mari mehneta jire tiro. To ã jichũ ñũna masare cahĩriro, potocã jiare yahuriro to jichũ sã masii. Tiro dihta Cohamacũ macũno jiro tuariro noariro jire. To ã jiriro jichũ sã masii. ¹⁵ João Cristore yahu mahtano õ sehe ni sañurucure masare yahuro:

—Siro tara yũ õ sehe ni yahuriro: “Tiro yũ baharo tariro jira. ã jiparota tiro yũ yũhgoro tuariro jira. Tiro yũ masa bajuahto panopũta ji tuhsũha. ã jiro tiro yũ yũhgoro tuariro jira”, masare yũ ni yahuriro ahriro tjira —nire João Cristore masare yahuro.

16 Tiro Cristo sehe noariro tuaro masare cahĩriro jiro marine jipihtinare noano yoarucure.

17 Cohamacu dutiare Moise cjiro sehe cūbasa mahta ta tiha marine. Jesucristo sehe Cohamacu masare to cahĩare buhero tare. Cohamacu to potocã durucua cūhare buhero tare tiro.

18 Masa ne Cohamacu ñerara. Tirore mari ñerapachuta to macu no to tuaro cahĩriro cãirota jiro sehe to Pucurore marine masichu yoare.

*Paina João masare bautisariore sinituha
(Mt 3.11-12; Mr 1.7-8; Lc 3.15-17)*

19 Sã coyea judio masa puhta Jerusalẽi jiinare sacerdoteare, Cohamacu wuhui dahraina cūhare João caharu warocari jire. “¿Diro baro jijari ma hu?” ni sinitu dutia warocari jire tinare. Ti ã ni sinituchu õ sehe ni yahure João sehe. 20 Ne yaro marieno yahure. Potota yahure:

—Yuhu Cristo Cohamacu masare yuhduchu yoa dutiro to warocariro jieraja —nire tiro.

21 To ã nichu tina sehe tirore pari turi siniture tjoa:

—¿Mahu Cristo jieracu, Elia sehe jijari ma hu? —nire tina.

—Jieraja yuhu —nire tiro.

—¿Sã cohtariro Cohamacu yare yahu mahtariro sehe jijari ma hu? —nire tina.

—Tiro jieraja yuhu —nire João sehe.

22 To ã nichu tina tirore pari turi õ sehe ni siniture tjoa:

—Sãre sinitu dutiinare sã noano yahuhto sehe poto sãre yahu bahrañoga. ¿Diro baro sehe jijari ma hu? ¿Mu basi ma hu sehe dohse jiro baro “Jija yuhu”, nijari ma hu? —nire tina Joãore.

²³ Ti ã nichu õ sehe ni yuhtire tiro:

—Masa marienopu õ sehe ni sañurucuriro jija yuhu Cohamacu yare yahu mahtariro Isaia cjiro to ni yahuriro sehetu: “Mari puhtoro to tahto pano musa ñaa tãhotuare cohtota, cahno mahtaga musa”, ni masare yahu sañurucuriro jija yuhu —nire João tinare.

²⁴ Joãoire sinituina fariseo curua macaina ti warocarina jire. ²⁵ ã jia tina Joãoire õ sehe ni siniture tjoa:

—¿Muhu Cristo, Elia, Cohamacu yare yahu mahtariro sã cohtariro jierapacuta dohseacu masare bautisajari huhu? —nire tina.

²⁶ Ti ã nichu tuhoru õ sehe ni yuhtire tiro:

—Yuhu co mehne masare bautisaja. Pairo sehe musa masierariro musa watoi ji tuhsura. ²⁷ Tiro sehe yu baharo tariro yu yuhdoro tuariro jira. Noa yuhdhariro jira. Tiro yoaro sehe jieraja yuhu sehe. ã jicu tirore tuhotucu, “Wiho jiriro jija yuhu”, ni tuhotuja yuhu —nire João tinare.

²⁸ ã ni durucure tina, Betaniapu Jordão wama tiri ma pa buhusehe coapu, João masare to bautisariropu.

Jesu Cohamacu to warocariro to oveja yoaro sehe jiriro jira

²⁹ Pa dachoi Jesu João cahai cahacã curero to tachu João tirore ñuno õ sehe nire:

—Ñuga. Ahriro Cohamacu to warocariro to oveja yoaro sehe jiriro jira. Ovejare mari wajãriro sehetu masa ahriro cãhure wajãahca. ã yariaro ahri yahpa macainare ti buhiri tiare cohãnohca

tiro. ³⁰ Ahrirota jira y_u ð sehe niriro: “Y_u baharo tariro y_u y_uhdoro tuariro jira. Y_u masa bajuahto pano tiro ji tuhs_uha. ã jiro tiro y_u y_uhdoro tuara”, y_u niriro ahrirota jira. ³¹ Y_uh_u sehe ahrirore noano waro masiera tihi. ã masierapaihta co mehne bautisai tai nii y_u coyea Israe masa ahrirore ti masihto sehe —nire João.

³² ã ni tuhs_u João to ñ_uri cjirire ð sehe ni yahu namore tjoa:

—Espíritu Santo m_uanop_u buja yoaro sehe duji ta, Cristo mehne to tjuach_u ñ_uhi. ³³ Cohamac_u y_uh_ure to yahuerach_u tirore ne masieraboia y_uh_u. Wiho mejeta tiro y_uh_ure masare co mehne diap_u bautisa duti warocariro Cohamac_u sehe ð sehe ni yahu m_uhta tuhs_ure y_uh_ure: “Espíritu Santo duji ta to bui to tjuar_uc_u s_uriro tirota jirohca. Tiro sehe Espíritu Santore to yaina mehne ã jirucuch_u yoarohca”, nire Cohamac_u y_uh_ure. ³⁴ Mip_u pinihtare to ã ni yahurirore ñ_u tuhs_uhi y_uh_u. ã ñ_uc_u “Ahriro potocãta Cohamac_u mac_uno jira”, ni yahuja y_uh_u m_usare —ni yahure João sãre.

Jesu buheina to pji m_uhtaina jira

³⁵⁻³⁶ Pa dachoi João mehne sã p_uaro to buheina sã ducuch_u, Jesu sã cahai y_uhd_u wahcãno nire. To ã y_uhd_u wahcãch_u João tirore ñ_uno, pari turi ð sehe nire sãre:

—Ñ_uga. Ahriro Cohamac_u to oveja yoaro sehe jiriro jira —nire João.

³⁷ To ã nich_u sã p_uaro to buheina sehe tíre t_uhona Jesu baharo wahahi. ³⁸ Sã ã wahach_u ñ_uno Jesu sãre majare ñ_u, ðsehe ni siniture:

—¿Nohop_u wahajari m_usa? —nire tiro.

To ã nichu sã cãhu õ sehe ni sinitu ñai tirore:
 –Rabi, ¿nohopu jijari mahu? –nihi sã tirore.
 (Rabi sã ya mehne nina “buheriro”, nina nija.)

³⁹ –Yuhu mehne tatjiãhna ñuna taga –nire Jesu sãre.

To ã nichu sã sehe to jiropu ñuna wahi. Tí pjare ñamichapuh cuatro hora jire. Ñ jina tí dachore tiro mehne tjuai sã.

⁴⁰ Sã puaro Joãore tãhoina, Jesure nuhu ti wahcãina yu piti Andre mehne jii. Andre sehe Simo bahuro jire. ⁴¹ Ñ jiro tiro dóihta to wahminore Simore maca, boca, tirore õ sehe ni yahuha:

–Mesiare Cohamacu marine yuhduchu yoa dutiro to warocarirore sã bocahi –niha Andre Simore. (Mesia sã ya mehne nina “Cristo”, nina nija.)

⁴² Ñ ni tuhsu tiro Simore Jesu cahai naahre. To cahai ti sachu ñuno Jesu sehe Simore õ sehe nire:

–Muhu Simo wama tiriho, Jona macuno jira. Mipure mahure Cefa ni wama pisuihtja –nire Jesu Simore. (Cefa sã judio masa ya mehne nina “Pedro”, nina nija.)

Felipere, Natanae cãhure pjihã Jesu

⁴³ Pa dachoi Jesu Galilea yahapuh waha duare. Ñ jiro to wahahto pano tiro Felipere piti boca, õ sehe nire:

–Yuhu mehne macariro cjihto taga –nire Jesu.

⁴⁴ Felipe sehe Betsaida macariro jire. Tiro, Andre, Pedro mehne cã maca macaina jire tina. ⁴⁵ Ñ yoa Felipe Natanaene maca, tirore bocaro õ sehe ni yahure:

—Cohamacu dutiare Moise cjiro to joari pũpu to yahurirore paina Cohamacu yare yahu mũhtaina cjiri cãhu ti yahurirore sã bocañi. Jesu Nazare macariro, José macuno tjira —nire tiro Natanaene.

⁴⁶ —Nazarepuere ne cãiro noariro mariahna — nire Natanae.

—Ñhi taga mũhu —nire Felipe.

⁴⁷ ã yoa Jesu cahai to sũchu ñano Jesu sehe õ sehe nire Natanaene:

—Ahriro mipu tariro potocãta noariro judio masuno waro jira. Tirore mahñoa ne mariahna — nire Jesu Natanae sehere.

⁴⁸ To ã nichu tũhoro Natanae sehe tirore õ sehe ni siniture:

—¿Dohseacu yũhure noano masijari mũhu? — nire.

—Felipe mũhure to pjihito pano, higueraçu docai mũ jichu ñhi yũhu mũhure —nire Jesu.

⁴⁹ To ã nichu Natanae sehe tirore õ sehe nire tjoa:

—Buheriro, potocãta mũhu Cohamacu macuno jira. Mũhu Israe masa sã Puhtoro cjihto jira —nire Natanae.

⁵⁰ To ã nichu tũhoro õ sehe ni yũhtire Jesu:

—Higueraçu docai mũhure yũ ñurire masichu yũhure “Cohamacu macuno jira”, ni wacũ tuara mũhu. ¿Tita mũhure ã masichu yoajari? Ahri mũhure yũ ñuri yũhoro Cohamacu tuaa mehne yoa ñoihca yũhu. Yũ ã yoa ñochu ñaihca mũhu —nire Jesu Natanaene.

⁵¹ ã ninota õ sehe ni yahu namore:

—Potocãta mũhure niita nija. Yũhu masuno Cohamacu warocariro tjija. Mũanopu pañĩ mũachu

Cohamacu to yaina anjoa yu bui ti duji tachu, ti mujachu cãhure ñaihca mahu —nire Jesu tirore.

2

Caná wama tiri macapu ti wamomaca duhteropu Jesu wahaha

¹ Tia dacho baharo Canái Galilea yahpai jiri macai wamomaca duhteri bose namu jire. Ñ jiro Jesu pocoro tí wuhuru jire. ² Jesu mehne sare to buheina cãhure wamomaca duhteropu pjirocare tina. ³ Ti bose namu macaa vino pichtichu Jesu pocoro tirore õ sehe ni yahure:

—Mipure vino phtia wahare —nire ticoro Jesure.

⁴ To ã nichu tuhoro Jesu õ sehe nire:

—Inõ, ¿dohseaco taco tíre yuhure yahujari mahu? Masa yuhure ti masihto duhsasinina mini —nire Jesu to pocorore.

⁵ To ã niri baharo to pocoro sehe ti cahamacare õ sehe ni dutire:

—Yu macu to dutiro sehta yoaga —nire ticoro.

⁶ Tí pjarure sã coyea judio masa Cohamacu yare yoaa taa masare ti pjacurire ã cosarucunoca dutia tire. Ñ yoa tí wahuí seis situ pari tãa mehne ti yoaa situ pari co posa tia situ pari jire. Tí situ pari Cohamacu yare yoaa taa ti cosaa co posa tia pari cjiri jire. Tí situ parire cincuenta a setenta litro posa mu sure. ⁷ Tói ti jichu ñano tí wuhu macaina cahamacare õ sehe ni dutire Jesu:

—Ahri situ parire co mehne pio sãa namoga wahpaa pari ti wahahto sehe —nire Jesu.

To ã nichu tina sehe noano wahpo dapo pahñonocare ti parire.

⁸ Ti ã yoari baharo Jesu tinare õ sehe ni dutire tjoa:

—Mipure tí core wa na, wuhu macarirore waga —nire.

To ã nichu tuhoa tí core wa na, wuhu macarirore ware.

⁹ Ti ã wachu tiro sehe tí core vino to wahachu yoaa core sihni ñare. Tí core nohoi to tarirore masierare tiro. To ã masierapachuta to cahamaca tí core waina sehe masire. Wuhu macariro ã masieraro wamomaca dakterirore pjiroca, ¹⁰ õ sehe ni yahure:

—Paina masa noaa core vinore wa muhtana. Masa ti noano sihniri baharo ña curea core wara tina. Muhu sehe noaa core wihbo, baharo curero tí core ware sare —nire wuhu macariro wamomaca dakterirore.

¹¹ Canái Galileai jiri macai Jesu core vino to wahachu yoari cjiri coã to bajuamehne ducari jire. Ñ yoaro painare to tuaare ñore Jesu. To ã ñori baharo sã to buheina tirore wacũ tuai.

¹² Baharo Jesu to pocorore, to bahanare, sare to buheina cãhure Capernaupu sũho sare. Tópu suna, mahaa dachoricã tjuasiniã sã.

Jesu Cohamacu wuhupure sũha

(Mt 21.12-13; Mr 11.15-18; Lc 19.45-46)

¹³ Pascua jichu judio masa sã bose numuri cjihti mahanocã dũsatjiãhre. Ñ jiro Jesu Jerusalẽpu sare. ¹⁴ Tópu sũro tiro Cohamacu wuhupu sãa sũro, wachure, ovejare, bujaare duainare boca sare. Tuhsu, niñerure cohtotaina ti mesaripu ti dujichu tina cãhure boca sare. ¹⁵ Ñ boca sũro yuta dari

mehne tjanari da yoa, tinare jipihtinare sopacaru tjana nuna wionocare. Oveja, wachua cahuere tjana nuna wionocare tiro. A yoa niñeru cohtotaina ti mesarire na majareroca doca cunocare. Ti niñeru tari cahuere doca sitenocare. ¹⁶ A yoa tuhsu bujaare duainare o sehe nire:

—Musa bujaare na wijaahga. Yu Pucu ya wahuere pache duari wuhu yoaena tjiga —nire Jesu tinare.

¹⁷ To a yoachu ñna sa to buheina sehe Cohamacu yare ti joari pu ti niri cjirire wacu: “ ‘Cohamacu, mu wahuere tuaro cahija. A cahicu mu wahuere ñano ti yoachu ñacu tuaro cahyaja yuhu’, ni joa tiha Cohamacu yare ti joari pu”, ni wacu sa Jesu buheina.

¹⁸ Jesu to a yoari baharo sa coyera judio masa puhto tirore o sehe ni siniture:

—¿Dohseacu mahu ahninare Cohamacu wahuere jinare cohã wiori? Cohamacu mahuere tere yoa dutiro to jichu Cohamacu tuaa mehne yoa ñoga mahu sa ñhti cjhtire —nire tina Jesure.

¹⁹ Ti a nichu Jesu o sehe ni yuhtire:

—Ahri wahuere musa cohachu tia dacho waboroi tuhsuhtja yuhu —nire Jesu tinare.

²⁰ —Tia dacho mehne ahri wahuere tuhsuasi mahu. Cuarenta y seis cahuari waro ti yoari wahu jira ahri wahu —nire tina Jesure.

²¹ To a nichu tina tirore noano tuhoerare. Jesu “Ahri wahuere” nino, to pjacare nino niri jimare.

²² A yoa to yariari baharo, to masa wijaari baharo sa to buheina sehe to niri cjirire wacu, Cohamacu yare ti joari pu Jesu to yahuri cahuere “Tí potocã tjira”, ni wacu sa.

Jipihtina ti wacũare Jesu masina

²³ Pascua bose namari jichu Jesu Jerusalẽpu jire. Tói to jichu masa payu Cohamacu tuaa mehne to yoa ñochu ñua tirore wacũ tuare. ²⁴ Ti ã wacũ tuapachuta Jesu masa ti wacũare noano masino, “Yuhure ã wacũ tuarucuahca”, ni tãhotueraha. ²⁵ Tiro masa ti tãhotuare noano masire. ã masino masa ti tãhotuare painare ne sinitu ñuerare.

3

Jesu Nicodemo yahuha

¹ Tí macai Nicodemo wama tiro, judio masa puhto mehne macariro jire. Tiro fariseo curua macariro jire. ² Cũ ñami tiro Jesu cahai ta, tiro mehne õ sehe ni sãhduri jire:

—Buheriro, mahu Cohamacu to buhe dutiro to warocariro mu jichu sã masija. Mahu payu tahari Cohamacu tuaa mehne yoa ñona. Cohamacu mahure to yoadoherachu, mahu sehe to tuaa mehne ne ã yoa ñoaeraboa —niri jire Nicodemo Jesure.

³ To ã nichu tãhoro Jesu sehe õ sehe ni yahuri jire:

—Potocã mahure niita nija. Pari turi masa bajuariro yoaro sehe wahariro dihta mari puhtoro Cohamacu mehne ji masina —niha Jesu.

⁴ —Cuenah. ¿Bucuro sehe dohse yoa pari turi masa bajuabocari tiro? To pocoro niji suhtiropu majare sãa, pari turi bajua masieraboca tiro —niri jire Nicodemo.

To ã nichu tãhoro Jesu õ sehe ni yãhtiri jire tjoa:

⁵ —Potocã niita nija mahure. Co mehne, Espiritu Santo to tuaa mehne pari turi masa bajuariro

dihta mari pũhoro Cohamacũ mehne ji masina. ⁶ Numia nijipocosanumia jia, macanacãre masa bajuachũ yoara. Espiritu Santo sehe masare Cohamacũ pohna jichũ yoara. ⁷ “Pari turi masa bajuariro yoaro sehe wahariro dihta mari pũhoro Cohamacũ mehne ji masina”, yũ nichũ, tũho wisiecũ tjiga. ⁸ Espiritu Santo masare Cohamacũ pohna to yoachũ wihnono yoaro sehe jira. Wihnono to tariropũ tara. To taro coa tachũ mari tũhoja. ã tũhopanahta to tarirore, to waharirore ne masieraja. Tó seheta yoara Espiritu Santo masare Cohamacũ pohna jichũ yoaro –niri jire Jesu Nicodemore.

⁹ –Mũ niare noano masieraja –niri jire Nicodemo.

¹⁰ To ã nichũ tũhorõ õ sehe niri jire Jesu:

–Mũhũ judio masare buheriro jipaihta, ¿dohseacũ yũ niare tũhoerajari? ¹¹ Potocã mũhũre niita nija. Sã masirire, sã ñũrre sã yahuja. Sã ã yahupachũta ne mũsa sã coyera judio masa ne tũho duaerare. ¹² Ahri yahpa macaa mehne masa ti masa bajuari mehne mũhũre piti dahre yũ buhe mũhtarire “Potocã tjira”, nierara mũsa. ã nierana piti dahre buhero marieno Cohamacũ yare yũ yahuchũ cãhũre “Potocã tjira”, nisi mũsa.

¹³ ‘Ne cãiro mũanopũ Cohamacũ cahapũ wahariro ne pari turi tjua tasi. Yũhũ masũno Cohamacũ warocariro yũhũ dihta mũanopũ jiro ahri yahpapũ tahi. (ã jicũ yũhũ dihta Cohamacũ yare mũsare yahu masija.) ¹⁴ Panopũre masa marienopũ Moise cjiro bronze wama tiri comaa

mehne ti yoarirore agãre yucꝰꝰ ti dapodꝰ so-
htoapꝰ duhu õ dapoha. Yꝰꝰ cãhꝰre masꝰno
Cohamacꝰ warocarirore tiro agãre to duhu õ
daporiro seheta yꝰꝰ cãhꝰre duhu õ dapoahca.
¹⁵ Yꝰꝰre ti ã yoari baharo jipihtina yꝰꝰre wacũ
tuaina jipihtia dachoripe Cohamacꝰ mehne ã jiru-
cuahca –niri jire Jesu.

Cohamacꝰ jipihtinare cahãna

¹⁶ ã ni tuhsꝰ õ sehe ni namori jire Jesu:

–Cohamacꝰ jipihtina ahri yahpa macainare
tuaro cahãna. ã jiro yꝰꝰre to macꝰnore cãirota
jirirore Cohamacꝰ warocare jipihtina yꝰꝰre
wacũ tuaina pichacapꝰ ti wahaerahto cjihtore.
ã jia Cohamacꝰ ya catia mehne ã catirucuahca
tina. ¹⁷ Cohamacꝰ yꝰꝰre to macꝰnore masare
buhiri dahre dutiro warocaerare ahri yahpapꝰre.
Masare pichacapꝰ wahaborinare yꝰꝰdꝰchꝰ
yoahtiro cjihto sehere yꝰꝰre warocare.

¹⁸ Yꝰꝰre Cohamacꝰ macꝰnore wacũ tuainare
ne buhiri dahresi Cohamacꝰ. Yꝰꝰre wacũ
tuaeraina pinihtare Cohamacꝰ buhiri dahre
duti tuhsꝰre. Masa yꝰꝰre Cohamacꝰ macꝰnore
cãirota jirirore ti wacũ tuaerari buhiri buhiri
dahrerohca tinare. ¹⁹ Yꝰꝰ Cohamacꝰ macꝰno
ahri yahpapꝰ tacꝰ buhriaro to noano marine to
ñꝰ masichꝰ yoaro seheta Cohamacꝰ yare noano
masichꝰ yoaja. Yꝰ ã masichꝰ yoapachata, yꝰꝰre
wacũ tuaeraina sehe yꝰꝰre cahmaerara. Ti ñaa
yoaa sehere noano cahmana. Ti ã cahmari buhiri
tinare buhiri dahre duti tuhsꝰre. ²⁰ Jipihtina ñaare
ã yoarucuina baro ti ñaa yoaare duhu duaerara.
ã jia buhriaro to bajuro dahrero seheta ti ñaa

yoarire “Bajuro dahreri” nia, y_uh_ure cahmaerara tina. ²¹ Quihõno yoaina sehe y_uh_ure, y_u buhea c_uh_ure cahmana. Cohamac_u yoadohoro mehne to yare ti yoare y_u noano bajuro dahrech_u b_uo tierara tina. ã jia y_uh_ure buhriaro yoaro sehe jirirore cahmana –ni yahuri jire Jesu.

Pari turi João masare bautisariro Jesure yahuha

²² Baharo Jesu sãre to buheinare Judea yahpap_u s_uho wahare. Tó_p_u s_uro tó macaina mehne mahaa dachoricã tjua, tinare bautisare. ²³ João c_uh_u masare bautisaro niha Enón wama tiri macai. Enón Salim wama tiri maca cahai jire. Tói dia jire. Tói dia jich_u João bautisaro niha masare. ²⁴ Tirore ti peresu yoah_uto pano Enóni masare bautisaro niha João.

²⁵ Tí pjare João buheina mehne macaina mahainacã judio mas_uno mehne bautisaa macaare durucua niha. ²⁶ ã jia tina João cahap_u s_uha, tirore õ sehe ni yahuha:

–Buheriro, Jordão sie coap_u m_uh_u mehne jiriro “Tiro tjica”, m_u niriro sehe mip_ure masare bautisaro nina. To ã yoach_u jipihtina tiro cahap_u dihta wahara –niha tina Joãore.

²⁷ Ti ã nich_u t_uhoro João õ sehe ni y_uhtiha:

–Tiro tuariro to jich_u Cohamac_u sehe tirore ã jich_u yoariro jira. ²⁸ “Cristo jieraja”, y_u nich_u t_uhore m_usa. ã jierapaihta to pano to waroca m_uhtariro jija y_uh_u. ²⁹ Cristo mehne masa ti wahach_u ñ_uc_u tuaro wahcheja. Õ sehe jira tí: Wamomaca d_uhtericoro to man_uno mehne jiro wahara. Wamomaca d_uhtehtirore cohtariro sehe d_uhtehtiro to namo tich_u ñ_uno to durucuch_u

tuhoro tuaro wahchera. ã jicũ yũhũ wamomaca dũhtehtirore cohtariro to wahcheriro se-heta Cristo mehne masa ti wahachũ ñucũ tuaro wahcheja. ³⁰ Cristo sehere wacũ tuaro cahmana masare. Yũhũ sehere wacũ tuaeraro cahmana masare –ni yũhtiha João.

Cohamacũ macũno mũanopũ tariro jira

³¹ ã ni tuhsũro õ sehe ni namoha João:

–Mũanopũ tariro jipihtina yũhdoro tuariro jira. Ahri yahpũpũ jiina jina ahri yahpa macaina jija mari. ã jina ahri yahpa macaare durucuja mari. Mũanopũ tariro sehe jipihtina yũhdoro tuariro jira. ³² To ñũri cjirire, to tũhori cjirire tiro yahura. To ã yahupachũta to yahuare masa sehe ne tũho duaerara. ³³ Mũanopũ tariro to yahuare masa tũhoa, tíre cahmaa, “Cohamacũ potocã niriro jira”, nia nina tina. ³⁴ Ahriro Cristore Cohamacũ warocarirore Espĩritu Santo ya tuaare cũ pahũona Cohamacũ. ã jiro tiro Cohamacũ ya durucuare yahura. ³⁵ Cohamacũ to macũnore tuaro cahĩna. ã jiro jipihtina bui ti pũhtoro ji dutire to macũnore. Jipihtia pũro ji dutire tirore. ³⁶ Cohamacũ macũnore wacũ tuaina sehe Cohamacũ catia mehne ã catirucuahca. To macũnore cahmaeraina sehe Cohamacũ catia mehne jisi. ã jiro Cohamacũ tinare tuaro buhiri dahrerohca –niha João.

4

Jesu Samaria macaricoro mehne durucuha

¹ Jesu João yũhdoro payũ buheinare to cjũachũ João yũhdoro masare to bautisachũ fariseo curua

macaina t̄horocaha. ² Ti ã t̄horocapach̄ta Jesu sehe to basi masare bautisaerare. Sã to buheina sehe masare bautisahi. ³ Fariseo curua macaina ti ã masich̄ t̄horo Jesu sehe Judea yahpai jiriro Galilea yahpap̄ sãre s̄ho tjuaa wahare.

⁴ Tóp̄ wahana Samaria yahpare s̄ ȳhd̄ wahcãna tana nihi sã. ⁵ ã ȳhd̄ wahcãna Samaria yahpai jiri macap̄ Sica wama tiri macap̄ s̄hi. Tí maca cahai panop̄ macariro Jacobo cjiro to mac̄no José cjirore to wari yahpa jire. ⁶ Tói Jacobo cjiro co to naari copa jire. ã yoa Jesu sehe yoarop̄ tariro cjiro jiro, tiro wahya ȳhd̄aro tí copa d̄ht̄ cahai nuju s̄re. Tí pja tói to so nuju s̄ri pja cohari pja waro jire. ⁷⁻⁸ Sã to buheina sehe macap̄ ch̄are sã nuch̄na wahari baharo cãirota tiro tói tjua nuju s̄re. ã so nuju s̄ro Samaria macaricoro tí copap̄ co waro to wihich̄ Jesu ticorore core siniha:

—Core waga ȳh̄re —niha.

⁹ —M̄h̄ judio mas̄no jira. Ȳh̄ sehe Samaria macaricoro jija. ¿Dohseac̄ ȳh̄re core sinijari m̄h̄? —niha ticoro Jesure. Judio masa Samaria macainare ñ̄ tuhtiina jira. ã jiro ticoro ã niha.

¹⁰ To ã niri baharo Jesu ticorore õ sehe ni yahuha:

—M̄h̄re Cohamac̄ to yoadoho duarire masico, m̄h̄re core sinirirore masico, m̄h̄ ȳh̄ sehere siniboa. M̄ ã sinich̄ paye co sehere waboa ȳh̄. Tí co sehe catich̄ yoara —niha Jesu ticorore.

¹¹ To ã nich̄ t̄horo ticoro õ sehe ni ȳhtiha tirore:

—Ne m̄h̄are situ mariahna. Wiho mejeta ahri copa c̄ãri copa jira. ¿Ã jic̄u ahri catich̄u yoaa core nohor̄u wabocari m̄h̄u? ¹² Mari ñ̄ch̄u cjiro Jacobo panop̄u macariro ahri copare marine c̄ãa tiha. Tiro, to pohna, to nuina c̄ãh̄u ahri core sihn̄ia tiha. “Paye core waboa ȳh̄u” nic̄u, ¿Jacobu ȳhdoro masiriro jijari m̄h̄u, ã ni t̄hotuc̄u? —niha ticoro.

¹³ To ã nich̄u Jesu õ sehe ni ȳhtiha:

—Jipih̄tina ahri core sihn̄iina, pari turi ñ̄ahma yapioahca. ¹⁴ Ya co sehere sihn̄iina ne pari turi ñ̄ahma yapiosi. ã jia ya core sihn̄iina Cohamac̄u mehne ã jirucuahca. Ma pohtap̄u co to ã wijaarucuro seheta ya co ne piht̄isi —niha Jesu.

¹⁵ To ã nich̄u t̄horo numino sehe õ sehe niha:

—Ne pari turi ȳh̄ ñ̄ahma yapioerahto sehe tí core waga ȳh̄are. ã jico pari turi ne õp̄are co wasi —niha ticoro.

¹⁶ To ã nich̄u Jesu ticorore õ sehe ni yahuha:

—Tí pja pinihta m̄u man̄are pjico wahaga. Pji tuhs̄u õp̄u taga tiro mehne —niha Jesu ticorore.

¹⁷⁻¹⁸ —Man̄u marienicoro jija ȳh̄u —niha ticoro.

—Potocãta nimana m̄h̄u. M̄h̄u cinco tahari man̄u ti tuhs̄umare. Tuhs̄u, mip̄ure m̄h̄u mehne jiriro m̄u man̄u jierara. ã yoaa “Man̄u marienicoro jija” nico, potocãta nimana m̄h̄u —niha Jesu ticorore.

¹⁹ To ã nich̄u t̄horo õ sehe niha ticoro:

—Ne, Cohamac̄u yare yahu m̄h̄tariro jira m̄h̄u, ȳh̄ t̄hotuch̄u. ²⁰ Sã ñ̄ch̄us̄uma cjiri ahdu t̄c̄up̄u Cohamac̄ure ñ̄o payoa tiha. ã jina m̄usa sehe judio masa “Jerusal̄ei Cohamac̄ure ñ̄o payoro cahmana masare”, nia tire m̄usa judio masa —niha ticoro.

To ã nichu Jesu õ sehe ni yuhtiha:

²¹ —Numino yuhure tuhosinga. Baharopu ahdu tũcui, Jerusalẽpu cãhure mari Pucure ño payosi m̃sa. ²² M̃sa sehe m̃sa ño payorirore masierara. Masare yuhduchu yoah tiro judio mas̃nota jira. ã jina sã judio masa sehe sã ño payorirore masija. ²³ Mipure baharopu cãhure Cohamacure potocã ño payoina ti noano tuhota mehne tirore ño payoahca. Tó sehe mari ño payochu cahmana Cohamacu. ²⁴ Cohamacu pjacu marieriro to jichu masa tirore ñerara. ã jia tirore ño payoa, ti noano tuhota mehne tirore noano potocã ño payoro cahmana masare —niha Jesu.

²⁵ To ã nichuta ticoro õ sehe ni yuhtiha:

—Mesia, “Cristo” ti niriro sehe masare yuhduchu yoah tiro, to tahti cjihtire masija yuhu. Tiro taro, marine jipihitiare buhe pahñonohca —niha ticoro.

²⁶ —Yuhuta jija Cristo —niha Jesu ticorore.

²⁷ To ã ni yahuchu waro wihina sã to buheina sehe Jesu numino mehne to durucuchu ñuna, c̃aa wahi. ã c̃apanahita “¿Dohse cahmajari mah̃? ¿Dohse nii nijari mah̃ ticorore?” ni sinitu ñerahi.

²⁸ ã jiro numino to suture tói duhu daponoca, macapu waha, masare yahuro, õ sehe niha:

²⁹ —Yu yoari cjiire yahu pahñorirore ñuna taga m̃sa. Tiro potocãta Cristo jiboca pa tehe nino —niha ticoro.

³⁰ To ã nichu tãhoa tí maca macaina sehe Jesure ñua taa nire. ³¹ Tí pjare sã Jesu buheina sehe tirore tuaro chu dutimai:

—Buheriro, chuga —nimai sã.

³² —Soro jia chũare cjũaja yũhũ. Tíre mũsa masierara —nire tiro.

³³ To ã nichũ tũhona sã basi õ sehe ni durucui:
—¿Paina tirore chũare wa tuhsũari? —nii sã basi.
Sã ã nichũ Jesu õ sehe ni yahure:

³⁴ —Masa sehe chũ ji coara. Yũhũre warocariro to cahmaare yoacũ ji coaja yũhũ sehe to yoa dutiro seheta yoa pahñocũ tacũ. ³⁵ “Cuatro sũri dũhsara dicha naahto”, wese pũro to niriro seheta mũsa sehe ni tũhotuena tjiga. “Cohamacũ yare sã yahuhto dũhsasinina”, ni tũhotuena tjiga. Potocã niita nija mũsare. Mipũ pinihtare masare ñũga. Dicha tichũ mũsa naari pja to jiro seheta, mipũ pinihta masa yũ buheare ti tũhohti pja jiro nina.

³⁶ Toaa dichare naainare ti wapariro seheta yũ yaina cjihti naainare yũ yare buheinare ti ã yoari wapa tinare noano yoaihtja yũhũ. Ti ã buhechũ tũhoa yũ buheare tũhoina yũ yaina sehe Cohamacũ mehne jipihtia dachoripe jirucuahca. ã jia tinare buhe mũhtaina, baharo yũ yaina jichũ yoaina cũhũ cãno potori wahcherucuahca. ³⁷ “Cũiro toa mũhtariro jira. Pairo sehe toaa dichare nariro jira”, nia tiha panopũ. Tí potocã tjira. Ti ã niriro seheta cãina yũ yare yahu mũhtaina jira. Paina sehe yũ yare buhea yũ yaina jichũ yoaina jira. ³⁸ Wese pũro to yaina dahraina toeraina ti jipachũta to toaa dichare tinare naa dutiro warocara. Tó seheta masare buhe mũhtaeraina mũsa jipachũta yũ yaina cjihti yoa duticũ warocaja mũsare. Paina sehe tinare buhe mũhta tuhsũre. Ti buherinapũre pari turi buhe namona, yũ yaina jichũ yoanahca mũsa sehe. ã jina buhe mũhtaina sehe ti yoad-

ohoro mehne painare y_u yaina jich_u yoanahca m_usa –nire Jesu.

³⁹ Tí pjare Samaria macaricoro “Y_u yoari cjirire tiro yahu pahñore”, to ã nich_u t_uhoa Samaria macaina pay_u Jesure wacũ tua, tirore cahmaha.

⁴⁰ ã jia Samaria macaina Jesu cahai s_ua, “Sã mehne tjuasiniga”, nire tirore. Ti ã nich_u sã cãh_u tiro mehne p_ua dacho tói tjuasinii. ⁴¹ Paina cãh_u pay_u Jesure t_uhoa cahmare tirore. ⁴² Õ sehe nire masa numinore:

–Wahmanop_ure m_u yahurire t_uhona, Jesure cahmahi. Mip_u pinihtare Jesu to durucuaré t_uhona tirore wacũ tuana, tirore cahmaja. ã jina tiro sehere t_uhona ahri yahpa macainare pichacap_u wahaborinare y_uhd_uch_u yoariro potocã to jich_u mip_u sã masija –nire masa Samaria macaricore.

P_uhtoro mac_unore dohatirirore noariro wahach_u yoaha Jesu

⁴³ P_ua dacho baharo Jesu sãre Galilea yahpap_u s_uho wahare. ⁴⁴ Wahmanop_ure ò sehe nia tire tiro: “Cohamac_u yare yahu m_uhtarirore to ya yahpa macaina tirore ño payoerara. ã jia y_uh_ure ño payoerara ò macaina òi y_u bucuariro jich_u”, nia tire Jesu. ⁴⁵ ã jia Galileap_u to s_uch_u tó macaina tirore noano piti bocare. Tó pano Jerusalëi bose n_um_ui Jesu Cohamac_u tuaa mehne to yoach_u ñ_urina jire tina.

⁴⁶ ã yoa Canáp_u Galileai jiri macap_u core vino to wahach_u yoari macap_u wahaa wahi sã tiro mehne. Caná cahai jiri macai Capernau wama tiri macai jipihtina buí p_uhtoro docai jiriro p_uhtoro

macuno dohatiro niha. ⁴⁷ Tuhsu, Jesu Judeapu jiri Galileapu to sachu puhtoro tuhoha. Tire tuhoro Jesu cahapu wihire:

—Yu macu yariaro nihre. A yoa tirore noariro wahachu yoai taga —ni tuaro mehne pjire tirore.

⁴⁸ To a nichu tuhoro Jesu o sehe ni yuhtire:

—Cohamacu tuua mehne yu yoachu ñerana, ne yuhare wacu tuaerara masa —nire Jesu tirore.

⁴⁹ To a nichu puhtoro sehe o sehe nire:

—Puhtoro, yu macu to yariahto pano taga —nire tiro Jesure.

⁵⁰ —Tjuaahga. Mu macu catica —nire Jesu.

To a nichu tuhoro, “To niriro sehetu catirohca yu macu” nino, puhtoro tjuaa wahare. ⁵¹ A tjuaarucurirore to cahamaca tirore piti boca, o sehe ni yahuha:

—Mu macu catihre —ni yahuha tina tirore.

⁵² —¿Noho waroi su jichu noariro wahari tiro? —ni sinituha tiro to cahamacare.

—Canare cohari pja baharocã juaro suruhre tirore —niha tina.

⁵³ Ti a nichu tuhoro o sehe ni tuhoutuha tiro: “Jesu yuhare to a ni yahuri pjaihta juaro surua wahari jire”, ni tuhoutuha puhtoro sehe. “Potocãta nino niri jira yuhare” nino, tiro jipihtina to coyea mehne Jesure wacu tuaha.

⁵⁴ Jesu Judea yahpapu jiri Galilea yahpapu to sari baharo puhtoro macunore noariro to waharire mari quihochu puu taha Cohamacu to tuua mehne yoa ño tuhsare Jesu.

5

Tini masierarirore noariro wahachũ yoaha Jesu

¹ Baharo judio masa Cohamacũre sã ño payori bose numũri jichũ Jesu Jerusalẽpũ sure tjoa. ² Tói oveja wama tiri sopaca cahai cuhsũri copa jihre. Sã judio masa ya mehne nia Betesda wama tiri copa jihre. Tí copa cahai cinco tihamahnoera tahti poca jihre. ³ Tí tahti pocaí payũ dohatiina coãre. Capari ñũeraina, cũ buhũsehe dahporo ñaina, pjacũ buhaina tina tí copa cahai jia, [co ñuhmi mũa mũjanore cohtaa nire. ⁴ Tórpũ buharo tí copa macaa core cãa tahari ñuhmichũ yoa mũjare anjo. Tí copa macaa co ñuhmiri baharo ña mio mũhtariro sehe dohse jiare dohatiare cjuariro noariro wahare.] ⁵ ã yoa tói treinta y ocho cuhmari waro dohatiriro jire. ⁶ Tói to coãchũ ñũno to ã yoari pja dohatiriro jichũ masire Jesu tirore. ã masino tirore õ sehe ni siniture:

—¿Pjacũ dohatia marieriro ji duajari mũhũ? — nire Jesu.

⁷ To ã nichũta dohatiriro õ sehe ni yũhtire:

—Tí co to ñuhmichũ yũhare co jiri copapũ naboriro mariahna. Tí copapũ yũ ña mio duapachũta paina sehe yũ pano ã ña mio mũhtarucura —nire tiro Jesure.

⁸ —Wahcãrucaga. Mũ coãri cahsarore naa, wahaga —nire Jesu tirore.

⁹ To ã nichũta dohatiriro sehe to coãri cahsarore naa, ducu dũcare. Tí dacho Sabado judio masa sã sori numũ jire. ¹⁰ Tí dachoi Jesu to ã yoachũ ñũa judio masa sã puhtoã sehe dohatiriro cjirore õ sehe ni yahuha:

–Michare Sabado dacho mari sori nũmũ jipachũta mũ coãri cahsarore naahna mũhũ. ã yoacũ mari dutiare yũhdũrũcai nina mũhũ –niha tina tirore.

¹¹ –Yũhũre yũ dohatiare cohãriro sehe õ sehe nire yũhũre: “Mũ coãri cahsarore na, wahaga”, nire tiro yũhũre –ni yũhtiha dohatiro cjiro.

¹² –¿Tĩre mũhũre ã niriro sehe diro baro jijari tiro? –ni sinituha tina.

¹³ Tói masa payũ ti jichũ ñũno Jesu sehe waha tuhsũha. ã jiro dohatiro cjiro sehe tirore noariro wahachũ yoarirore to wamare masieraha. ¹⁴ Baharo Cohamacũ wũhũi Jesu tirore piti boca, õ sehe ni yahure:

–Tũhosiniga mũhũ yũhũre. Mipũre noano pjacũ tira mũhũ. Ñaare yoa namoi tjiga. Pari turi ñaare yoa namocũ mũ dohatiro yũhdoro wahaihca mũhũ –nire Jesu tirore.

¹⁵ To ã niri baharo dohatiro cjiro sehe sã judio masa pũhtoa tirore sinituina cjiri cahapũ sũro, õ sehe ni yahuha tinare:

–Jesu wama tirore yũhũre noariro wahachũ yoahre –ni yahuha tiro.

¹⁶ ã yoa Sabado jichũ Jesu dohatirore to dohatiare to cohãchũ masia judio masa sã pũhtoa sehe tirore ñũ tuhtia, yahusãa dua dũcare.

¹⁷ ã tirore ti yahusãa duachũ masino Jesu sehe õ sehe ni yahure tinare:

–Yũ Pũcũ mipũre dahrasinina. Yũhũ cũhũ dahrasinii nija –ni yahure tirore yahusãa duainare.

¹⁸ To ã nichũ judio masa sã pũhtoa sehe tiro mehne tuaro suaa, tó pano ti niriro yũhdoro tirore

wajã duare. Sabado dachore sã sori nũmũre cãirore to noariro yoachũ ñũa tina suare. ã suaa tiro Cohamacũre “Yũ Pũcũ” to nichũ tũhoa, tina sehe tó pano ti niriro yũhgoro sua namoha tjoa. “ ‘Yũhũ Pũcũ’ nino, Jesu to basi ‘Cohamacũ mehne cãno potori jija’, ni wacũca tiro”, ni tũhoture judio masa sã pũhtoa.

Jesu Cohamacũ to warocariro jira

¹⁹ ã yoa Jesu tinare õ sehe ni yahure:

—Potocã mũsare niita nija. Yũhũ, Cohamacũ macũno, yũ mũ sũro yoaeraja. Yũ Pũcũ to yoarire ñũcũ, tíre yoaja. ²⁰ Yũ Pũcũ yũhũre, to macũnore, cahĩna. ã jiro to yoarire yũhũre ño pahĩõna. Ahri mipũ to tuaa mehne yũ yoari yũhgoro tiro payere yoa dutirohca yũhũre. To ã yoa dutichũ to tuaa mehne yoa ñoihca yũhũ. ã jina ñũ cũanahca mũsa. ²¹ Yũ Pũcũ yariarinare to masoriro seheta yũhũ cũhũ yũ cahmainare masoihtja. ²²⁻²³ Ne yũ Pũcũ sehe masa ti ñaa buhirire buhiri dahreriro jierara. Yũhũ sehere tíre ti ñaa buhirire buhiri dahrehtirore cũre yũ Pũcũ. Jipihtina masa tirore ti ño payoriro seheta yũhũ cũhũre ti ño payohti cjihtire buhiri dahrehtirore cũre yũhũre. Yũhũre to macũnore ño payoerana yũ Pũcũ cũhũre ño payoerara mũsa. Tiro jira yũhũre warocariro —nire Jesu.

²⁴ ã ni tuhsũ õ sehe ni yahu namore:

—Potocãta mũsare nii nija. Yũ durucuare tũhoina yũhũre warocarirore wacũ tuaina jipihtia dachoripe mũanopũ ã jirucuahca. ã jicũ tinare buhiri dahresi yũhũ. ã jia tina pichacapũ wahaborina yũhdũahca. ²⁵ Potocã mũsare niita

nija. Pichacapu wahahtina yuhure Cohamacu macunore ti tũhohti pja mipu jira. Baharopu cãhure yuhure tina tũhoahca tjoa. ã tũhoa tũho nunina sehe Cohamacu mehne ã jirucuahca. ²⁶ Cohamacu yu Pucu sehe ã jirucuchu yoariro jira. ã jiro yuhure to macunore ã jirucuchu yoachtiro ji dutire tiro yuhure. ²⁷ ã jicu yuhu masuno Cohamacu to warocariro yu jichu tiro masare buhiri dahrehtirore cũre yuhure. ²⁸ Ahrire tũhona, tũho cãaena tjiga mũsa. Pa dachopure jipihtina yari-aina masa coparipu jiina yu durucuchu tũhoahca. ²⁹ ã tũhoa, noaare yoaina cjiri jipihtia dachoripe Cohamacu mehne jihtina cjihti masa mũjaahca. Ñaare yoaina cjiri sehe ñaare ti yoari buhiri pichacapu wahaahca —ni yahure Jesu.

³⁰ ã ni tuhsu õ sehe ni yahu namore:

—Yuhu yu mu sũro ne yoaeraja. Ne yu basi yu cahmano yoa duaeraja. Yuhure warocariro to dutiro sehta yoa duaja. ã jicu to niriro sehta buhiri dahreja. Tuhsu yuhu masare buhiri dahrecu quihõnota yoaja. ³¹ “Yuhu tuariro jija”, yu ni yahuchu “Mu yahua ne quihõno jierara”, ni masiboca mũsa. ³² Pairo jira yuhure yahuriro. Tiro João sehe masare yahure yuhure. Masare yuhure to yahuri cjiri quihõno tjira. Tĩre yuhu noano masija. ³³ Mũsa paina sehere Joãoopure yuhure sinitu dutina warocare. ã jiro potocãta yahure tiro mũsare. ³⁴ “Cohamacu macuno jira ahriro”, yuhure ni yahuhtinare macaeraja. ã macaerapacũta João masuno to jipachũta yuhure “Cohamacu macuno jira”, to ni yahurire yahui nija.

Musa yuhure wacũ tuahti cjihtire, musa pichacaru wahaborina musa yuhduhti cjihtire yuhure João to yahurire yahui nija. ³⁵ Sihãria mahaa dachoricã to ñu masichu yoaro seheta João musare buhe muhtano mahanocã to catiro puro musare masichu yoare. To ã buhechu tuhona mahaa dachoricã wahchere musa. ³⁶ Yu jia tiare to ã buhepachuta Cohamacu sehe yu jiare noano yahura. To ã yahuchu João yu jiare to yahua yuhdoro jira Cohamacu ya yahua. ã jichu Cohamacu to tuaa mehne yuhure to yoa dutiri cjihtire mipu yoai nija. Ahrire yu yoachu ñana potocãta Cohamacu to warocariro yu jiare masina musa. ³⁷ ã yoa yu Pucu yuhure warocariro to basi “Tiro yu warocariro jira”, ni yahura musare. To ã ni yahupachuta to durucuare ne tuhoerare musa. ã jina musa tirore ne masierare. ³⁸ Yuhure Cohamacu warocarirore musa ne tuho duaerare. ã jina musa Cohamacu yare ne cahmaerare. ³⁹ Cohamacu yare ti joari pũre musa buhena, “Mari ahri pũre buhena jipihtia dachoripe Cohamacu mehne ã jirucunahca”, nina musa. Tí pũita yuhure yahura. ⁴⁰ Tí pũ yuhure to yahupachuta musa sehe yuhure cahmaerara. Jipihtia dachoripe Cohamacu mehne musa ã jirucuhti cjihtire yuhure sini duaerara musa –ni yahure Jesu.

⁴¹ ã ni tuhsu õ sehe ni namore:

–Yuhure musa ño payoerachu ñucu suaeraja yuhure sehe. ⁴² Musa sehe Cohamacure musa cahlerachu masija yuhure. ⁴³ Cohamacu yu Pucu yuhure to dutiriro seheta yu tapachuta musa yuhure cahmaerare. Pairo sehere Cohamacu

tirore warocaerariro to jipachuta to m_u s_uro to tapachuta tiro sehere cahmanahca m_usa. ⁴⁴ Paina masa m_usare ti ño payoch_u cahmana m_usa. Cohamac_u m_usa mehne to ji coach_u cahmaerara m_usa. Tiro dihta Cohamac_u waro jira. ã cahmaerana y_uh_ure t_uhoerara m_usa. Y_uh_ure wacũ tuaerara. ⁴⁵ M_usare y_u P_uc_up_ure ne yahusãsi y_uh_u. Tíre masiga m_usa. Moise cjiro to joari pũ sehe m_usare yahusãnohca. “Tí pũ macaa dutiare mari yoa pahñona, Cohamac_u cahai wahanahca”, m_usa niri pũ sehe m_usare yahusãnohca. ⁴⁶ Moise cjiro to joari pũi y_uh_u sehere yahuha. ã jina tí pũre “Potocã tjira” nina, y_u yahua cãh_ure “Potocã tjira”, niboia m_usa. ⁴⁷ Moise cjiro to joari pũre “Potocã tjira” nierana, y_u ya durucua cãh_ure “Potocã tjira”, nisi m_usa –nire Jesu tinare.

6

Cinco mil bui masare ch_ua waha Jesu (Mt 14.13-21; Mr 6.30-44; Lc 9.10-17)

¹ ã to buheri baharo yoa cureri pja baharo Galilea wama tiri b_uc_up_uariro pa b_uh_usehe coap_u sã to buheinare Jesu s_uho pahãa wahare. Tí taro pjiri taro pa wama Tiberia wama tire. ² Tó pano Galilea yahpai Jesu Cohamac_u tuaa mehne yoa ño, dohatiinare ti dohatiare to cohãch_u masa ñ_ua tire. ã jia Jesu to pahãch_u ñ_ua, masa pay_u tirore n_un_u ti pahãre. ³ ã yoa baharo tí taro d_uht_u cahap_u Jesu sãre s_uho pahã s_u, t_uc_up_u m_uja, t_u buip_u sãre s_uho dujire. ⁴ Tí dachore Pascua wama tiri bose n_um_u cjihto, sã judio masa ya bose n_um_u s_uhti dacho cjihto mahaa dachoricã d_uhsare. ⁵⁻⁶ Tó_u dujiro,

Jesu payu masa to cahapu ti tarucuchu ñure. Ñ ñuno Felipere õ sehe ni sinitu ñure:

—¿Ahrina masa ti chahiti cjihtire nohopu nuchunahcari mari? —nire Felipere.

Jesu to basi to yoahitire masiparota Felipere ã sinitu ñure “¿Dohse ni yahitirohcari?” nino. ⁷ To ã sinitu ñuchu tãhoro Felipe sehe õ sehe ni yahitire:

—Ocho sãri posa dahra wapataa niñeru mehne chũare mari nuchupachuta masare cãinare daacã chũare mari witipachuta ne mu sũsi —nire Felipe Jesure.

⁸ Ñ yoa paio, sã mehne macariro Andre, Simo Pedro bahuro sehe Jesure õ sehe ni yahure:

⁹ —Ahriri wahma wahmuu tariro cinco pão curirire, ã jichu wahi puarocã cũhare cjũara. Wiho mejeta masa sehe payubia jira. Ñ jiro ahri mahano cã chũa ne mu sũsi —nire Andre.

¹⁰ To ã niri baharo:

—Masare duji dutiga muusa —nire Jesu sã to buheinare.

Tõi daacã tja jiro jire. Sã duji dutichu masa nuju su pihtiare tja bui. Tina muu dihtare sã quihõchũ cinco mil wahtaroi jire. ¹¹ Ti ã nuju sũchũ ñuno Jesu sehe pãore na, Cohamacure “Noana”, nire. Ñ ni tuhsũrota sãre to buheinare witi dutire. To ã dutichu sã sehe tõi dujiinare witi wahcãi. Tuhsũ, puaro wahi cũhare witihi tinare. Jipihinare noano ti chu duaro puro chũare tinare witihi. ¹² Baharo masa sehe yapi yũhdũa wahare. Ti ã yapi yũhdũachũ ñuno Jesu sãre õ sehe ni yahure:

—Ti chu dũharire noano saa cahmachu pahũoga. Ñ yoana ti chu dũhaare ne bosu —nire.

13 To ã nichu tuhona sã sehe cinco pão curiri duhsarire sã saa cahmachuchu doce puñuse waro wijare. 14 Ñ jia Jesu tíre to tuaa mehne to yoa ñochu ñua, masa sehe õ sehe nire:

—Potocãta jira. Ahriro Cohamacu yare yahu mautariro ahri yahpau “Tarohca”, ti niriro mari cohtariro tjira —nire tina.

15 Ñ jia tina Jesure ti puhtoro jihtiro cjihtore ñaha sõ duamare. Jesu ti ã ni tuhotuare masino pari turi cãirota tãcupu wahaa wahare.

Jesu co bui ducu wahcãha
(Mt 14.22-27; Mr 6.45-52)

16 Ñamichapau sã to buheina bucupariropu buhai. 17 Tõpue buhu su, dohoriapu samu, Capernau wama tiri macapu majare pahã. Tí pjare sã majare pahãri pjare ñamipu jire. Jesu sehe sã cahapu tju wihierasire mini. 18 Sã ã majare pahãno watoi wihnono tuaro sãre tachu, pahcõri bujua pahcõri wahcãre. 19 Sã cinco kilómetro suboro waroi sã suchu waro Jesu sãre mu sure. Co buipu to tachu ñhi sã. Ñ sã cahai to tachu ñua, sã sehe cu yuhduu wahacuru. 20 Sã ã cu yuhduachu ñno tiro sãre õ sehe ni yahure:

—Cuiena tjiga. Yuhuta jija —nire Jesu.

21 To ã nichu tuhona sã wahchea mehne tirore piti boca samu dutihi. To samuri baharocãta wacuenoca sã wahari yahpau pahã su tuhsuhi.

Masa sehe Jesure macaha

22 Ñ yoa tí ñamine masa bucupariro pa buhusehe coapu tjuaina sehe sã yaria busoca, sã pahãtia cãria to jichu ñre. Tia mehne sã sahsero sã pahã

wahach_u cūhure ñure tina. Tuhs_u Jesu sã mehne to pahãerach_u ñure tina. Ñ jia pa dachoi tirore tói cohtaa niri jimare tina. ²³ Ti ã cohtaro watoi, paye b_uso, Tiberia wama tiri macap_u taa b_uso Jesu Cohamac_ure “Noana”, to niriro cahacã curerop_u, masare to ch_ua witiriro cahacã curerop_u wahã s_uri jire tí b_uso. ²⁴ Ñ yoa sãre Jesu to s_uho jimarirore to mariach_u ñ_ua, masa tí b_usop_u samu, Capernaup_u sãre n_un_u ti pahã tari jire, Jesure maca taa.

Jesu catich_u yoa ch_ua yoaro sehe jiriro jira

²⁵ Ti pahã wihiri baharo, Jesure boca wihi, tina masa õ sehe ni sinitu ñure tirore:

—Buheriro, ¿dohse jich_u tari m_uh_u õp_ure? —ni sinitu ñure tina.

²⁶ Ti ã ni sinitu ñ_uch_u, Jesu tinare õ sehe ni yahure:

—Potocã niita nija m_usare. Y_uh_u m_usare Cohamac_u tuaa mehne y_u yoa ñopach_uta y_uh_ure sehere wacū tuaerara m_usa. Y_uh_ure wacū tuaerapanah_uta y_uh_ure macana m_usa. Y_uh_u mehne b_uj_ua ch_u, m_usa yapirina cjiri jina y_uh_ure maca tari jira m_usa. ²⁷ Wiho mejeta ch_ua ne ã jirucuerara. Baharop_u pihtia wahara. Ñ jina tíre ã macarucuena tjiga m_usa. Paye baro ch_ua soro jia ch_uare macaga m_usa. Tí soro jia ch_uare bocana jipihtia dachoripe Cohamac_u mehne jirucunahca. Ñ jia tí ch_ua pinihta ne pihtisi. Tí ch_uare y_uh_u mas_uno Cohamac_u warocariro m_usare waihtja. Cohamac_u y_u P_uc_u y_uh_ure tí baro ch_uare wa dutiriro jira. Tirota to warocariro y_u jiare ño tuhs_ure m_usare —nire Jesu.

²⁸ To ã nich_u t_uhoa tina õ sehe ni sinitu ñure tirore:

—¿Cohamacu to yoa dutiare yoana tana dohse yoanahcari sã? —ni sinitu ñure tina.

Jesu sehe ti ã nichu tãhoro, õ sehe ni yãhtire tinare:

²⁹ —Cohamacu musare õ sehe dutira. To warocarirore musa noano tãho, wacũ tuachu cahmana tiro —ni yãhtire Jesu.

³⁰ To ã nichu tãhoa tina õ sehe nire tjoa:

—Cohamacu warocariro jicu tiro to tuaa mehne yoa ñoga sãre mãhure sã noano wacũ tuahto cjihtore. ¿Yaba barore yoa ñobocari mãhu?

³¹ Mari ñuchusuma cjiripu panopu macaina masa marienopu maná wama wama tiare chuã tiha. Cohamacu yare ti joari pũpu õ sehe ni yahura: “Tiro tinare mãano macaa chũare waa tiha ti chũhti cjihtire”, ni joaa tiha Cohamacu yare ti joari pũpu. ¿To ã yoariro seheta yoaihcarì mãhu cãhu? —nire tina.

³² Ti ã nichu tãhoro õ sehe ni yahure Jesu tinare:

—Potocã musare niita nija: Moise cjiro mãano macaa chũare waera tire musare. Yu Pucu sehe mãano macaa chũare potocã jia chũare musare wariro jira. ³³ Cohamacu to chuã mãanopu duji ta, jipihtiro yahpa macainare catichu yoa masina —nire Jesu tinare.

³⁴ —Puhtoro, dachoripe tí baro chũare ã warucuga sãre —nire tina.

³⁵ Ti ã nichu tãhoro, Jesu sehe õ sehe ni yahure tinare tjoa:

—Yũhu sehe catichu yoaa chuã yoaro sehe jiriro jija. Mari ya chũare mari chũri baharocãta dóicãta jũca baa wahaja mari tjoa. Sihnia cãhure mari sihniri baharocãta ñahma yapioa wahaja tjoa. Wiho

mejeta diro yuhure cahmariro, yuhure wacũ tuariro, ne jaca baaerariro yoaro sehetá to wahchea sehe tirore ne pihtisi. ³⁶ MUSA sehe yuhure ñpanahta yuhure wacũ tuaerasinina mini. Tíreta masare yahumahi yuh. ³⁷ Jipihtina y PUCHU y yaina cjihtire yuhure to cūrina sehe yuhure cahmaahca. Ñ jii yuhure cahmainare ne cohāsi yuh. ³⁸ Muanopu tacu y cahmano yoai tai nierahi. Yuhure warocariro to cahmariro sehetá yoai tai nii yuh. ³⁹ Ahrita jira yuhure warocariro to cahmaa waro: Jipihtina y yaina cjihti yuhure to warina cjiire y boerachu cahmana yuhure warocariro pihtiri dachoi ti masa mijahto cjihtore. ⁴⁰ Jipihtina yuhure Cohamacu macunore ñina, yuhure wacũ tuaina jipihtia dachoripe tiro mehne ti jirucuch cahmana y PUCHU. Ñ jicu pihtiri dachoi tinare masoihtja –nire Jesu.

⁴¹ “Yuh muanopu taa chca yoaro sehe jiro jija”, to nichu tuhóa judio masa sã puhtoá sehe tiro mehne sua, ⁴² ti basi Jesure ñano ni durucure:

—¿Ahriro Jesu José macuno jierajari? To puchro, to pocoro cūhure mari masija. Tuhsu mari yoaro sehe pjacu tiirota jira. ¿Ñ jiparota dohsearo “Muanopu tahi”, nijari tiro? —ni suare tina.

⁴³ Ti ñ nichu tuhoro Jesu ñ sehe ni yahure tinare:

—MUSA yuhure ñano ni durucuenta tjiga. ⁴⁴ YU PUCHU yuhure warocariro sehe masare yuh sehere cahmachu yoara. To ñ yoerachu masa sehe y yaina ji masieraboa. Pihtiri dachoi y yainare masoihca yuh. ⁴⁵ Cohamacu yare yahu muhtaina cjiri sehe ñ sehe ni joaa tiha: “Cohamacu tinare buherohca”, ni joaa tiha Cohamacu yare yahu

m̄h̄taina c̄jirip̄u. J̄ipihtina ȳu P̄uc̄u to buheare t̄h̄oina, tirore ȳuhtiina ȳuh̄are cahmana. ã̄ j̄ia ȳu yaina jira.

⁴⁶ Ȳu P̄uc̄ure ne c̄ũiro mas̄no ñ̄erare. Ȳuh̄u Cohamac̄u warocariro dihta ȳu P̄uc̄ure ñ̄uhi.

⁴⁷ Potocã̄ niita nija m̄sare. Ȳuh̄ure wac̄ũ tuariro j̄ipihtia dachoripe ȳu P̄uc̄u mehne ã̄ jirucurohca.

⁴⁸ Ȳuh̄u catich̄u yoaa ch̄uã yoaro sehe jiriro jija.

⁴⁹ M̄usa ñ̄uch̄usuma c̄jiri masa marienop̄u manãre ch̄uã tiha. ã̄ tíre ch̄upahta yariaa wahaa tiha.

⁵⁰ M̄hanop̄u taa ch̄uare ȳu nia ch̄uare mas̄no ch̄uro, ne pichacarp̄u wahasi. ⁵¹ Ȳuh̄u m̄hanop̄u taa ch̄uã catich̄u yoaa ch̄uã yoaro sehe jiriro jija.

Ahri ch̄uare ch̄uriro j̄ipihtia dachoripe ȳu P̄uc̄u mehne ã̄ jirucurohca. Ahri ch̄uã catich̄u yoaa ch̄uã yoaro sehe j̄ia ȳu p̄jac̄ta jira. J̄ipihtiri yahpa macaina Cohamac̄u mehne ti ã̄ jirucuhti c̄jhtire ȳu p̄jac̄ure waihtja. ã̄ wac̄u yariaihca –nire Jesu.

⁵² To ã̄ nich̄u t̄h̄oa sã̄ coyea judio masa sehe tíre ȭ sehe ni durucure ti basi:

–¿Ahriro dohse yoa to p̄jac̄ure ch̄uhti c̄jhtire warohcari? –nire tina ti basi.

⁵³ Ti ã̄ nich̄u t̄h̄oro Jesu ȭ sehe ni yahure:

–Potocã̄ niita nija m̄sare. Ȳuh̄u mas̄no Cohamac̄u warocariro jija. Ȳu p̄jac̄ure ch̄uerariro, ȳu dire sihnierariro Cohamac̄u ya catia mehne ã̄ jirucusi. ⁵⁴ Ȳu p̄jac̄ure ch̄uriro, ȳu dire sihniriro ȳu ya catia mehne ã̄ jirucurohca. ã̄ jic̄u pihtiri dachoi tirore masoihtja. ⁵⁵ Ȳu p̄jac̄u potocã̄ta ch̄uã waro yoaro sehe jira. Ȳu di potocã̄ta sihnia waro yoaro sehe jira. ⁵⁶ Ȳu p̄jac̄ure ch̄uriro ȳu dire sihniriro ȳuh̄u mehne wahchea mehne jirucura. Ȳuh̄u cã̄h̄u

tiro mehne wahchea mehne jirucuja. ⁵⁷ Y_u P_uc_u y_uh_ure warocariro ã jirucura. ã jirucuro, y_uh_u c_uh_ure ã jirucuch_u yoara. ã jia y_uh_ure ã jirucurirore masa ch_ua, Cohamac_u mehne m_uanop_u ã jirucuahca tina c_uh_u. ⁵⁸ Ahrita jira m_uanop_u taa ch_ua. Mari ñ_uch_us_uma cjiri maná wama tia ti ch_uri cjiri yoaro sehe jierara ahri ch_ua. Tina sehe tí ch_uare ch_upahta yariaa wahaa tiha. Ahri ch_ua sehere ch_uriro m_uanop_u ã jirucurohca —nire Jesu.

⁵⁹ Capernaup_u judio masa sã buheri wah_ui Jesu buhero, ãta ni yahure.

Jesu buheare t_uhona m_uanop_u ã jirucunahca mari

⁶⁰ Pay_u Jesure cahmaina to ã ni buheare t_uhoa, õ sehe ni durucure:

—Ahri buhea nucu mijona. ã jina mari t_uho duaera cureja —ni durucure tina ti basi.

⁶¹ Ti ã nich_u Jesu sehe ti durucure masire. ã masino tiro õ sehe ni siniture tinare:

—¿Ahri buheare t_uhona suajari m_usa? ⁶² ¿Y_uh_u mas_uno Cohamac_u warocariro m_uanop_u y_u tjuaa wahach_u ñ_una dohse ni t_uhotubocari m_usa?

⁶³ Espíritu Santo mas_unore catich_u yoara. Masa sehe ti basi catich_u yoaerara. Espíritu Santo masare to catich_u yoariro seheta y_u buhea sehe m_usare Cohamac_u mehne ã jirucuch_u yoara.

⁶⁴ Cãina m_usa mehne macaina ne y_uh_ure wac_u tuaerara —nire Jesu.

Wahmanop_ure Jesu tirore wac_u tuaerainare masire. Tirore ñ_u tuhtiinare ñohtiro c_uh_ure masi tuhs_ure. ã tirore wac_u tuaerainare masino “Cãina m_usa mehne macaina y_uh_ure wac_u tuaerara”, nire Jesu.

⁶⁵ ã ni tuhsu õ sehe ni namore:

—Õ sehe ni yahumahi musare: “Yu Pucu sehe masare yuhu sehere cahmachu yoara. To ã yoaerachu masa sehe yu yaina ji masierabo”, musare nii nimahi —nire Jesu.

⁶⁶ To ã ni buhechu tũhoa payu Jesure cahmarina cjiri tirore cohã, tiro mehne pari turi wahaerare. ⁶⁷ Ti ã yoachu ñũno Jesu sãre doce to buheinare õ sehe ni siniture:

—¿Musa cãhu yahure cohãnahcari? —ni siniture sãre.

⁶⁸ To ã nichu Simo Pedro õ sehe ni yũhtire tirore:

—Puhtoro, sãre paio buheriro mariahna. Mu ya buheare tũhona Cohamacu mehne ã jirucunahca sã. Mu ya buhea dihta tíre yahura sãre. ⁶⁹ ã jina sã mũhure wacũ tuaja. ã yoa mũhu noariro, Cohamacu macũno to warocariro mu jichu sã masija. ã jina mũhure cohãsi sã —nire Simo Pedro Jesure.

⁷⁰ To ã nichu tũhoro Jesu õ sehe ni yahure sãre:

—Yuhu sehe musare doce besehi. Wiho mejeta cãiro musa mehne macariro watĩno yairo cjihto jira —nire sãre to buheinare.

⁷¹ ã nino Judare Simo Iscariote macũnore nino niri jire. Juda sehe doce buheina sã mehne macariro Jesure ñu tuhtiinare ñohtiro jire.

7

Jesu bahana tirore “Cohamacu macũno jira”, ni masieraha

¹ Baharo Jesu Galilea yahpai tinino wahare. Judea yahpai judio masa tirore wajã duare. Ti ã wajã duachu masino tiro tí yahpau wahaerare.

² Judio masa daa wũhũsecã sã yoahiti namũri bose

n̄m̄uri mahanocã d̄hsatjiãhre. ³ ã jia Jesu bahana tirore õ sehe ni yahure:

—Judeap̄ wahaga. Tóí m̄ yainare Cohamac̄ tuaa mehne m̄ ñohtiro cjihto wahaga m̄h̄.

⁴ Masare yoa ño duac̄ yaeraro cahmana m̄h̄re. Yoa ñono cahmana. Potocãta Cohamac̄ tuaa mehne yoariro jic̄ tíre masare ñoga —nimare tina.

⁵ To bahana jipahta Jesure “Cohamac̄ mac̄no jira”, nierare. ã jia, ã nire tina tirore. ⁶ Ti ã niri baharo Jesu õ sehe ni yahure tinare:

—Masa ȳh̄re ti noano masihti pja d̄hsasinina mini. M̄sa sehe ñ̄ duana bose n̄m̄uri jich̄ waha masina. ⁷ Ahri yahpa macaina m̄sare ñ̄ tuhtierara. Ȳh̄ ti ñ̄aa buhirire ȳ yahuch̄ tina ȳh̄ sehere ñ̄ tuhtira. ⁸ Bose n̄m̄uri jich̄ wahaga m̄sa sahsero. Ȳh̄re ȳ wahahto d̄hsasinina mini. ã jic̄ ȳh̄ sehe bose n̄m̄urine ñ̄i wahaerasinija — nire Jesu tinare.

⁹ ã nino tiro Galileai tjuare.

Jesu daa w̄h̄sericã ti yoari n̄m̄uri bose n̄m̄uri jich̄ wahaha

¹⁰ Bose n̄m̄urip̄ Jesu bahana ti ñ̄a wahari baharo Jesu c̄h̄ ti baharo wahare. ã waharo masa ti ñ̄eraro watoí wahare. ¹¹ Bose n̄m̄urihi jiina judio masa sã p̄h̄toa tirore macare:

—¿Nohop̄ jicari tiro? —ni sinituha tina.

¹² ã jia masa c̄h̄ Jesure paȳ yahuwajaha. Paina “Tiro noariro jira”, niha. Paina sehe “Tiro ñ̄ariro jira. Masare mahñ̄oriro jira”, ni yahuwajaha tina.

¹³ ã nipahta judio masa sã p̄h̄toare cuia, masa ti ñ̄erarop̄ Jesure yahuwajaha.

14 Bose numuri dacho macai Cohamacu wuhuru Jesu saa saro, buhere. 15 To a buhechu sa coyea judio masa taho caa waha, o sehe nire:

—¿Ahriro buheroru buhemahnoerariro jiparota dohsearo noano masi pahñonocajari? —nire tina tirore.

16 Ti a nichu Jesu o sehe ni yahure tinare:

—Yu buheri cjiri yu ya durucua jierara. Yuhure warocariro ya durucua sehe jira ahri buhea.

17 Cohamacu cahmaare yoa duaina yu buhea sehere Cohamacu ya durucua ti jichu masiahca. Yu mu saro yu buherachu cuhure masiahca tina.

18 Curo to mu saro to masia mehne buheriro jiro “Yuhu dihtare no payoga”, niriro jira tiro. Wiho mejeta yuhure warocariro sehere musa no payochu cahmaja yuhu sehe. Yu a nichu tihona “Potocã durucuriro jira tiro. Ne mahñoerara”, ni masinahca musa.

19 Cohamacu dutiare Moise cjiro sehe cu tih masare. To a cupachuta musa jipihntina ti dutia sehere ne yuhtierare. ¿Dohseana yuhure wajã duajari musa? —nire Jesu sa coyea judio masare.

20 —Muhu taho masierariro, watino to cohtotariro jira. Muhure wajã duaina mariahna —ni yuhtire tina Jesure.

Ti a nichu Jesu o sehe ni yuhtire:

21 —Sori numu Sabado jichu cu tahata Cohamacu tuua mehne dohatiriro to dohatiare yu cohachu musa nu caa wahare. 22 Mari nu chusuma cjiri panoru macaina sehe ti pjacure mahanocã cahsarocãre yihsoina ti yoariro seheta Moise cjiro yihso dutiha. To a dutichu Sabado mari sori numu

jipachuta masunore to pjacure mahanocã cahsarocãre yihsora musa. ²³ Sabado jichu masunore to pjacure mahanocã cahsarocãre yihsora musa, Moise cjiro dutiri cjirire yoana tana. ¿Musa cãhu Sabado dachoi tíre yoapanahta tí dachoi dohatirirore jipihtia to pjacure noariro yu yoachu ñuna dohseana yuhu mehne suari musa? ²⁴ Yu yoarire musa noano masierapanahta, yuhure ñano tãhotuena tjiga. Musa noano masiri baharo yuhure musa tãhotua potocã tjiahca –nire Jesu.

Jesu wahmanopu to tarirore yahuha

²⁵ To ã ni yahuri baharo mahainacã Jerusalẽ macaina tirore õ sehe ni yahuwajare:

–¿Ahiro judio masa puhto ti wajã duariro jierajari? ²⁶ ã tirore ti wajã duapachuta jipihtina panoi masare buhero nina tiro. Wiho mejeta tirore wajã duaina jipahta ã ñunocahna. “Tiro potocãta Cristo jira”, ¿ni tãhotubocari puhto sehe? ²⁷ Wiho mejeta ahiro Jesu to tarirore sã masija. Cristo sehe masare yuhduchu yoahtiro to tachu to tariro sehere masimahnoerara. ã jiro masare yuhduchu yoahtiro Cristo waro jierara Jesu –ni yahuwajare tina Jerusalẽ macaina.

²⁸ Ti ã niare masino, Jesu õ sehe ni tuaro sañurucu buhere Cohamacu wãhu:

–Yuhure õ sehe ni tãhotura musa: “Tirore masija. ã jina to tariro cãhure masija”, ni tãhotumana musa. Musa ã ni tãhotupanahta yuhure warocarirore ne masierara musa. Yuhure warocariro potocã niriro, potocã yoariro jira.

Tiروه ne masierara mۄsa. ²⁹ Tirota yۄhۄre warocare. Ǻ jicu tiro cahapۄta tahi. Ǻ jicu yۄhۄ sehe tiروه masija –nire Jesu judio masare.

³⁰ To Ǻ nichۄ tۄhoa tiروه ڤaha duamare. Ti Ǻ ڤaha duapachۄta Jesu to ڤano yۄhdۄhti pja dۄhsasinire. Ǻ jia tina tiروه ڤaha masierare.

³¹ Paina masa sehe payۄ tiروه wacۄ tua, ۆ sehe nire:

–Ahrero Jesu sehe payۄ tahari Cohamacۄ to tuaa mehne yoa ڤo tuhsۄre. Jipihtina paina yۄhdoro Cohamacۄ tuaa mehne yoa ڤohna tiro. Ǻ yoarota Cristo Cohamacۄ to warocarero tjira ahrero Jesu –nire Jesure wahma wacۄ tua dۄcaina.

Fariseo curua macaina Jesure peresuyoa dutiha

³² Masa Jesure ti Ǻ ni durucuchۄ tۄhoa sacerdotea pۄhta, fariseo curua macaina mehne Jesure ڤaha dutia warocaha surarare.

³³ Ǻ jiro Jesu judio masare ۆ sehe nire:

–Mahaa dachoricǺ mۄsa mehne jisiniihca. Ǻ jicu baharocǺta yۄhۄre warocarero cahapۄ waha-hca. ³⁴ Yۄ jhtopۄ mۄsa waha masierara. Ǻ jina yۄhۄre macapanahta ne bocasi mۄsa –nire Jesu judio masare.

³⁵ To Ǻ nichۄ tۄhoa tina ti basi ۆ sehe ni durucure:

–ǺAhrero Ǻ nino nohopۄ wahabocari, mۄsa tۄhotuchۄ? ǺGriego masa cahai judio masa waha siteina ti jia macari cjiripۄ griego masapۄre buhero wahabocari ahrero? ³⁶ “Yۄ jhtopۄ mۄsa waha masierara. Ǻ jina mۄsa yۄhۄre macapanahta ne bocasi”, to nichۄ Ǻdohse nino baro ahrero Ǻ nijari? –ni durucure judio masa ti basi.

Caticħ yooa mārine yahuha Jesu

³⁷ Bose nħmħri pihtiri dacho tí dacho waro jiro nire. Tí dachoi Jesu tói ducuro, tuaro mehne sañurucu õ sehe ni yahure:

—Ñahma yapioina core ti tuaro cahmano seheta jipihtia dachoripe Cohamacħ mehne mħsa jihtire tuaro cahmaina yħħare siniga. Mħsa ã sinichħ Cohamacħ yaina mħsare ji dutihtja. ³⁸ Yħħare wacũ tuainare õ sehe ni joaa tiha Cohamacħ yare ti joari tju: “Mári pohtaripħ caticħ yooa co to ã wi-jaarucuro seheta Cohamacħ yaina mehne caticħ yoariro ã jirucurohca”, ni joaa tiha Cohamacħ yare ti joari tju —ni yahure Jesu judio masare.

³⁹ ã caticħ yoarirore wama payo yahuro “Yħħare wacũ tuainare Espíritu Santo sãarucħ sħ mħa waharohca”, nino nire Jesu. Tiro mħanopħ to mħjaerasinichħ Espíritu Santo sehe wihierasiniha.

Judio masa pħa curua tju waha

⁴⁰ Jesu to ã nichħ tħhoa, masa payħ õ sehe ni durucure:

—Aħriro potocãta Cohamacħ yare yahu mħhtariro mari cohtariro jira —nire masa.

⁴¹ Õ sehe nire paina sehe:

—Aħriro Cristo marine yħhdachħ yoah tiro jira —nire.

Paina sehe õ sehe nire tjoa:

—Cristo taro, Galilea yahpa macariro jisi tiro. Aħriro Jesu sehe tó macariro tjira. ⁴² Cristo Davi cjiro panamino ji turiariro jirohca. ã jiro Davi ya maca cjiroi Belēi Cristo masa bajarohca. Õ se-heta ni yahura Cohamacħ yare ti joari pñi. Aħriro

Jesu sehe Belēi masa bajueraha. ã jiro tiro Cohamacu to warocariro Cristo waro jierara —nire tina.

⁴³ ã jia Jesure tuhomarina cjiri tju ware ti basi puu curua. ⁴⁴ Mahainacã masa sehe Jesure ñaha duamare. ã ñaha duapahta tirore ñahaerare.

Judio masa puhtoa Jesure ne wacũ tuaeraha

⁴⁵ ã yoa surara sacerdotea puhtoa cahapu fariseo curua macaina cahapu tjuua wahaha. Ti tju sachu ñaha tina surarare sinituha:

—¿Dohseana Jesure ñahaerari musa? —ni sinituha tina sehe.

⁴⁶ —Tiro noaputiaro durucuriro jihre. Paina tiro yoaro sehe durucuina ne mariaha —ni yuhtiha surara tinare.

⁴⁷ Ti ã nichu fariseo curua macaina sehe õ sehe ni yahuha:

—¿Musare to mahñochu “Potocã nino nica”, niri musa cūhu? ⁴⁸ Mari puhtoa Jesure wacũ tuaeraina jia ne tirore cahmaerare. Sã cūhu ã jina tirore cahmaeraja. ⁴⁹ Ahrina masa sehe Cohamacu dutiare Moise cjirore to cūire masierara. ã masieraina jia Jesure wacũ tuaina jia tirore cahmana. Ti ã cahmari buhiri tinare Cohamacu buhiri dahrerohca —niha fariseo curua macaina.

⁵⁰ Fariseo curua macariro Nicodemo Jesure sūhuro sūriro cjiro tói jiha tina mehne. Ti ã nichu tuhoro õ sehe niha tiro cūhu tinare:

⁵¹ —Jesu to ñano yoarire masieraja mari. ã masierana tiro marine to yahuhto pano tirore buhiri dahre masieraja mari. ã masierapanahata tirore buhiri dahrena, mari ya dutiare yūhdurucana nija mari —niha Nicodemo tinare.

52 To ã nichu tuhoa õ sehe ni yuhtiha tina:

—¿Muhu cãhu tiro yoaro seheta Galilea macariro tjjari? Cohamacu yare ti joari tjure buhe pahñoga. Ñ buhecu, “Cohamacu yare yahu muhtaina ne cãiro mariahna Galileare”, ni buhe masiihca muhu. Ñ jiro ã nimacanocano nina Jesu —ni yuhtiha tina Nicodemore.

53 [Ti ã niri baharo ti ya wuhusepu tjuaa wahaha.

8

Muno mehne ñano yoaricorore judio masa puhtoacacũenoca su pja

1 Jesu tũcupu Olivo wama tidupu wahare. 2 Ñ yoa pa dachoi bohrearo jichu Cohamacu wuhupu tiro sure tjoa. To ã suchu ñua masa payu tiro cahai cahmachure. Ti ã cahmachuchu ñano tiro sehe dujitiãhno tinare buhe ducare. 3 To ã buhero watoi sã coyeva judio masa buheina, fariseo curua macaina mehne tí wuhupu numinore na tare. Ticoro muno mehne to ñano yoachu waro wacũenoca su pja suha tina ticorore. Ñ su pja sua ticorore Cohamacu wuhupu na sãare tina. Na sãa su tuhsu jipihtina panoi ticorore duhu dapo, 4 õ sehe nire:

—Buheriro, ahricoro muno mehne ñano to yoachu waro wacũenoca ticorore su pja suhi. 5 Cohamacu dutiare Moise cjiropu marine to cãri õ sehe nina: “Muno mehne ñano yoaricorore tãa mehne doca, wajãga”, nia tiha Cohamacu dutia. Muhu waro, ¿dohse ni tuhotujari ahrire? —ni siniture tina Jesure.

6 Jesu to ñano nichu tuho duua nimare tina tirore yahusã duua. Ti ã sinitupachuta Jesu sehe puhsa

nuju s_u, yahpap_u to wamo pica mehne joare. ⁷ Ñã jiro ã ti ni siniturucuch_u Jesu sehe wahcãr_uca, tinare õ sehe ni yahure:

—M_usa mehne macariro ñano yoaerariro sehe ticorore tãa mehne doca mahtajaro —nire Jesu.

⁸ Ñã ni tuhs_u pari turi tiro puhsa nuju, yahpap_u joare tjoa. ⁹ Tíre tãhoa ti ñaa yoarire wacãa, ti wahmis_uma sehe wijaa mahtare. Ti baharo tina mehne macaina cãh_u wijaa pihtia wahare. Ñã ti wijaa pihtiaro baharo numino tói ducuricoro Jesu mehne tjuare. ¹⁰ Ñã jiro Jesu wahcã nuju s_u, ticorore õ sehe ni sinitu ñãre:

—¿Nohop_u wahari tina? ¿M_uhure buhiri dahre duamarina mariajari mip_ure? —nire ticorore.

¹¹ —Mariahna, puhtoro —ni yãhtire ticoro.

—Y_uh_u cãh_u buhiri dahreraja mãhure. Wahaga. Ñã jico ñaare yoa namoeco tjiga —nire Jesu ticorore.]

Buhriaro marine to ñã masich_u yoaro seheta Jesu ahri yahpa macainare Cohamac_ure masich_u yoara

¹² Pari turi Jesu tí wah_up_u jünare õ sehe ni yahure:

—Buhriaro marine to ñã masich_u yoaro seheta y_uh_u ahri yahpa macainare Cohamac_ure masich_u yoaja. Y_uh_ure wacũ tuariro jipihtia dachoripe Cohamac_u mehne ã jirucurohca. Ñã jiro tiro noaare wacũnohca. Ñã yoa tiro ñaare wacũ duasi —ni yahure Jesu.

¹³ To ã nich_u tirore fariseo curua macaina õ sehe nire:

—Muhu mu basi mu jia tiare ã ni durucui nina. Ñ jia mu õ sehe ni, mu mu suro mu nimacacachu tí yaba cjihti jierara —nire tina Jesure.

¹⁴ Ti ã nichu Jesu õ sehe ni yuhtire:

—Yu tarimore masija yuhu. Yu wahahto cãhure masija yuhu. MUSA sehe ne tíre masierara. MUSA õ sehe nipachuta yu jia tiare musare yu yahuri potocã tjira. ¹⁵ MUSA mu suro MUSA ñuri dihtare masina MUSA. Ñ jina noano masierara MUSA. Ñ masierapanahuta yuhure ñano ni durucura MUSA. Yuhu sehe yu mu suro masare ne ã nieraja. ¹⁶ Ñ jicu masa ti jia tiare ñu masicu yu mu suro ñu masieraja. Yuhu pini yu Pucu yuhure warocariro mehne ñu masija. Ñ jicu masa ti jia tiare yu ñu masia tí potocã tjira. ¹⁷ Musare dutia ti joari pui õ sehe ni yahura: “Puro masa cãno potori ti yahuchu ti yahua potocã tjira”, ni yahu joari jira. ¹⁸ Yuhure yahuriro mehne sã puro tjija. Yuhu yu jia tiare yahuja. Tuhsu, yu Pucu cãhu yahura yuhu sehere. Tirota jira yuhure warocariro —nire Jesu.

¹⁹ —¿Nohopu jicari mu Pucu? —ni siniture tina.

—Yuhure MUSA masierara. Yu Pucu cãhure masierara MUSA. Yuhure masina, yu Pucu cãhure masiboa MUSA —ni yuhtire Jesu tinare.

²⁰ Jesu tinare buhero ã ni durucure Cohamacu wuhai ti niñeru duhu sãa caa poca cahai. To ñano yuhduhti pja duhsasinire. Ñ jia tina mehne to jipachuta tina tirore ñahaerare.

“Yu wahahtopure MUSA sehe waha masisi”, niha Jesu

²¹ Pari turi Jesu tinare õ sehe ni yahure tjoa:

—Y_h tarirop_h wahaihca. Y_h wahari baharo y_hh_hre macanahca m_hsa. ã jina m_hsa ñaa buhiri tiina yarianahca. Y_h wahahtop_hre m_hsa sehe waha masisi —ni yahure Jesu.

²² —“Y_h wahahtop_hre m_hsa sehe waha masisi”, ¿to nich_h t_hhoa ahriro to basi wajã yariarohcari ã nino? —nire sã coyea judio masa ti basi.

²³ Ti basi ti ã nich_h masino õ sehe ni yahure Jesu tinare:

—M_hsa sehe ahri yahpa macaina jira. Y_hh_h sehe m_hano macariro jija. Ahri yahpai bajarina jira m_hsa sehe. M_hanop_h tariro jija y_hh_h sehe. ²⁴ M_hsa y_h jia tiare y_h nirire “Potocã jierara” nina, m_hsa ñaa buhiri tiina yarianahca m_hsa. ã jic_h “M_hsa ñaa buhiri tiina yarianahca m_hsa”, nimahi m_hsare —nire Jesu tinare.

²⁵ —¿Noa baro jijari m_hh_h? —ni siniture tina.

—Wahmanop_hre y_h nirucuriro seheta jija y_hh_h.

²⁶ M_hsare y_h yahuhti p_jiro d_hhsasinina. Tuhs_h, m_hsa ñano yoari buhirire m_hsare y_h yahuhto cjihto p_jiro d_hhsasinina mini. ã jic_h y_hh_hre warocariro to yahuri cjirire ahri yahpa macainare yahuja. To yahuri potocã tjira —nire Jesu tinare.

²⁷ “Y_hh_hre warocariro”, to nich_h t_hhoa “Mari P_hc_h jica”, ni t_hhotuerare tina. ²⁸ Ti ã ni t_hhotuerach_h ñ_hno Jesu õ sehe ni yahure tinare:

—Y_hh_hre mas_hnore Cohamac_h warocarirore m_hsa yuc_hc_h taño mehne wahcõ daponahca. M_hsa ã yoana, “Tiro Cohamac_h warocariro tjira”, ni masinahca. ã jina y_h m_h s_hro y_h yoarerariro y_h jia tiare masinahca m_hsa. ã jina y_h P_hc_h y_hh_hre to buheri dihtare yahuriro y_h jia c_hh_hre masinahca

musa. ²⁹ Yuhure warocariro sehe yuhu mehne jira. To cahmaare jipihtia dachoripe yoarucuja. ã jiro yuhure tiro ne cohãerara –nire Jesu tinare.

³⁰ To ã nichu tuhoa, tirore masa payu wacũ tuare.

Cohamacu pohnare, ñaare yoaina cãhure yahuha Jesu

³¹ ã jia paina judio masa Jesure wacũ tuare. ã jiro Jesu tinare õ sehe ni yahure:

–Yu dutiare yoa pahñoina jina, potocãta yu buheina jira musa. ³² ã jina potocã masinahca musa. Potocã jiare masina, ñaa yoaare duhu masinahca. ã jina cahamaca yoaro sehe ji namosi musa –nire Jesu tinare.

³³ To ã nichu tuhoa tina õ sehe ni yuhtire:

–Sã sehe panopu macariro Abrahã cjiro panamana ji turiaina jija. ã jina ne paina ti cahamaca jieraja sã. ã jicu “Cahamaca yoaro sehe ji namosi” nicu, ¿dohse jiro baro sãre ã nijari muhu? –ni siniture tina Jesure.

³⁴ Ti ã nichu tuhoro õ sehe nire tiro:

–Potocã musare niita nija. Jipihtina ñaare yoaina sehe ti ñaa yoaare duhu masierara. ã jia tí ñaa sehe ti puhtoro yoaro sehe jira. ã jiina jia cahamaca yoaro sehe jira tina. ³⁵ Cahamacuno sehe to puhtoro ya curua macariro jipihtia dachoripe jirucuerara. ã jiro painare dutiriro jierara. Tí wuhu macariro sehe to macuno sehe jipihtia dachoripe potocãta tí curua macariro jira tiro. (Yuhu sehe Cohamacu macuno jija. ã jicu dutiriro jija. Musa ñaa yoaare duhu dutihtja.) ³⁶ ã jina yuhu Cohamacu macuno ñaare yu duhuchu yoarina jina

potocãta ñaare duhurina jira m̄sa. (Ã jina tí ñaa cahamaca yoaro sehe ji namoerara m̄sa.) ³⁷ Abrahã cjiro panamana ji turiaina m̄sa jich̄ masija. Ã jipanahta ȳ yahua sehere t̄ho duaerara m̄sa. Ã jina ȳh̄re wajã duara m̄sa. ³⁸ Ȳ P̄c̄ ȳh̄re to masich̄ yoari cjirire yahuja m̄sare. Ȳ ã yahupach̄ta m̄sa p̄c̄ wat̄no m̄sare to dutiare yoara m̄sa c̄h̄ –nire Jesu tinare.

³⁹ –Abrahã cjiro panop̄ macariro sã ñ̄ch̄ cjiro jia tiha. Ã jiro wat̄no sã p̄c̄ jierara –ni ȳhtire tina.

Ti ã nich̄ Jesu õ sehe ni ȳhtire:

–Abrahã panamana jina, to yoariro seheta yoaboa m̄sa. ⁴⁰ Cohamac̄ ȳh̄re potocã to yahua m̄sare ȳ yahupach̄ta ȳh̄re wajã duara m̄sa. Abrahã cjiro sehe ne ã yoaera tiha. ⁴¹ M̄sa p̄c̄ to yoariro seheta yoara m̄sa –nire Jesu tinare.

To ã nich̄ tina õ sehe ni ȳhtire:

–Wamomaca d̄htemahnoeraina pohna jieraja sã. C̄irota jira sã P̄c̄. Tirota jira Cohamac̄ –nire tina.

⁴² Ti ã nich̄ Jesu õ sehe ni ȳhtire:

–Cohamac̄ mehne macariro jic̄, õp̄re tahi. Ã jina Cohamac̄ m̄sa P̄c̄ to jich̄ ȳh̄re cah̄boa m̄sa. Ȳ m̄ s̄ro taerahi ȳh̄ pinihta. Cohamac̄ to warocach̄ tahi õp̄re. ⁴³ ¿Dohseana ȳ durucuare t̄hoerajari m̄sa? Ȳ yahua t̄hona bihoerara m̄sa. Ã jina t̄ho duaerara m̄sa. ⁴⁴ M̄sa p̄c̄ sehe wat̄no jira. Ã jina wat̄no cahmaa sehere yoa duara m̄sa. Ahri yahpa wahmanop̄ to ji d̄cach̄p̄, mip̄ c̄h̄re

tiro masare wajāruruciro jira. Tirore potocã durucua mariahna. ã jiro tiro potocã ne durucuerara. Tiro wahmanopure mahño mũhta ducariro jia tiha. ã jiro tiro ã mahñoruciro jiro, mahñoare yahura. ⁴⁵ Yũhũ sehe mũsare potocã yahuja. ã yũ yahuchũ yũhũre tũhoerara mũsa. ⁴⁶ “Mũhũ ñano yoariro jira”, yũhũre ni masierara mũsa. ¿Potocã mũsare yũ yahupachũta dohseana tũhoerajari mũsa? ⁴⁷ Cohamacũ pohna sehe to durucuare tũhora. To pohna jierana, to durucuare tũho du-aerara mũsa –nire Jesu tinare.

Abrahã cjiro to jihto pano Cristo sehe ji mũhta tuhsũa tiha

⁴⁸ To ã nichũ tũhoa judio masa tirore õ sehe nire:

–“Mũhũ Samaria macariro jira. ã jicũ tũho masierariro watĩno to cohtotariro jira mũhũ”, sã niri potocã tjira –nire tina Jesure.

⁴⁹ Ti ã nichũ tũhoro õ sehe ni yũhtire Jesu:

–Tũho masierariro, watĩno to cohtotariro jieraja yũhũ. Yũ Pũcũre ño payoja. Mũsa sehe yũhũre ño payoerara. ⁵⁰ Yũhũre masa ti ño payohtire macaeraja yũhũ. Yũ Pũcũ sehe masare yũhũre ño payo dutira. Tiro pinihta yũ jia tiare noano ñũ masino, ãta ño payo dutira. Tuhsũ, yũhũre ti cahmaerari buhiri buhiri dahreriro jirohca tiro. ⁵¹ Potocãta mũsare nii nija. Yũ dutiare yoariro jipih-tia dachoripe Cohamacũ mehne ã jirucurohca –nire Jesu.

⁵² To ã nichũ tũhoa õ sehe nire tina:

–Mipũ pinihtare tũho masierariro, watĩno to cohtotariro mũ jichũ sã noano masija. Abrahã cjiro yariaa wahaha. Cohamacũ yare yahu mũhtaina

cjiri cãhũ yaria pihtia wahaha. ã jicũ “Yũ dutiare yoariro jipihtia dachoripe Cohamacũ mehne ã jirucurohca” nicũ, ¿dohse nicũ ã nijari mũhũ? ⁵³ ¿Sã ñũchũ cjiro Abrahã yũhgoro tuajari mũhũ? Tiro cjiro, Cohamacũ yare yahu mũhtaina cjiri cãhũ yariaa wahaha. ¿Mũhũ sehe diro baro jijari mũhũ ã ni durucucũ? Mũhũ ã niboriro jierara –nire tina.

⁵⁴ Ti ã nichũ tũhoro Jesu õ sehe ni yahu namore:

–Yũhũ yũ basi “Tuariro jija yũhũ” nicũ, tuariro jieraboca yũhũ. Yũ Pũcũ sehe “Tiro tuariro jira”, nina yũhũre. “Sã yairo Cohamacũ”, mũsa niriro sehe yũ Pũcũ tjira. ⁵⁵ Mũsa sehe yũ Pũcũre ne masierara. Yũhũ sehe tirore masija. “Tirore masieraja” nicũ, mũsa yoaro seheta mahñoa payũriro jiboa yũhũ. Potocãta tirore masija. ã jicũ to dutiare yoaja. ⁵⁶ Ahri yahpapũ yũ tahtore mari ñũchũ cjiro Abrahã cjiro masia tiha. ã masino tiro wahchea tiha –nire Jesu.

⁵⁷ To ã nichũ tina õ sehe ni yũhtire:

–Mũhũ cincuenta cũhmari cjũaerasinica. Abrahã cjiro panopũ macariro jira. ¿Mipũre tiro cjirore mũhũ dohsea masiboari? –nire judio masa Jesure.

⁵⁸ –Potocã mũsare niita nija. Abrahã to jihto pano yũhũ sehe ji mũhta tuhsũa tii –nire Jesu tinare.

⁵⁹ To ã nichũ tũhoa tina sehe tãare na, tirore doca duamare. Ti ã doca duapachũta Jesu sehe Cohamacũ wũhũi jiriro duhti wijaa wahare.

9

Capari ñũerarirore ñũchũ yoaha Jesu

¹ Ñ yoa Jesu sã to buheina mehne mahai wahana paiore capari ñnerarirore boca sãi. Tiro wahma masa bajaroputa capari ñnerariro jia tiha. ² Sã cũhũ tirore ñna, õ sehe ni sinitu ñhi Jesure:

—¿Buheriro, ahriro dohsearo capari ñnerariro masa bajua tiari? ¿Ñaare yoaa tiari ã waharo? ¿O to pũcũsuma sehe ñaare yoaa tiari to ã wahachũ? —ni sinitu ñhi sã sehe Jesure.

³ Sã ã nichũ tũhoro õ sehe ni yũhtire tiro:

—Ahriro to ñaare yoari buhiri capari ñnerariro wahaerare. To pũcũsuma cũhũ ñaare ti yoari buhiri capari ñnerariro wahaerare. Cohamacũ sehe tirore capari ñnerachũ yoare tirore ñachũ yoaro taro masare to ñohtire. ⁴ Yũhũre warocariro to cũrire mipũre yoaro cahmana yũhũre. Ñamipũ mari dahra masieraro seheta baharopũ yũhũre warocariro to cũrire yoa masieraja yũhũ. ⁵ Ahri yahpapũ buhriaro marine to ñũ masichũ yoariro seheta jiriro jicũ ahri yahpa macainare Cohamacũ yare masichũ yoaja yũhũ —nire Jesu.

⁶ Ñ ni tuhsũrota yahpapũ chahcho puti cũre. To ã chahcho puti cũrire dahra more, capari ñnerarirore to caparire wisõre. ⁷ Ñ wisõno õ sehe nire Jesu:

—Siloé wama tiri copai cuhsũri copai mũ caparire cosai wahaga —nire Jesu. (Siloé sã ya dũsero mehne nia “Warocari copa”, nia nire.)

Jesu to caparire cosa dutiro sehe waha, cosa, capari ñariropũ tju wihire. ⁸ To tju wihichũ tiro cahai jiina tirore ñũre. Tó pano niñeru siniriro cjiro to jichũ ñrina tirore õ sehe nire ti basi:

—¿Ahriri sohõ jiriŕo niñeru siniriŕo cjiŕo jiera-jari? —nire tina.

⁹ —Tirota jira wiho —nire paina sehe.

—Tiro jierara. ã jieraparota tiro yoaro sehe bajuriŕo jira —nire paina.

Ti ã nichu tuhoŕo capari ñerariŕo cjiŕo sehe õ sehe nire:

—Tiro tjija yuhu —nire tinare.

¹⁰ To ã nichu masa tiŕoŕe õ sehe ni siniture:

—¿Capari ñerariŕo cjiŕo jicu dohse waha ñari muhu? —ni siniture tina tiŕoŕe.

¹¹ —Jesu wama tiŕoŕo dihta sohãare dahra more, yu caparire wiŕõre. Yuhure wiŕõ tuhsu “Siloé wama tiri coparu mu caparire cosai wahaga”, to nichu cosai suhi yuhu. Yu ã cosari baharo yu capari noano bajure yuhure —ni yahure tiŕo masare.

¹² —¿Muhure ã yoariŕo nohopu jicari tiŕo? —nire tina.

—Buh. Nohoi jiro jica —nire tiŕo.

Capari ñerariŕo cjiŕoŕe faŕiseo curua macaina sinituha

¹³ ã ni durucu tuhsu tina capari ñerariŕo cjiŕoŕe faŕiseo curua macaina caharu naahre.

¹⁴ Tí dacho Jesu dihta sohãare dahra more capari ñerariŕoŕe noariŕo to yoari dacho Sabado dacho jire. Tí dacho sã sori numu jire. ¹⁵ ã jia faŕiseo curua macaina sehe tiŕoŕe õ sehe ni sinituha tjoa:

—¿Dohse yoa muhu ñari? —ni sinituha tina.

—Dihta sohãa mehne yu caparire wiŕõhre. ã jicu yu caparire yu cosari baharo ñu ducahi yuhu —ni yahuha tiŕo tinare.

16 –Tiro Sabado dacho mari sorì nãmui mari dahra dutierari nãmui dahrahe. ã jiro tiro Cohamacu yairo jierara –niha paina fariseo curua macaina sehe.

Paina sehe õ sehe niha:

–Ñaare yoariro õ sehe noariro wahachu yoa masierara. ã jiro tiro noariro jiboca –niha paina.

ã jia tina pua curua ti basi tju waha. 17 ã jia pari turi tina capari ñerariro cjirore õ sehe ni sinituha tjoa:

–¿Muhure mu caparire noano yoarirore muhu waro dohse ni tũhotujari Jesure? –niha tina tirore.

–Tiro potocãta Cohamacu yare yahu mũhtariro jira –niha capari ñerariro cjiro.

18 Wahmanopure judio masa õ sehe ni tũhotumaha: “Ahriri capari ñerariro cjiro jierara”, ni tũhotumaha tina. ã ni tũhotua capari ñerariro cjiro pucsumare pjirocaha tina. 19 Pjiroca tuhsu, to pucsumare õ sehe ni sinituha fariseo curua macaina pũtoa:

–¿Ahriri potocãta masa macu jijari? ¿Dõihta tiro capari ñerariro masa bajuari? ¿Potocãta capari ñerariro cjiro jiparota dohsearo ñjari mipure? –ni sinituha tina to pucsumare.

20 –Ahriri sã macuta jira. ã yoa dõihta capari ñerariro masa bajua tire tiro. 21 Tíre masipanahta to ñirire, tirore ñchu yoariro cãhure masieraja sã. Sã macure sinituga. Bucuro jira tiro. Tiro to basi yahu masina –niha to pucsuma.

22 Judio masa sã pũtoa wahmanopure õ sehe nia tiha:

—“Jesuta Cristo Cohamacu warocariro jira”, ninare mari buhea wuhusepu sãa dutisi sã —nia tiha judio masa puhto.

Ti ã nichu tuhoa capari ñerariro cjiro pucsuma sehe judio masa puhtoare cui niha. ²³ Ñ cuia, “Bucuro jira tiro. Tiroreta sinituga”, niha tina judio masa puhtoare.

²⁴ Baharo judio masa sã puhto pari turi capari ñerariro cjirore pjirocaha tjoa. Pjiroca tuhsu, õ sehe niha tirore:

—Cohamacu mehne poto yahuga muhu. Jesure mahñoriro to ñaa yoariro jichu sã masija. Ñ jicu poto yahuga sãre —niha judio masa capari ñerariro cjirore.

²⁵ Ti ã nichu tuhoru õ sehe ni yuhtiha tiro:

—Jesure to ñaa yoariro to jichu masieraja yuhu. Cũnota masija yuhu. Panopure capari ñerariro jia ticuru yuhu. Mipu sehere ñuja yuhu. Tí dihtare masija yuhu —ni yuhtiha capari ñerariro cjiro tinare.

²⁶ —¿Dohse yoari muhare tiro? ¿Mu capari ñuhto cjihtore dohse yoari tiro muhare? —ni sinituha tina tjoa.

²⁷ —Tíreta musare yahu tuhsamahicu yuhu. Yu ã ni yahupachuta musa ne tuho duaerare yuhure. ¿Dohse yoa duana pari turi yu yahuchu tuho duajari musa? ¿Musa cãhu to buheina ji duajari? —niha tiro tinare.

²⁸ To ã nichu tuhoa tina tuhtiha tirore:

—Muhu Jesu buheriro jira. Sã sehe Moise cjiro buheina jija. ²⁹ Potocãta Cohamacu Moise cjirore durucua tiha. Jesu to tarirore sã masieraja —niha tina capari ñerariro cjirore.

30 Ti ã nichu õ sehe ni yuhtiha tiro:

—¿Tiro to tarirore musa masierachu yahure ñuchu yoariro jiro Cohamacu warocariro jierabocari tiro? 31 Cohamacu ñaa yoainare ti siniare tahoerara. Tí pinihtare mari masija. Tinare tahoeraparota Cohamacure ño payorirore, to dutiare yoarirore to siniare tahoma Cohamacu. 32 Wahmanopure ahri yahpa to ji ducachupure ne coã masa bajaropu capari ñerarirore ne cãiro baro ñuchu yoariro mariea tiha. 33 Ñ jiro Jesu Cohamacu warocariro jieraro yahure ñuchu yoaeraboa tiro —niha tiro tinare.

34 —Muhu dóihta ñariro jia tiha. ¿Ñ jipacuta sãre buhe duajari muhu? —niha judio masa sã puhtoa tirore.

Ñ ni tuhsuata tina tirore cohã wionocaha.

Jesu yare cahmaeraina capari ñeraina ti ñu masieraro sehta Cohamacure masierara

35 Ñ yoa capari ñerariro cjirore ti cohã wiorire Jesu tãhore. Ñ tãhoro capari ñerariro cjirore boca sũro, tirore õ sehe ni siniture:

—¿Masunore Cohamacu warocarirore wacũ tuajari muhu? —nire Jesu.

36 —¿Puhtoro, noa jijari tiro? Tirore masicu wacũ tuaihtja tirore —nire capari ñerariro cjiro Jesure.

37 —Tirore ñu tuhsure muhu. Mipure muhu mehne durucuriro tiro tjija yuhu —nire Jesu capari ñerariro cjirore.

38 —Puhtoro, muhare wacũ tuaja —nire capari ñerariro cjiro.

Ñ ninota tiro Jesu panoi na tuhcuca caha su, tirore ño payore.

³⁹ To ã ño payochu ñuno ò sehe nire Jesu:

—Noaina, ñaina cãhu ti yoarire masichu yoai tai ahri yahpapure tahi. Capari ñeraina ti ñu masieraro seheta tina yoaro sehe jiina yu Pucure masierara. Ñ masierainare yu Pucure masichu yoai tai tahi yuhu. “Sã noano masija”, ni tãhotumarina noano ti masierarire masichu yoai tai tahi yuhu — nire Jesu.

⁴⁰ To ã nichu tãhoa mahainacã fariseo curua macaina tirore ò sehe nire:

—“Capari ñeraina ti ñu masieraro seheta noano masierara musa cãhu”, ¿nii nijari mahu sãre? —nire fariseo curua macaina Jesure.

⁴¹ Ti ã nichu Jesu ò sehe nire:

—Capari ñeraina ti ñu masieraro seheta potocã musa noano masierachu, musare buhiri mari-aboa. “Sã noano masiina jija”, musa niri buhiri buhiri tiina jisininã musa mipure —nire Jesu tinare.

10

Ovejare ñu wihboriro quitire yahuha Jesu

¹ Baharo quiti mehne piti dahre buhero taro ò sehe nire Jesu:

—Potocãta nii nija musare. Ovejare wihbori sahrĩno sopacai sãaerariro, sopaca marienopu sãariro sehe yaca bucuro jira. ² Sopacai sãariro sehe ovejare ñu wihboriro jira. ³ Sopacare cohtariro sopacare pjõohna ovejare ñu wihboriro to sãahto sehe. Ovejare ñu wihboriro to durucuchu tãho tara to nuina oveja peri. Tinare pjirocaro, ti wama mehne pisurocarucura tiro. Ñ yoaro tinare sahrĩnopu jiinare pji wiorucura sopacaru. ⁴ To

yainare jipihtinare pji wio tinare m_u tãrucura. Oveja sehe to durucuaire masia, to baharo n_un_u tirucura. ⁵ Pairore ti masierarirore n_un_u tierara tina. Æ jia paina ti durucuaire t_uhoa, cui m_urocaa wahara —nire Jesu tinare.

⁶ Ahri quitire to ã yahupach_uta to yahuare t_uho ñahaerare tina.

Jesu ovejare noano ñ_u wihboriro yoaro seheta to yainare noano ñ_u wihbora

⁷ Pari turi Jesu tinare õ sehe ni yahure tjoa:

—Potocãta m_usare nii nija. Ovejare wihbori sahrĩno sãari sopaca yoaro sehe jija y_uh_u.

⁸ Jipihtina y_u pano tarina quihõno y_u durucuaire buheraina, ovejare ñ_u wihbo mahñoina yacaina yoaro sehe jira. Ti ã jipach_uta y_u yaina sehe oveja yoaro sehe jiina painare ne t_uho wahcãerara.

⁹ Y_uh_u ovejare wihbori sahrĩno sãari sopaca yoaro sehe jija. Tí sopacai sãaina yoaro sehe tjira y_uh_ure wacũ tuaina. Æ jic_u y_uh_u tinare pichacap_u wahaborinare y_uhd_uch_u yoaihtja. Oveja sehe tinare ñ_u wihboriro mehne ti cahmaare bocaro yoaro seheta y_u y_uhd_uch_u yoaina cũh_u y_uh_u mehne ti cahmaare bocaahca. Y_uh_u tinare noano d_ucata, noano ñ_u wihboihca —nire Jesu.

¹⁰ Æ ni tuhs_u õ sehe ni namore:

—M_usare mahñoare buheina, ovejare ñ_u wihbo mahñoina sehe ovejare yacaina yoaro sehe jira. Yacaa taa, wajãa taa, dojomehnea taa tara tina. Wiho mejeta y_uh_u sehe y_u yainare, oveja yoaro sehe jiinare, tuaro waro ti wahchea mehne ã catirucuch_u yoai tahi. ¹¹ Ovejare noano ñ_u wihboriro yoaro sehe jija y_uh_u. Ovejare noano ñ_u wihboriro tinare noano d_ucata, to yariahtore ne

cuierara. Tó yoaro seheta yuhũ cũhũ yainare noano dũcata, yariahca, tinare ne soro wahaer-ahto sehe. ¹² Oveja pũro cahamacũno sehe potocã ovejare ñhũ wihboriro jierara. ã jia oveja to yaina jierara. ã jiro yairo ovejare to chũro tachũ ñhũno to cahamacũno sehe ovejare cohã cũnocã, mũrocaa wahara. To ã cohã cũri baharo, yairo ovejare to ñahachũ ñhũa oveja peri mũroca site wahcãã wahara. ¹³ To cahamacũno sehe to wapataa dihtare cahmana. ã jiro tiro ovejare noano ñhũ wihbo ji coaerara –nire Jesu.

¹⁴ ã ni tuhsũ õ sehe ni namore:

–Ovejare noano ñhũ wihboriro yoaro sehe jija yuhũ. ã jicũ yũ yainare masija yuhũ. ã jia yũ yaina sehe yuhũre masina. ¹⁵ Tó seheta yũ Pũcũ cũhũ yuhũre masina. ã jicũ yuhũ cũhũ yũ Pũcũre masija. Oveja yoaro sehe jiina yũ yaina Cohamacũ mehne ti ã jirucuhti cjihtire yariaihca yuhũ. ¹⁶ Paina oveja pa sahrĩno macaina yoaro sehe jiina paina masa cũhũ yũ yaina jiahca. Tina cũhũre naaihca. ã jia yũ durucuchũ tũho wahcããhca tina cũhũ. ã jia yũ yaina jipihtina cũ curuata jiahca. ã jicũ yuhũ dihta yũ yainare ñhũ wihboihca –nire Jesu.

¹⁷ ã ni tuhsũ õ sehe ni namore:

–Yũ yaina Cohamacũ mehne ti ã jirucuhti cjihtire yariaihca. Yũ yariari baharo masa mũjaihca. Yũ ã yoah tiro jichũ yũ Pũcũ yuhũre cahĩna. ¹⁸ Yũ wajã dutierachũ yuhũre wajã masieraboã tina. Yũ cahmano seheta yuhũre wajããhca. ã jicũ yũ yaina Cohamacũ mehne ti ã jirucuhti cjihtire yariaihca.

Yaria masija yuhũ. ã yoa masa mũja masija. Yũ Pũcũ yũhũre tíreta yoa dutire —nire Jesu.

¹⁹ To ã nichũ tũhoa judio masa pũa curua tju ware. Paina soro tũhotu, paina cũhũ soro tũhoture:

²⁰ —Tiro watĩno to cohtotariro jira. ã jiro tũho masierariro jira. ¿Dohseana tirore pari turi tũhojari mũsa? —nire paina payũ judio masa.

²¹ Paina sehe õ sehe nire:

—Watĩno to cohtotariro jiro ã ni durucueraboa. Capari ñũerarirore ñũchũ yoa masierara watĩno to cohtotariro. ã jiriro jiro tiro watĩno to cohtotariro jierara —nire paina judio masa.

Judio masa Jesure cahmaeraha

²² Pa dachoi sã coyeyã judio masa Jerusalẽi bose numũri yoaa nire pari turi. Cohamacũ wũhũre panopũ tirore ti wari cjirire ti wacũhti dachori jire. Tí pjare puhiro jire. ²³ Tí dachoi Salomo wama tiri tahtiapũ Cohamacũ wũhũi jiri tahtiapũ Jesu ñũ tinino nire. ²⁴ Tí tahtiapũ to jichũ ñũã sã coyeyã judio masa tiro cahapũ cahmachu, tirore õ sehe ni siniture:

—Yoaputiari pja sãre noano yahueraca mũhũ. Poto sãre noano yahu bahrañoga mũhũ. ¿Cristo Cohamacũ to warocariro tjijari mũhũ? —nire tina Jesure.

²⁵ Ti ã nichũ tũhoro õ sehe ni yũhtire Jesu:

—Mũsare yahu tuhsũmajacũ yuhũ. Yũ ã yahupachũta yũhũre tũho duaerare mũsa. Yũ Pũcũ yũhũre to dutiriro seheta to tuaa mehne yoa ñoja. ã yoacũ yũ Cristo jiareta mũsare ñoi nija. ²⁶ Yũ ã ñopachũta yũhũre tũho duaerara mũsa. Mũsa

sehe y_u yaina jierara. ã jina pairo yaina oveja yoaro sehe jiina jina, y_uh_u sehere tãhoerara m_usa. ²⁷ Ovejare ñ_u wihborirore to yaina ti tãhoriro se-heta y_uh_u cãh_ure y_u yaina tãhora. ã jic_u y_u yainare masija y_uh_u. ã jia tina y_uh_u mehne wahara. ²⁸ ã jic_u jipihtia dachoripe Cohamac_u mehne ã catirucuch_u yoaja tinare. ã jia tina sehe pichacap_u ne wahasi. ã jia y_u yainare y_u ñ_u wihboch_u paina sehe ne cãirore y_uh_ure ma masierara tinare. ²⁹ ã yoa y_u P_uc_u y_u yainare y_uh_ure wariro jipihtina y_uhdoro tuariro jira. ã jiro y_u P_uc_u sehe y_u yainare to ñ_u wihboch_u, ne cãiro tiro cãh_ure ma masierara tinare. ³⁰ Y_uh_u y_u P_uc_u mehne cãirota jija –nire Jesu judio masare.

³¹ To ã nich_u tãhoa judio masa sehe tirore ti doca wajãhti tãare pari turi namare tjoa. ³² Ti ã yoach_u ñ_uno Jesu õ sehe ni siniture tinare:

–Y_u P_uc_u ya tuaa mehne pay_u tahari yoa ñomahi m_usare. ¿Di baro sehere y_u yoari buhiri y_uh_ure tãa mehne doca wajã duajari m_usa? –ni siniture Jesu.

³³ To ã nich_u tãhoa õ sehe nire tina:

–Cohamac_u tuaa mehne m_u yoa ñori buhiri m_uh_ure tãa mehne doca wajã duaeraja sã. Cohamac_ure m_u ñano durucuri buhiri m_uh_ure tãa mehne doca wajã duaja sã. Mas_uno jipaihta “Cohamac_u jija y_uh_u”, m_u nia buhiri mehne m_uh_ure tãa mehne doca wajã duaja sã –ni y_uhtire tina.

³⁴ Ti ã ni y_uhtich_u tãhoro Jesu tinare õ sehe ni yahure:

–M_usa cãh_ure “Cohamana”, ni pisure Cohamac_u. ãta ni joaa tiha to dutiare ti joari p_ui.

³⁵ Cohamac_u yare ti joari p_u quihõno to jich_u mari

masija. “Mahñoa jira”, tí pũre ni masieraja mari. Ñ jiro to yare masiinare potocãta tiro “Cohamana”, ni pisura. ³⁶ Cohamacu yũhure besetjiãhno, ahri yahpapure warocare. Ñ jicu yũhu “Cohamacu macano jija”, yu niri buhiri “Cohamacure ñano durucuro nina Jesu”, nina musa yũhure. ¿Dohseana yũhure ã nijari musa? ³⁷ Yu Pucu to cahmariro seheta to tuaa mehne yu yoa ñoerachu pinihtare yu buherire “Potocã tjira”, nieraboca musa. ³⁸ Yu Pucu to tuaa mehne yu yoa ñopachuta yũhu sehere tũho duaeraboca musa. Ñ tũho duaerapanahta to tuaa mehne yu yoa ñochu ñuna yu yoarire “Potocã tjira”, niga musa. Musa ã nina, yu Pucu mehne sã cãno potori sã jichu masinahca musa. Ñ jina yũhu yu Pucu mehne cãno potori yu jichu masinahca musa. Ñ jina tũho ñahanahca musa —nire Jesu tinare.

³⁹ To ã nichu tina pari turi tirore ñaha duamare. Ti ã ñaha duachu ñuno tiro duhti wijaa wahare.

⁴⁰ Ñ wijaariroputa João masare to bautisa mahtariorpu Jordão sie seheru pari turi wahare tjoa. Tópu sũro tjuanocare tiro. ⁴¹ Ñ jia masa payu tirore ñua sũre. Ñ sehe nire tina ti basi:

—João sehe Cohamacu tuaa mehne yoa ñoerare. Ñ to yoa ñoerapachuta jipihtia Jesure to yahuri cjiri sehe potocãta jira —nire masa ti basi.

⁴² Ñ jia tópure masa payu wacũ tua ducare Jesure.

11

Lázaro wama tiro yariaa wahaha

¹ Ñ yoa cãiro Lázaro wama tiriŕo to wahmiosãnumia María, Marta cãhũ mehne Betania wama tiri macai jia tire. Tiro cũ numũ dohatia wahari jire. ² Tiro wahmiono María sehe baharo Jesu to dahporire me sitia wisõ, to pjoari mehne tirore pahã cohãhticoro jiri jire. ³ Ñ yoa to dohatia wahachũ ñũa, to wahmiosãnumia sehe painare Jesure yahu dutiŕocari jire:

—Puhtoro, mũ cahĩriro dohatiŕo nina —ni yahu dutiŕocari jire Lázaro wahmiosãnumia.

⁴ Tí quitire tãhoro õ sehe nire Jesu:

—Mipũre Lázaro to dohatia to variahti cjihti jierara. Cohamacũ tuaare masare ñohti cjihtire mipũre tiro dohatira. Ñ jia yũhũ to macũno tuariŕo yũ jia cãhũre ñũahca masa —nire Jesu.

⁵ Jesu Martare, to bahoro cãhũre, Lázaro cãhũre tuaro cahĩa tire. ⁶ Ñ nino Lázaro dohatiŕiŕo to jichũ tãhoparota tói Jesu sehe pũa dacho tjuasinire. ⁷ Pũa dacho baharo Jesu õ sehe nire sãre to buheinare:

—Pari turi Judea yahpapũ tjuaa wahajihna tjoa —nire sãre.

⁸ —Buheriŕo, canũpũcãta judio masa tó macaina mũhũre tãa mehne doca wajã duamare. ¿Dohseacũ tóŕũ pari turi tjuaa waha duajari mũhũ? —nihi sã to buheina.

⁹ Sã ã nichũ tãhoro, tirore ti wajã masierasini-nore yahuro, piti dahre buhero sãre õ sehe nire:

—Pjĩro tãhotuena tjiga. Cũ dachore doce horari waro jira. Sũ dacho macariŕo to jisnichũ, noano ñũja mari. Ñ jina dachore tinina ne pũha tu mũa boraeraja mari. ¹⁰ Wiho mejeta nahitianoi

tiniina sehe p̄ha tu m̄a boraa wahara. S̄ da-
cho macariro mariach̄a noano ñ̄erara tina —nire
Jesu. (Ã nino õ sehe nino niri jimare: “Mip̄re
ȳ P̄c̄a yare ȳ yahu pah̄ohto d̄hsasinina. Ã jia
yuh̄re wajã masierasinina”, nino niri jimare.)

¹¹ Ã nino sãre õ sehe ni yahu namore tjoa:

—Mari mehne macariro Lázaro, car̄ino nica. To
ã car̄ipach̄ta yuh̄a tirore wahc̄õi wahaihtja —nire
sãre.

¹² —P̄h̄toro, Lázaro car̄iro jiro, yuh̄d̄rohca —
nimahi sã.

¹³ Sã ã nipach̄ta Jesu “Car̄ino nica” nino, “Yariaa
wahaca”, nino niri jimare. To ã nich̄a t̄hona
“Lázaro soro nica”, ni t̄hotumai sã sehe. ¹⁴ Sã ã ni
t̄hotuch̄a masino Jesu poto yahure sãre:

—Lázaro yariaa wahaca. ¹⁵ Ȳa marieno to yari-
ach̄a, noa nina. Ã jina m̄sa yuh̄re wac̄ũ tua
namonahca. M̄sa ȳa jia tiare masi namo, m̄sa
yuh̄re wac̄ũ tua namohti cjihti jiahca ahri. Ã
yoana basata. Mari ñ̄na wahajihna to cahap̄a —
nire Jesu.

¹⁶ Toma s̄h̄d̄ariro wama tirore õ sehe nire
sãre:

—Mari c̄h̄a Jesu mehne wahajihna. Tirore
wajãa, mari c̄h̄are wajãjaro —nire Toma.

Jesu ã jirucuch̄a yoiro masare masoriro jira

¹⁷ Ã yoa sã t̄p̄re sã s̄na cahach̄a waro tó
macaina õ sehe ni yahure Jesure:

—Pititia dachori wahara Lázaro cjirore masa co-
pap̄a ti siõ sãari baharo —ni yahuha tirore.

¹⁸ Betania wama tiri maca sehe Jerusalē cahac̄a
tia kilómetro yoaro jire. ¹⁹ Ã jia Lázaro to yariari

baharo, payu Jerualẽ macaina sã coyea judio masa Martare, María cũhure ñahacaha tiia taa tari jire. ²⁰ Tópuẽre sã suna cahachu tuhoro, Marta sehe sãre piti bocaro wihire. Wiho mejeta to bahoro María sehe to ya wuhupũ tjuari jire. ²¹ Marta sehe Jesure piti boca wihi, õ sehe nire tirore:

—Puhtoro, yu bahu to yariahto pano mu õi jichu, tiro yariaeraboa. ²² Mipũ cũhure Cohamacure mu sini payochu, tiro mu sinino seheta yoarohca — nire Marta Jesure.

²³ —Mu bahu masa wijaarohca —nire Jesu ticorore.

²⁴ —Ãja. Ahri yahpa to pihtiri dachoi yariarina cjiri ti masa wijaahiti dachoi to masa wijaahitore masija yuhũ —nire ticoro sehe.

²⁵ To ã nichu Jesu õ sehe ni yahure tjoa:

—Yuhũ masa wijaachu yoariro jija. Yuhũ ã jirucuchũ yoariro jija. Yuhũre wacũ tuariro yariaparota ã catirucurohca. ²⁶ ã jia jipihtina Cohamacu mehne ã catirucuina, yuhũre wacũ tuaina pichacapũ ne wahasi. ¿Ahrire masijari muhũ? — nire Jesu ticorore.

²⁷ —Puhtoro, masija yuhũ. Cristo Cohamacu macũno, masare yuhdũchu yoariro “Ahri yahpapũ tarohca”, ti niriro mu jichu masija yuhũ —nire Marta Jesure.

Lázaro to masa copa cahai Jesu tiha

²⁸ Marta ã ni tuhsu to bahoro Mariare pjiro wahare:

—Marine buheriro mari ya macai taro nina. Muhũre pjihre —ni yaroca yahuri jire Mariare.

29 To ã nichu tuhoro María ño duaro wahcãruca, sã cahapu tari jire Jesure ñuno taro. 30 Ti ya macapu suerasinihi sã. Marta sãre to piti bocaroihta jisinihi sã. 31 Judio masa tí wuhui Mariãre ñahacaha tiia niha. Ñ jia ticoro to wahachu ñua, tina ticorore nunu ti tari jire. “To wahmino cjirore ti siõ sãari copapu tiiro waharo nina ticoro”, ni tãhoturi jimare tina. Ñ ni tãhotua ticorore nunu ti tari jire.

32 Ñ yoa María sã cahapu wihiro, Jesure ñu, to dahpori cahai na tuhcuca caha sure.

—Puhtoro, yu bahu to yariahto pano mu õi jichu tiro yariaeraboa —nire ticoro Jesure.

33 Ñ jiro ticoro judio masa ticoro mehne tarina cãhu ti tiichu ñuno Jesu sehe tuaro cahya ñano yajeripohna tire.

34 —¿Lázaro cjirore nohopu siõ sãari masa? —ni siniture Jesu.

—Ñui taga —ni pji wahcãre tina.

35 Ti ã nichu tuhoro Jesu tiia wahare.

36 —Lázaro cjirore Jesu tuaro cahãri jira —nire judio masa ti basi.

37 Wiho mejeta paina tina mehne macaina sehe õ sehe nire:

—Capari ñuerarirore ñuchu yoariro jira ahriro Jesu. ¿Ñ jiro Lázaro cãhure to yariaborore yãhdũchu yoaeraboari ahriro? —nire tina ti basi.

Lázaro masa wijaaha

38 Ñ jiro pari turi Jesu tuaro cahya namore. Ñ jina sã jipihtina to masa copapu suhi. Tí copa tãcapu ti sahari copa jire. Tí copapu to pjacu cjirore siõ sãa, tãca pjiria mehne tju biha cãri jire tina.

39 –Tãcare na pjõohga –nire Jesu.

To ã nichu tuhoro Marta yariariro cjiro wahmiono õ sehe nire:

–Puhtoro mipu pititia dachori waha tuhsura to yariari baharo. ã jiro to pjacu cjiro urĩbiahca –nire Jesure.

40 –“Yuhure wacũ tuaco Cohamacu tuaare ñucohca”, muhure nimahi –nire Jesu Martare.

41 To ã niri baharo tina tãcare na pjõohre. ã ti na pjõori baharo Jesu sehe manopu ñu, Cohamacure õ sehe nire:

–Mai, yuhure muhu tuho tuhsahre. Tíre mu yoachu masicu wahcheja muhure. 42 ã yoa yuhure muhu dachoripe ã tuhorucura. Tíre masija. ã masipaihta yuhu mu warocariro yu jiare õre ducuina ti masihtu cjihtire muhure ã nii nija. Tíre “Potocã tjira”, ti nihti cjihti cãhure ã nii nija –nire Jesu to Pucurore.

43 ã ni tuhsu Jesu tuaro sañurucure:

–Lázaro, wijaa tagá –ni sañurucure tiro.

44 To ã nichu yariariro cjiro to wamomacarine to dahpori cãhure suhti cahsari mehne ti wahmariro cjiro, to dapure suhtiro mehne ti wahmariro cjiro, masa copapu wijaa tare juna.

–Ti wahmari cjirore pjãga –nire Jesu.

*Judio masa puhtoa sehe Jesure ñaha duamaha
(Mt 26.1-5; Mr 14.1-2; Lc 22.1-2)*

45 To ã masochu ñua, payu judio masa Maríare ñua tarina mehne macaina Jesure wacũ tuare.

46 Wiho mejeta paina sehe, tina mehne macaina sehe fariseo curua macaina cahapu waha, su, Jesu to yoarire yahuri jire tinare. 47-48 ã jia sacerdotea

p̄h̄toa, fariseo curua macaina p̄h̄toa c̄h̄u cah-machu, ti basi ò sehe ni durucuha:

—Jesu paȳu tahari Cohamac̄u tuaa mehne yoa ño m̄jana. To ã yoa ñoare mari tirore ã ñ̄noca mari d̄c̄ataerach̄u, jipihtina masa tirore wac̄ũ tua, tiro mehne waha pihtiaboca. ã yoa tiro Jesure ti p̄h̄toro c̄jihto ti s̄õch̄u ñ̄u, Roma macaina p̄h̄toa sehe “Marine cohãa nina”, ni sua, ñ̄ano yoaahca marine. Tuhs̄u, Cohamac̄u w̄h̄ure cohã duti warocaahca ti yaina surarare. Mari ya dihta c̄h̄ure maahca tina. ¿ã jina dohse yoanahcari mip̄ure? —ni durucuha tina ti basi.

⁴⁹ Ti ã nipach̄ta paio Caifa wama tiriro, tí c̄h̄mare sacerdotea bui p̄h̄toro jiriro tinare ò sehe ni yahuha:

—M̄sa sehe ne masierara. ⁵⁰ Judio masa jip̄ihtina mari ya c̄jihtire c̄ũiro mas̄no to yariach̄u noana. To yariaerach̄u mari jipihtina judio masare cohã pah̄ñonocaboa. Tíre m̄sa masierara —niha Caifa tinare.

⁵¹ ã nino to m̄ s̄ro ã nino nieraha. Sacerdotea bui p̄h̄toro to jich̄u judio masa ya c̄jihtire Jesu to yariahtore Cohamac̄u sehe Caifare ã ni yahu dutiha. ⁵² Jesu yariaro judio masa dihtare yuhd̄ch̄u yoaro taro nierare. ã yariaro jipihtina Cohamac̄u pohna ahri yahpap̄u ji siteina c̄h̄u c̄u curuata ti jihti c̄jihtire yariahtiro jire Jesu. ⁵³ ã jia tí dachoihta tina “¿Jesure dohse yoa waj̄nahcari mari?” ni durucua, tirore waj̄a taa nimaha.

⁵⁴ Tirore ti ã waj̄a duach̄u masino Jesu paȳu judio masa watoi pari turi tinino wahaerare. ã jiro masa marieno cahac̄ai Efrañ wama tiri macap̄u

sãre sũho wahare. Sãre tí macai sũho tjuasinire Jesu.

⁵⁵ Tí pjare pascua bose nũmũri sã judio masa sã bose nũmũri cjihto mahanocã dũhsatjiãhre. ã jia bose nũmũri panocã masa payũ paye macari macaina Jerusalẽpũ cahmachure. Pascua macaare ti chũhto pano Cohamacũ yare yoaa taa ti ñaa buhiri cosaa taa nire. ⁵⁶ Tí pjare tina Jesure macaa niri jire. ã jia Cohamacũ wũhũpũ jiina õ sehe ni durucuha:

—¿Bose nũmũrine ñũno taerabocari Jesu, mũsa tũhotũchũ? —ni durucuha tina ti basi.

⁵⁷ ã jia sacerdotea pũhũa, fariseo curua macaina cãhũ õ sehe ni yahu dutiha masare:

—Jesu to jirore mũsa masina, yahuga sãre. Tirore ñahana tana nija —niha pũhũa masare.

12

*María Jesu dahporire me sitia mehne pio payore
(Mt 26.6-13; Mr 14.3-9)*

¹ Jesu sã to buheina mehne Betaniapũ sã sũri baharo pascua dachori seis dachori waro dũhsasinire. Lázaro Jesu to masoriro cjiro tí maca macariro jire. ² Sã sũri baharo Jesu cãhũ ya chũa cjihtire yoare paina. ã yoa Lázaro, Jesu, sã mehne mesai nuju sũhi. Sã ã nuju sũri baharo Marta chũare payore sãre. ³ Tuhsũ, María me sitia sere nardo wama tidũ macaa sere cã kilo dacho macai na ta, Jesu dahporire pio payore. Pio payo tuhsũ to pjoari mehne tju cosare. To ã pio payori baharo tí wũhũ noano me siti sahsea wahare. ⁴ Sã mehne macariro, Jesure ñũ tuhtiinare ñohtiro Juda Iscariote sehe õ sehe nire:

⁵ —¿Dohse yoaro ahricoro ã yoa sitejari? Tíre ticoro duaboa. Ñ duaro tres cientos dachori posa dahrari wapa wapataboa. Ñ jiro ticoro tí niñerure pjacuoinare waboa —nire tiro.

⁶ Juda sehe pjacuoinare yoadoho duaerare. Tiro sã niñerure wihbobasariro jiparota yacariro jire. Tuhsu, tiro sã niñerure cãa tahari na mujare. Ñ jiro “Tí niñerure naihtja” nino, ã nire Mariare tiro.

⁷ To ã nichu tãhoro õ sehe nire Jesu:

—Ñ niecu tjiga ticorore. To me sitiare yũhure to duharire yũhure pio payore, yũhure masa coparu ti siõ sãahto pano yu pjacure cahnoyuro. Pjacuoina sehe musa mehne ã jirucuahca. Ñ jina tinare wa masina musa. ⁸ Yũhu sehe ahri yahpãre musa mehne ã jirucusi —nire Jesu.

Sacerdotea puhtoa Lázarore wajã duaha

⁹ Ñ yoa Jesu Betaniaru to jichu tãhoa sã coyera judio masa payu tirore ñua tare. Tiro dihtare ñua taa nierare. Lázaró yariariro cjirore Jesu to masorirore tiro cũhure ñua taa nire. ¹⁰ Ti ñua surire masia sacerdotea puhtoa Lázaró cũhure wajã duare. ¹¹ Lázaró yariariro cjiro Jesu to masorirore jichu ñua payu masa Jesure wacũ tuare. To ã masochu ñua payu judio masa ti sacerdotea ya buhea sehere duhunocari jire. Ñ ti duhuchu ñua sacerdotea puhtoa sehe sua yũhdua Lázarore wajã duare.

Jerusalẽru sũha Jesu

(Mt 21.1-11; Mr 11.1-11; Lc 19.28-40)

¹² Pascua bose namurine ti yoachu payu masa Jerusalẽru ñua wahari jire. Pa dachoi Jerusalẽru

Jesu to tahto cjihtore masa t̄hori jire. ¹³ ã jia pja p̄ sahnarine na wahcã, tirore piti bocaa wahare. ã piti bocaa õ sehe ni sañurucure tina:

—Ahrirore wahche payojihna. Ahriro Cohamac̄u to warocariro noano ȳhd̄jaro. Ahriro Israe yahpa macaina mari p̄htoro tjira —ni sañurucure tina.

¹⁴ Jesu burrocã to bocariro bui pisare. “Õ seheta yoarohca”, ni joaa tiha Cohamac̄u yare ti joari tjui:

¹⁵ “Jerusalẽ wama tiri maca macaina, cuiena tjiga m̄sa.

Ñ̄ga. M̄sa p̄htoro burrocã bui pisa tara”, ni yahuha Cohamac̄u yare ti joari tjui.

¹⁶ “To ã ni joari Jesure nino nica” ni, sã to buheina noano masierasinihi. ã masierasini-panahta m̄anop̄u Jesu to m̄jari baharo sã ti joari cjiire wac̄u boca t̄ho ñaha masihi. Õ sehe ni t̄hotuhi: “Cohamac̄u yare ti joari tju sehe Jesure yahuro nimaha. ã jia Cohamac̄u yare ti joari tju to niriro seheta yoare masa Jesure”, ni t̄hotu, sã masihi.

¹⁷ Lázarore ti siõ sãari copap̄u jirirore Jesu to pisuch̄u tirore to masoch̄u ñ̄rina cjiri yahure masare. ¹⁸ ã jia Lázarore Jesu masorire ti t̄hori baharo masa paȳu Jesure ñ̄a tare. ¹⁹ Ti ã tach̄u ñ̄a fariseo curua macaina ti basi õ sehe niri jire:

—Jipihtina Jesu yaina dihta wahaa nina mip̄are. ã jina mari dohse yoa masieraja tinare —niri jire fariseo curua macaina ti basi.

Mahainacã griego masa Jesure maca taha

²⁰ ã yoa bose nam̄ari Cohamac̄ure ño payoa taina mehne macaina mahainacã griego masa

jire. ²¹ Ñ jia tina Felipe cahap_u wihiri jire. Felipe sehe Betsaida wama tiri maca Galilea yahpai jiri maca macariro jire. Ñ jia tiro cahap_u wihirina ò sehe niri jire tirore:

—Jesure ñ_u duaja sã —niri jire tina.

²² Ti ã nich_u tãhoro Felipe Andrep_ure tíre yahuro wahari jire. Ñ jia tina p_uaro Jesure yahure. ²³ Ti ã yahuri baharo Jesu tinare ò sehe ni yahure:

—Y_uh_u mas_uno Cohamac_u warocariro jija. Y_uh_ure jipihtina ti ño payohti pja mip_ure jirota nina. Mip_ure y_u yariahti pja jirota nina. ²⁴ Potocãta m_usare yahui nija. Toari yapare yahpap_u mari yaerach_u, tí yapare mari toaerach_u cã yapata tjuarohca. Ñ jiro tí yapare mari yari baharo dicha tirohca. (Tó sehetã y_u yariari baharo y_uh_ure masa copap_u ti siõ sãari baharo pay_u masare Cohamac_u mehne ã jirucuhtina jich_u yoaihca y_uh_u.) ²⁵ Ahri yahpai m_usa jiare pjíro tãhotuboca m_usa. Ñ tãhotuna Cohamac_ure wacũerana, pichacap_u wahanahca m_usa. Ahri yahpai m_usa jiare ã tãhotunocahna, Cohamac_u mehne ã jirucunahca. ²⁶ Y_u yare yoa duana, y_u buheare noano tãhoga m_usa. M_usa ã yoana m_usa cãh_u y_u jih_utop_ure jinahca. Y_u yare yoarirore y_u P_uc_u sehe wahchea mehne ñ_unohca —nire Jesu.

Jesu to yariahtore yahuha

²⁷ Ñ ni tuhs_u ò sehe ni namore:

—Mip_ure y_uh_u ñano yajeripohna tija. ¿Y_u P_uc_ure dohse nihcari y_uh_u? “Maí, y_u ñano yãhdãhtore yoai tja y_uh_ure”, ¿nibocari y_uh_u? Tíre nieraja y_uh_u. Ñano yãhdãhtiro cjihtota ahri yahpap_ure tahi. Ñ

yoa yu ñano yuhduhti pja mipure jiro nina —ni yahure Jesu sare to buheinare.

²⁸ Ña yoa o sehe nire to Pucurore:

—Mai, mu tuariro jiare mipure ñoga masare — nire Jesu to Pucurore.

To ña nichu manopu durucuro coa tare:

—Tuariro yu jiare masare ño tuhsuhi. Mipure ña jicu pari turi ñoihca masare —nino coa tare.

²⁹ To ña nino coa tachu tuhoa toi ducuina masa payu o sehe nire:

—Wupo jica ña coa taro —nire masa.

—Anjo Jesure yahuro nire —nire paina masa.

³⁰ O sehe nire Jesu sehe:

—Manopu yuhure tuho dutiro ña nino coa taerare. Musa sehere tuho dutiro ña nino coa tare.

³¹ Mipure ahri yahpa macaina ti ñano yoari buhirire buhiri dahrerohca tinare. Ahri yahpa macaina ti puhtorore watinore cohānohca Cohamacu. ³² Ña jicu yuhure crusapu ti wahcō dapocho payu masare yuhu mehne macaina ti wahachu yoaihca yuhu —nire Jesu.

³³ Ña nino “Crusapu to yariahtore”, yahuro nire Jesu masare. ³⁴ To ña nichu tuhoa masa sehe tirore o sehe nire:

—Cohamacu yare ti joari tjuí o sehe nina: “Cristo jipihtia dachoripe jirohca”, ni joaa tiha. ¿To ña ni joachu mahuare masunore Cohamacu warocarirore dohse jiro baro mahuare crusapu wahcō dapoahcari masa? ¿Masuno Cohamacu warocariro noa jijari tiro? —ni siniture tina.

³⁵ Ti ña nichu o sehe ni yuhtire Jesu:

—Buhriaro to ñu masichu yoaro seheta jicu masare Cohamacu yare noano masichu yoaja

yũhũ. Baharo curerocã mũsa mehne jisi yũhũ. Mũsare yũ buhechũ mipũre tũhoga ñaare mũsa yoerahti cjihtire Cohamacũ mehne mũsa ã jirucuhti cjihtire. Yũ buheare tũhoeraina nahitianoĩ tiniina yoaro seheta ti wahahtore masierara. ³⁶ Yũhũ buhriaro yoaro sehe jiro tjija. ã jicũ mũsare buhecũ Cohamacũ yare noano masichũ yoaja mũsare. Mipũre yũ wahahto pano yũhũre wacũ tuaga. ã wacũ tuana yũ yaina jinahca mũsa —nire Jesu.

ã ni yahu tuhsũ duhti wahcãa wahare.

Judio masa Jesure cahmaeraha

³⁷ Payũ tahari Cohamacũ tuaa mehne tinare Jesu to yoa ñopachũta judio masa payũ tirore ne tũho duaerare. ³⁸ Cohamacũ yare ti joari tjui Isaia cjiro to joariro seheta ã yoaa nire tina. Õ sehe ni joaa tiha Isaia cjiro:

“Cohamacũ, mũ buheare sã yahuchũ masa tũho duaerare.

Mũ tuaare tinare mũ yoa ñopachũta, tíre ‘Potocã jierara’, nire tina”,

ni joaa tiha Isaia cjiro.

³⁹ Ti ã tũho duaerachũ ñũno Cohamacũ tinare masierachũ yoare. Tí cũhũre Isaia cjiro õ sehe ni joaa tiha tjoa:

⁴⁰ “Capari ñũeraina yoaro sehe jiina jichũ yoaa tiha Cohamacũ tinare.

ã yoa to yare masierachũ yoaa tiha tinare.

ã jia to tuaare ñũpahta tina ti ñũrيره tũho ñahaerara.

ã jia to buheare tũhopahta tíre tũho ñahaerara tina.

Cohamacu ya buheare masia, ti ñaa yoari buhirire cohã dutiboa.

Ã jiro tinare yuhduchu yoaboa tiro”, ni joaa tiha Isaia cjiro Cohamacu yare ti joari tjui.

⁴¹ Ã ni joaro Isaia cjiro Cristo tuaare masino to niriro seheta Cristore yahu joaa tiha tjoa.

⁴² Paina Jesure ti cahmaerapachuta judio masa, sã puhtoia mehne macaina cãhu payu Jesure wacũ tuaa, tirore cahmare. Ã cahmapahta tina fariseo curua macainare cuia painare “Jesu mehne sãahi”, ni yahu duaerare. Tíre ti yahuchu tuhõa Jesure ti cahmari buhiri judio masa sã buheri wuhupu tinare sãa dutieraboa fariseo curua macaina sehe. ⁴³ Cohamacure wahchechu yoa duapahta tí yuhdoro fariseo curua macaina sehere wahchechu yoa duare Jesure cahma ducaina. Ã jia tina “Jesu yaina wahahi”, ni painare yahu duaerare.

Jesuyahuare ti tuhõ duaerari buhiri masa buhiri tiahca

⁴⁴ Ã yoa Jesu tuaro sañurucu, õ sehe ni yahure:

—Yuhure wacũ tuariro, yuhu dihtare wacũ tuarera. Yuhure warocariro cãhure wacũ tuara tiro. ⁴⁵ Tuhsu, yuhure masiina yuhure warocariro cãhure masina. ⁴⁶ Buhriaro to ñu masichu yoaro seheta ahri yahrapu Cohamacu yare masichu yoai tai nihi yuhu. Ã jicu Cohamacu yare masare masichu yoaja. Nahitianoí wahariro yoaro sehe jiriro ñaare yoarucura. Yuhure wacũ tuariro tiro yoaro sehe yoasi. Yuhure wacũ tuariro quihõno tuhõroha. ⁴⁷ Paina yu yahuare tuhõpahta yu niriro seheta yoarera. Ti ã yoerapachuta yu

yahuare ti yoerari buhirire buhiri dahresi yuhũ sehe tinare. Ahri yahparũre buhiri dahrei tai nierahi yuhũ. Ahri yahpa macainare pichacaru wahaborinare yuhũchũ yoachtiro cjihto tai nihi yuhũ. ⁴⁸ Yuhũre cahmaerainare, yũ yahua cãhũre cahmaerainare buhiri dahrea jiahca. Tina yũ yahuare ti tãhoerari buhiri ahri yahpa pihtiri dachoi buhiri tiahca. ⁴⁹ Yuhũ yũ mũ sũro yahueraja. Yũ Pũcũ yuhũre warocariro sehe yuhũre yahu dutire. ã jia yũ yahua sehe to ya durucua jira. ⁵⁰ To ya durucua “Quihõno jira” nina, Cohamacũ mehne ã jirucunahca mũsa. ã jicũ yũ Pũcũ to yahu dutiriro seheta yahuja mũsare –nire Jesu.

13

Jesu to buheina dahporire cosaha

¹ ã yoa pascua bose nũmũri panocã ahri yahpare to cohã wahcãhto cjihtore to Pũcũro caharu to wahahto cjihtore masire Jesu. Tuhsũ, ahri yahpa macainare to yainare tiro tuaro cahũre tina mehne to jiro puro. ã cahũrucura to yainare.

² Tĩ ñamine Jesu sã to buheina mehne sã chũchũ Juda Iscariotere Simo macũnore Jesure ñũ tuhtinare ño duti tuhsũri jire watĩno sehe. ³ Tuhsũ, to Pũcũro Cohamacũ Jesure jipihtina bui to pũhtoro sũrire masire Jesu. ã yoa Cohamacũ caharu to tari cjiire, baharo mũanoru to mũjahti cãhũre masire. ⁴ ã masino wahcãrũca, to suhtiro bui macanore tjuwe na, tóre cũ tuhsũ, suhtiro cahsaro mehne to pjaru yũjũi dahtere. ⁵ Dũhte tuhsũ, waparoi core pio sãa, sã to buheinare sã dahporire cosa dũcare.

Sãre cosa tuhsu to duhteri cahsaro mehne pahã cohãre sã dahporire.

⁶ Paina buheinare cosa wahcã, Simo Pedropure sure. To dahporire to cosahto pano Pedro sehe tirore õ sehe nire:

—Puhtoro, ¿yu dahporire cosai tai nijari muhu?
—nire Jesure Pedro.

⁷ —Michapucacã muhare yu yoahtere masierara muhu. ã masierapacuta baharo masiihca muhu — nire Jesu.

⁸ —Yu dahporire ne cosasi muhu —nire Pedro.

—Muhare yu cosaerachu yu yairo jisi muhu —nire Jesu.

⁹ —Puhtoro, yu dahpori dihtare cosai tjiga. Yu dahporire, yu wamomacarine, yu dapu cãhare cosaga —nire Pedro.

¹⁰ To ã nichu Jesu piti dahre buhero õ sehe nire:

—Cãiro masuno cuhsuro to pjacare noano tju cosa pahõna. ã jiro pari turi tirore tju cosaro cahmaerara. To dahpori dihtare cosaro cahmana. Jipihtina musa ñaa yoari buhirire cosarina cjiri musa jipachuta cãiro musa mehne macariro to ñaa yoari buhirire cosamahnoerariro jira —nire Jesu.

¹¹ Jesu tirore ñu tuhtiinare ñohtirore masire. ã masino “Cãiro musa mehne macariro to ñaa yoari buhirire cosamahnoerariro jira”, nire.

¹² Sã dahporire cosa tuhsu, to suhtirore sãa tuhsu, nuju sure to dujirroihta.

—¿Michapucacã musare yu yoarire tãho ñahajari musa? ¹³ Musa yuhare “Buheriro”, ni pisuna, “Puhtoro”, ni pisuna potocãta nina nica yuhare. Musare buheriro, musa puhtoro potocãta jija

yuhh. ¹⁴ ã jina yuhh musare buheriro, musa puhtoro jipaihta musa dahporire cosariro yu jichu ñuna musa cãhu musa mehne macaina dahporire cosaga. ¹⁵ Michapucacã musare cosacu, baharo musa yoahti cjihtire musare ñoi nija. Musa mehne macainare musa yoadohohtire ñoi nija. Musare yu yoariro seheta musa cãhu yoaga. ¹⁶ Potocã musare niita nija. Musa yu cahamaca yoaro sehe jiina yu bui jierara. Musare buhe duti yu warocarina jira musa. ã jina yu bui jierara musa. ã jicuta “Yu yoariro seheta yoaga”, nihi musare. ¹⁷ Ahrire masina, yu dutiare yoana, wahcheina jinahca musa.

¹⁸ Musare jipihtinare ã nieraja. Yu beserinare masija yuhh. Cohamacu to yare ti joari tjuì to ni joariro seheta ã waharohca. “Yuhh mehne churirota yuhure wajã duare”, ni joaa tiha Cohamacu yare ti joari tjuì. ¹⁹ To ã yoahto pano ahrire yahuyui nija musare. Yuhure to ã yoari baharo “Jesuta Cristo Cohamacu warocarirota jira”, musa nihti cjihtire ahrire musare yahuyui nija yuhh. ²⁰ Potocã musare niita nija. Yu warocainare cahmariro yuhh cãhure cahmana tiro. Tuhsu, yuhure cahmariro yuhure warocariro cãhure cahmana tiro —nire Jesu sãre to buheinare.

*Juda Jesure ñu tuhtiinare to ñohtore yahuha Jesu
(Mt 26.20-25; Mr 14.17-21; Lc 22.21-23)*

²¹ ã ni yahu tuhsu Jesu tuaro cahyare. ã cahyaro õ sehe ni yahure tiro sãre:

—Potocãta musare nii nija. Cãiro musa mehne macariro yuhure ñu tuhtiinare yuhure ñonohca —nire Jesu.

22 To ã nichu tuhona Jesure ñohtirore masierana, sã basi cahma ñuroca õi. 23 Cũiro Jesu to buheina mehne macariro yuhu, Jesu to cahĩiro sehe to pari wahpa dujihi. 24 Yu ã dujichu ñuno Simo Pedro yuhure to wamomaca mehne yoa ño, siniture:

—¿Jesure ñohtirore diro sehere nino nibocari Jesu? Yahuga sãre —ni to wamomaca mehne yoa ño, sinitu ñure Pedro.

25 To ã nichu yuhu sehe Jesu cahacãi dujiriro jichu sinitu ñuhi tirore:

—Puhtoro, ¿dirore nii nijari mahu? —ni sinitu ñuhi yuhu.

26 —Ahri pãore dahra waha na, soha yu wahtiro sehe tirota jira yuhure ñohtiro —nire Jesu.

Ã ni tuhsu ti pão to dahra waha narirore soha tuhsu tíre Judare Simo Iscariote macunore ware.

27 Ã yoa pãore to ñahari baharo watĩno sehe Judare ñano yoa dutiri jire. Ã jiro Jesu tirore õ sehe nire:

—Mu yoahito cjihtore cjero yoa bahrañoga mahu —nire Jesu Judare.

28 To ã nichu tuhona sã mesapu dujiina, Jesu Judare to nirire noano tuho ñahaerahi. 29 Cãina õ sehe ni tuhotumahi: “Judá sã niñerure wihboriro jira. Ã jiro bose numai sã chuhti cjihtire nuchu dutiro warocare Jesu Judare. O pjacuoinare niñerure wa dutiro niboca Jesu”, ni tuhotumahi sã cãina. 30 Ã yoa Juda tí pãore ñaha tuhsu, wijaa wahare. To wijaari pja ñami jire.

Wahma dutiare yahuha Jesu

31 To ã wijaari baharo õ sehe nire Jesu:

—Mipu pinihtare yuhu masuno Cohamacu warocariro yu tuariro yu jia tiare ñonohca Cohamacu

masare. ã jicũ Cohamacũ to tuariro to jiare ñoihca yũhũ sehe. ³² ã jiro Cohamacũ to tuaare yũ ñochũ tiro sehe yũ ya tuaa cũhũre mipũ pinihtare ñono taro nina. ³³ Yũ pohna yũ cahĩna, yũhũre tũhoga. Mahaa dachoricã mũsa mehne jisiniihca. Yũ wahari baharo yũhũre macanahca mũsa. ã jicũ mari coyea judio masare yũ niriro seheta mũsa cũhũre nija. “Yũ wahahtore mũsa sehe waha masierara”, tinare yũ niriro seheta mũsa cũhũre ã ni yahuja. ³⁴ Wahma dutiare mũsare yahuihtja. Mũsa mehne macainare cahĩga mũsa. Mũsare yũ cahĩriro seheta, mũsa mehne macainare cahĩga. ³⁵ ã jina mũsa mehne macainare mũsa cahĩchũ ñũa yũ yaina mũsa jiare masiahca paina –nire Jesu sãre.

“Jesure masieraja”, Pedro to nihto cjihtore yahuha Jesu

(Mt 26.31-35; Mr 14.27-31; Lc 22.31-34)

³⁶ To ã nichũ Simo Pedro Jesure õ sehe ni sinitu ñũre:

–Pũhtoro, ¿nohopũ wahaihcarĩ mũhũ? –nire Pedro.

–Yũ wahahtopũre mipũre yũhũ mehne waha masierara mũhũ. Mipũre waha masierapaihta baharo yũ cahai wahacũhca –nire Jesu Pedrore.

³⁷ –Pũhtoro, ¿dohseacũ mipũre mũhũ mehne waha masierabocari yũhũ? Yũhũre ti wajã duapachũta mũhũre ne duhusi yũhũ –nire Pedro Jesure.

³⁸ –¿ã tjjari? ¿Mũhũre ti wajã duapachũta, mũhũ yũhũre duhueraihcarĩ? Potocãta mũhũre nii nija. Caraca to duhto pano “Jesure masieraja”,

niihca m̄h̄h̄ painare. Tia taha ã niihca m̄h̄h̄ – nire Jesu Pedrore.

14

Jesu Cohamac̄h̄ cahap̄h̄ wahari maha yoaro sehe jira

¹ Baharo Jesu s̄are õ sehe ni yahure:

–Ne cahya pj̄iro t̄hotuena tjiga. Cohamac̄h̄re wac̄ũ tuaga. ã jina ȳh̄h̄ c̄h̄h̄re wac̄ũ tuaga. “Cohamac̄h̄ mehne ȳh̄d̄n̄ahca”, ni t̄hotuga tirore. Ȳh̄h̄ c̄h̄h̄re ãta ni t̄hotuga m̄sa. ² Ȳh̄ P̄h̄c̄h̄ to jirop̄h̄re paȳh̄ w̄h̄h̄se jira. M̄sa jihto cjihtore cahnoyui wahai nija. Tí potoc̄ã tjira. ã jic̄h̄ m̄sare tíre yahuja. ³ ã jic̄h̄ m̄sa jihto cjihtore cahno tuhs̄h̄, õp̄ta pari turi majare tjua taihtja ȳh̄h̄. ã jina tói ȳh̄ jiroita m̄sa c̄h̄h̄ jinahca tjoa. ⁴ Mip̄h̄re ȳh̄ suhtop̄h̄re wahari mahare masi tuhs̄h̄ra m̄sa –nire Jesu s̄are to buheinare.

⁵ –P̄h̄toro, m̄h̄ suhtore masieraja s̄a. ¿ã jina dohse yoa m̄h̄ wahari mahare masinahcari s̄a? –ni sinitu ñ̄h̄re Toma Jesure.

⁶ To ã ni sinituch̄h̄ t̄horo Jesu sehe õ sehe ni ȳh̄htire:

–Ȳh̄h̄ Cohamac̄h̄ cahap̄h̄ wahari maha yoaro sehe jiro jija. Cohamac̄h̄ cahap̄h̄ wahach̄h̄ yoariro, potoc̄ã yahuriro, ã catirucuch̄h̄ yoariro jinocaita nija ȳh̄h̄. ã jia ȳh̄ yaina dihta ȳh̄ P̄h̄c̄h̄ cahap̄h̄ wahaahca. ⁷ Panop̄h̄ ȳh̄h̄re masina, ȳh̄ P̄h̄c̄h̄ c̄h̄h̄re masiboa m̄sa. Mip̄h̄re tirore ñ̄h̄re m̄sa. ã jina tirore masi tuhs̄h̄ra m̄sa –nire Jesu s̄are.

⁸ To ã nich̄h̄ Felipe sehe õ sehe nire:

—Puhctoro, mari Pucure ñoga sãre. Tó purota ñu duaja sã —nire tiro.

⁹ To ã nichu Jesu õ sehe ni yahure:

—Felipe, ¿yoari pja yuhu mehne jipaihta, mahu masierasinihari yuhure? Yuhure ñuhiro yu Pucu cãhure ñu tuhsure. ã jicu “Mari Pucure ñoga sãre” nicu, ¿dohseacu ã nijari mahu yuhure? ¹⁰ Yuhu yu Pucu mehne puaro jipanahta cãirota jija. ¿Tíre “Potocã jierara”, niimeje nijari mahu? Musare yahucu yu m sãro yahui nieraja. Yu Pucure yahubasai nija. ã jiro tiro yuhu mehne jiro to tuua mehne yoa ñona. ¹¹ Yuhu yu Pucu mehne puaro jipanahta cãirota jija. Tíre “Potocã tjira”, ni wacũga musa. Tíre “Potocã tjira” nierana, Cohamacu tuua mehne yu yoa ñoare wacũna, yu Pucu mehne yu cãirota jiare “Potocã tjira”, ni wacũga musa. ¹² Potocãta musare nii nija. Yuhure wacũ tuariro yu yoariro seheta yoarohca. ã yoa tiro yu yuhdoro yoarohca. Yu Pucu caharu tjuaai tai nija mipure. ã jiro yuhure wacũ tuariro yu yuhdoro Cohamacu tuua mehne yoa ñonohca. ¹³ ã jicu yuhure wacũ tuaina ti sinino purota yoaihca. ã yoacu yu Pucu to tuariro jiare ñoihca. ¹⁴ Yuhure wacũ tuaina musa jichu musa sinino purota yoaihtja —nire Jesu.

“Espíritu Santore musare warocaihtja”, ni yahuha Jesu

¹⁵ ã ni tuhsu õ sehe ni namore:

—Yuhure musa cahãna, yu dutiare noano yoanahca. ¹⁶ Yu Pucure sinibasaihtja. Yu ã sinibasachu yu Pucu sehe paiore musare yoadohohtirore musare warocarohca. ã jiro tiro

m̄sare yoadohohtiro sehe jipihtia dachoripe m̄sa mehne ã jirucurohca. ¹⁷ Tiro potocãta yahuriro Espiritu Santo tjira. Ahri yahpa macaina yuh̄ure cahmaeraina sehe tirore masierara. Ñ jia tirore cj̄ma masierara. Tirota m̄sa mehne ã jirucurohca. Ñ jina tirore masina m̄sa.

¹⁸ 'M̄sare cohãsi yuh̄u. M̄sa mehne jihtiro cjihto tjua taihca yuh̄u tjoa. ¹⁹ Wiho mejeta mahanoçã d̄hsara ȳu wahahto cjihto. Ȳu wahari baharo ahri yahpa macaina yuh̄ure wacũ tuaeraina yuh̄ure pari turi ñ̄si. M̄sa sehe yuh̄ure ñ̄nahca. Ȳu catiro jich̄u m̄sa cãh̄u jipihtia dachoripe Cohamac̄u mehne catirucunahca. ²⁰ Tí dachoi ȳu tjua tahti dachoi yuh̄u ȳu P̄uc̄u mehne cãirota sã jich̄u masinahca m̄sa. Ñ jina yuh̄u mehne macaina m̄sa jich̄u m̄sa mehne macariro ȳu jich̄u cãh̄ure masinahca m̄sa. ²¹ Ȳu dutiare yoariro yuh̄ure cahĩrirota jira. Ñ jiro yuh̄ure cahĩrirore ȳu P̄uc̄u sehe cahĩnohca. Ñ jic̄u yuh̄u cãh̄u ȳu dutiare yoarirore cahĩihca. Ñ yoa ȳu jia tiare noano masich̄u yoaihca tirore —nire Jesu sãre to buheinare.

²² Sã mehne macariro paio Juda wama tiriro jire. Juda Iscariote Jesure ñ̄u tuhtiinare ñohtiro jierare tiro. Paio Juda jire. Ñ jiro tiro Jesure õ sehe ni siniture:

—P̄uhtoro, ¿dohse yoaijari m̄h̄u tinare ã nic̄u? ¿Ahri yahpa macainare m̄h̄ure masich̄u yoaerac̄u, dohse yoac̄u sã dihtare m̄h̄ure masich̄u yoaihcarì m̄h̄u? —ni siniture Juda.

²³ To ã nich̄u t̄horo Jesu tirore õ sehe ni yahure:

—Yuh̄ure cahĩina, ȳu dutiare noano yoaa nina. Tì ã yoach̄u ȳu P̄uc̄u sehe tinare cahĩnohca. Ñ jina

tina mehne jina tanahca sã. ²⁴ Yuhure cahïerariro yu dutiare yo aerara. Tuhsu, yu yahua musa tuhori cjiri sehe yu ya yahua jierara. Yuhure warocariro ya yahua sehe jira. Tiro yu Pucu tjira.

²⁵ Musa mehne jisinicu ahrire musare yahusinii nija. ²⁶ Baharo yu sinibasachu yu Pucu Espiritu Santore warocarohca musare. Tiro Espiritu Santo sehe musare yoadohohtiro jiro, musare buhe pahñonohca tiro. ã yoa musare yu yahuri cjirire musare wacũchu yoarohca tiro.

²⁷ Musare noano jichu yoaihca yuhu. Yuhu yu noano jiriro seheta noano jichu yoaihca musare. Ahri yahpa macaina ti mahñoperiro seheta yoasi yuhu musare. Yuhu pinihta potocãta noano jichu yoaihca musare. Cahya pjïro wacũena tjiga musa. ã jina cuiena tjiga musa. ²⁸ “Yuhu waihca. ã jicu musa mehne jihtiro cjihito tjua taihtja tjoa”, musare yu ã ni yahuchu tuho tuhsure musa. Tïre tuhona, wahcheboa musa. Yuhure musa potocã cahïrina jina, wahcheboa musa. Yu Pucu sehe yu yuhdoro tuara. ã jina tiro cahap yu wahalto cjihitore musa masiri baharo yuhure cahina, wahcheboa musa. ²⁹ Yuhure musa wacũ tuahti cjihitire yu wahahtore yahuyui nija musare.

³⁰ Ahri yahpa macaina puhtoro watino sehe tara mipure. To ã tach yuhu musa mehne yu durucu batoahti pja mahanocã duhsara. Tiro sehe yuhure yuhduruca masierara. ³¹ Wiho mejeta yuhure yu Pucu to dutiriro seheta yoaja yuhu. ãta yoaja yuhu yu Pucure yu cahïare ahri yahpa macaina ti masihtu cjihitire. Wahcãrucaga. Basa wahana –nire Jesu sãre to buheinare.

15

Jesu secu yoaro sehe jiriro jira

¹ Baharo piti dahre buhero sãre õ sehe nire Jesu:

—Yũhũ potocãta secũ yoaro sehe jiriro jija. Yũ Pũcũ sehe secũre ñũ wihboriro yoaro sehe jiriro jira. ² Yũ yaina secũ dũpũri yoaro sehe jiina yũhũ mehne macainata jira. Dicha mariea dũpũrire secũre ñũ wihboriro to paha cohãriro seheta yũ Pũcũ to cahmaare yoerainare cohãna. Dicha tia dũpũrire secũre ñũ wihboriro to cahnoriro seheta yũ Pũcũ to cahmaare yoainare yoadohorohca tiro “Yũ cahmaare yoa namojaro”, nino. ³ Yũ yahuare tũhona, “Potocã tjira”, nire mũsa. ã jiro yũ Pũcũ mũsa ñaa yoari buhirire cohã tuhsũre. ⁴ Yũhũ mehne macaina jiga mũsa. ã jii mũsa mehne jiihca. Secũ dũpũri secũ mehne wahã sũera dũpũri jia, tí dũpũri sehe dicha mariaha. Tó seheta yũhũ mehne macaina jierana yũ Pũcũ cahmaare yoa masierara mũsa.

⁵ Yũhũ secũ yoaro sehe jiriro jija. Mũsa sehe tũ dũpũri yoaro sehe jiina jira. Yũhũ mehne macariro mehne yũ jichũ dicha tia dũpũri yoaro sehe tiro yũ Pũcũ cahmaare yoara. Yũhũ mehne macaina jierana yũ Pũcũ cahmaare yoa masierara mũsa.

⁶ Ñaa dũpũrire to cohãboriro seheta yũhũ mehne macaina jierainare yũ Pũcũ cohãnohca. Tí dũpũri ñaia wahachũ secũre ñũ wihboriro tí dũpũrire na cahmachu pichacaru jũ cohãnohca. ãta yoarohca Cohamacũ yũhũ mehne macaina jierainare.

⁷ Yũhũ mehne macaina jina, yũ buheare boer-aboca mũsa. ã boerana, mũsa cahmano purota siniga. ã jicũ mũsa sinino purota yoabasaitja.

⁸ Y_u P_uc_u cahmaare yoaina m_usa jich_u ñ_ua “Jesu yaina jira ahrina”, ni masiahca masa. ã jia m_usare ñ_ua y_u P_uc_ure ño payoahca. ⁹ Y_u P_uc_u y_uh_ure to cahĩro sehet_u m_usare y_uh_u cãh_u cahĩa tihi. Y_u cahĩna jirucuga m_usa. ¹⁰ Y_u cahĩna jirucuina y_u dutiare yoara. Y_u P_uc_u to dutiare yoaja y_uh_u. ã yoac_u to cahĩro jirucuja y_uh_u. Tó sehet_u m_usa cãh_u y_u dutiare yoana y_u cahĩna jirucunahca m_usa.

¹¹ 'Ahrire m_usare yahuhi y_uh_u mehne m_usa noano wahchehto cjihtore. ã jina tuaro wahchenahca m_usa. ¹² Õ sehe dutija m_usare: M_usare y_u cahĩro sehet_u m_usa mehne macaina cãh_ure cahĩga. ¹³ Cãiro mas_uno tiro mehne macariro yaro jiborirore yariaro tiro mehne macarirore tuaro cahĩna, paina ti cahĩro y_uhdoro. ¹⁴ ã jina y_u dutiare yoana y_uh_u mehne macaina jira m_usa. ¹⁵ Potocãta y_uh_u mehne macaina waro jira m_usa. M_usa ã jiina jich_u jipihtia y_u yoarire yahuja m_usare. Cahamac_uno to p_uhtoro yoarire masierara tiro. ã jic_u “Y_u cahamaca wiho jiina jira m_usa”, m_usare nieraja. Y_u P_uc_u y_uh_ure to yahurire m_usare yahu pahñohi. ã yahuc_u “Y_uh_u mehne macaina jira m_usa”, m_usare nija mip_ure. ¹⁶ M_usa sehe y_uh_ure ne beserare. Y_uh_u sehe m_usare besei y_u P_uc_u cahmaare m_usa yoachtina cjihtire. M_usa ã yoach_u m_usa yoaa ne wiho waro jisi. ã jia m_usa yoaa ã jirucuahca. M_usa ã yoach_u y_uh_ure m_usa wacũ tuach_u y_u P_uc_ure m_usa sinino purota tiro m_usare warohca. ¹⁷ Ahrire m_usare dutija y_uh_u: M_usa mehne macainare cahĩga m_usa –ni yahure Jesu.

Jesure to yaina cãhure ahri yahpa macaina ñu tuhtira

¹⁸ ã yoa tiro õ sehe ni yahu namore:

—Ahri yahpa macaina musare ti ñu tuhtichu ñuna ahrire wacũga musa: Musare ti ñu tuhtihto pano yuhu sehere ñu tuhti ducare tina.

¹⁹ Cohamacure cahmaeraina musa jisnichu, tina mehne macainare ti cahĩro seheta musa cãhure cahĩboa tina. Ahri yahpa macaina musa jisnichu musare besei. ã jina mipure ahri yahpa macaina waro jierara musa. Musã ã jierachu ñua ahri yahpa macaina musare ñu tuhtira. ²⁰ “Yu yaina jina musa yu bui jierara”, musare yu niri cijirire wacũga musa. ã yu docai jiina jina yu ñano yuhdũro seheta ñano yuhdũnahca musa cãhu. Yuhure ñano yoarinata musa cãhure ñano yoahca. Yu buhechu yuhtirinata musa buhechu cãhure yuhtiahca tina. ²¹ Ahri yahpa macaina yuhure warocarimore masierara. ã jia yuhure wacũ tuaina musa jichu ñua tina ñano yoahca musa cãhure.

²² Tinare yu buhei taerachu yuhure ti cahmaerari buhiri buhiri mariaboa. Mipure tinare yu buheri baharo “Ñaa buhiri mariahna sãre”, ni masierara tina. ²³ Yuhure ñu tuhtiriro yu Puchu cãhure ñu tuhtira. ²⁴ Cohamacu to tuua mehne paina ti ne yoerarire yoa ñohi. ã yoa tinare tĩre yu yoa ñoerachu tinare ñaa buhiri mariaboa. Cohamacu tuua mehne yu yoa ñoare ti ñuri baharo yuhure yu Puchu cãhure ñu tuhtira tina. ²⁵ ã ñu tuhtia Cohamacu yare ti joari tjuĩ dõiputa to ni joariro seheta yoa nire tina. Õ sehe ni joaa tiha:

“Tinare yu ñano yoaerapachuta yuhure ñu tuhtire tina”, ni joaa tiha dóiputa Cohamacu yare ti joari tjuí.

²⁶ Yu baharopu musare yoadohohtiro, yu Pucu mehne jiro musare yu warocahtiro Espiritu Santo tjira. Tiro potocãta yahurohca musare. ²⁷ Masare yu buhe ducachuputa musa cãhu dachoripe yuhu mehne ã jirucure. ã jina musa cãhu yu jia tiare yahunahca painare –ni yahure Jesu.

16

¹ ã ni tuhsu sãre õ sehe ni yahu namore:

–Baharo yu buheare yuhu cãhure musa cohãerahti cjihtire ahrire jipihtiare yahuhi musare. ² Judio masa mari buhea wãhusepu musa sãa duachu sãa dutisi musare yu yaina musa jiri buhiri. ã jia pa tehepu musare wajãa, “Cohamacu cahmaare yoana nija”, ni tãhotuahca paina. ³ Yu Pucure, yuhu cãhure tina masierara. ã masieraa musare ñano yoaahca tina. ⁴ ã jina musare ñano ti yoachu ñuna, “Ti õ sehe yoahto panota Jesu yahu tuhsure sãre”, ni wacũnahca musa. Musã ã ni wacũhti cjihtire mipure ahrire yahu mãhtai nija musare –ni yahure Jesu.

Espiritu Santo to yoahdire yahuha Jesu

ã ni tuhsu õ sehe ni yahu namore Jesu:

–Wahmanopure musa mehne jicu ahrire musare yahuerahi. ⁵ Mipu sehere yuhure warocariro cahapu wahaihca wahai tai nija. “¿Nohopu wahaihcari mahu?” yuhure ni, ne

cãiro barota sinitu ñerara m̄sa. ⁶ ã sinitu ñerapanahta ȳ wahahtore m̄sare ȳ yahu m̄jach̄ m̄sa ñano yajeripohna tira. ⁷ M̄sare potocãta yahui nija. Ȳ wahari baharo m̄sare noanocanhca. Ȳ m̄anop̄ wahaerach̄ m̄sare yoadohohtiro sehe taeraboa. Wahac̄ m̄sare tirore warocaihtja ȳh̄. ⁸ Ȳ ã warocach̄ tiro tarohca. ã wihiro ahri yahpa macaina ñaa yoaina ti ñaa buhiri tiare tinare masich̄ yoarohca tiro. Noano jia tia c̄h̄re buherohca tiro masare. Tuhs̄, Cohamac̄ masare to buhiri dahrehto c̄h̄re masich̄ yoarohca masare yoadohohtiro sehe. ⁹ Ȳh̄re wacũ tuaeraina jira ahri yahpa macaina. ã jiro yoadohohtiro sehe masa ñaa yoaina ti ñaa buhiri tiare tinare masich̄ yoarohca. ¹⁰ Ȳ P̄c̄ cahap̄ wahaihca. Ȳ ã wahari baharo m̄sa ȳh̄re ne ñ̄sinisi. ã jiro noano jia tia c̄h̄re masich̄ yoarohca yoadohohtiro sehe. ¹¹ Ahri yahpa macaina p̄htoro wat̄nore Cohamac̄ buhiri dahre duti tuhs̄re. ã jiro Cohamac̄ masare, wat̄no mehne macainare to buhiri dahrehti c̄h̄re masich̄ yoarohca yoadohohtiro sehe.

¹² 'P̄j̄ro jira m̄sare ȳ yahuhti c̄j̄hti. Wiho mejeta m̄sa sehe ȳ yahu pah̄noch̄, t̄ho ñaha pah̄noeraboa. ¹³ ã jiro potocã jiare yahuriro Esp̄ritu Santo sehe m̄sare quih̄no jiare yahu pah̄no tarohca. Tiro to m̄ s̄ro m̄sare yahusi. Ȳ P̄c̄ tirore to yahu dutirire tiro yahurohca m̄sare. ã yoa “Baharop̄ õ sehe waharohca”, ni yahuyurohca tiro sehe m̄sare. ¹⁴ ã yoa ȳ yare m̄sare tiro yahurohca. ã yahuro ȳh̄re ño

payochu yoarohca musare. ¹⁵ Jipihtia yu Puchu ya yu ya cūhu jira. Ñ jicu “Espíritu Santo sehe yu yare yahurohca musare”, nihi musare —ni yahure Jesu.

“Cahyaina jipanahta baharo wahchenahca musa”, ni yahuha Jesu

¹⁶ Ñ ni tuhsu õ sehe ni yahu namore:

—Mahanocã baharo yuhure ñusi musa. Ñ jina baharocãta musa yuhure ñnahca tjoa —nire Jesu sãre to buheinare.

¹⁷ To ã nichu tãhona, sã sehe mahainacã õ sehe ni durucui sã basi:

—“Mahanocã baharo yuhure ñusi musa. Ñ jina baharocãta musa yuhure ñnahca tjoa” nino, ¿dohse nino ã niri marine? Ñ yoa “Yu Puchu cahapuh wahaihca” nino, ¿dohse jiro baro marine ã niri tiro? ¹⁸ “Mahanocã” nino, ¿dohse nino ã niri tiro? To yahurire noano tãho ñahaeraja mari —ni durucui sã basi.

¹⁹ Sã ã ni durucuchu Jesu tirore sã sinitu duarire masino, sãre õ sehe ni yahure:

—“Mahanocã baharo yuhure ñusi musa. Ñ jina baharocãta yuhure ñnahca tjoa”, ¿yu niri cjirire sinitu duajari musa? ¿Tíre yu nirire tãho ñahaerajari musa? ²⁰ Potocãta musare nii nija. Yu yariachu ñuna musa tiinahca. Tuhsu, tuaro cahyanahca. Ñ jia yuhure ño payoeraina sehe wahcheahca. Musa sehe cahyaina cjiri jipanahta, baharo wahchenahca musa. ²¹ Õ sehe jira tí: Numino niji wahcõno, to ñano yuhduhto pano jira. Ñ jiro ticoro tuaro cahyara. Ñ cahyaparota to pohna tiri baharo ticorore purĩre wacũerara ticoro. Wihãrirocã ahri yahpapu to masa bajuachu

ticoro wahchera. ã jiro ticorore purĩre wacũerara ticoro. ²² Tó seheta m̄sa mip̄re cahyanahca. Baharo m̄sare ñ̄ihca tjoa. Ȳh̄re ã ñ̄na m̄sa tuaro wahchenahca. M̄sa ã wahchech̄ paina m̄sare cahyach̄ yoa masisi.

²³ 'Tí dachoi ȳh̄re m̄sa ñ̄ri dachoi ȳh̄re sinitu ñ̄si m̄sa. Masi tuhs̄rinap̄ jinahca. Potocãta m̄sare nii nija. Ȳh̄re m̄sa wacũ tuach̄ ñ̄no ȳ P̄c̄re m̄sa siniare tiro m̄sare warohca. ²⁴ Ȳh̄re wacũ tuaina jina, Cohamac̄re sini masina m̄sa. Ahri dacho panoi tirore ã sinierasinire m̄sa. Ȳh̄re wacũ tuatjãhna Cohamac̄re siniga. M̄sa ã sinich̄ m̄sa sinirire m̄sare warohca, m̄sa wahche pahñohti cjihtire —nire Jesu sãre.

Ñainare Jesu ȳhd̄r̄caha

²⁵ ã ni tuhs̄ ã sehe ni namore:

—Quití mehne m̄sare yahua tihi. ã yahupaihta baharo m̄sare quití mehne yahusi ȳh̄. ã yahuerach̄ ȳ P̄c̄ sehere noano poto yahuihtja m̄sare. ²⁶ Tí dachore m̄sa ya cjihtire ȳ P̄c̄re sini payosi ȳh̄. Ȳh̄re wacũ tuana, m̄sa basi tirore sininahca. ²⁷ M̄sa ȳh̄re cah̄na. ã jina ȳ P̄c̄ cahap̄ ȳ tariro jich̄ “Potocã tjira”, nina m̄sa. ã niina m̄sa jich̄ ñ̄no, ȳh̄re cah̄na m̄sa jich̄ ñ̄no ȳ P̄c̄ sehe m̄sare cah̄na. To ã cah̄ch̄ tirore m̄sa sininahca. ²⁸ Ȳ P̄c̄ cahai jiriro jich̄ ahri yahpap̄re tai ȳh̄. ã jich̄ mip̄re ahri yahpap̄ jiriro jisinic̄ ȳ P̄c̄ cahap̄ wahaihca —nire Jesu.

²⁹ To ã nich̄ sã to buheina ã sehe nii:

—Mip_u pinihta quitu marieno durucui noano poto yahui nina m_uh_u sãre. ³⁰ M_uh_u noano masi pahñoriro m_u jich_u mip_u pinihtare sã masija. Ñ jia paina m_uh_ure buhe masierara. Tíre mip_ure sã noano masija. Sã noano masiina jina, Cohamac_u cahap_u tariro m_u jich_u “Potocã tjira”, nija sã —nii sã Jesure.

³¹ Sã ã nich_u Jesu õ sehe ni y_uhtire sãre:

—¿Mip_ure “Potocã tjira”, nijari m_usa j_una?
³² Baharo curero jipihtina m_usa w_uh_usep_u waha siteina jina, y_uh_ure cohãnahca m_usa. M_usa ã cohãpachuta y_u P_uc_u sehe y_uh_u mehne jira. Ñ jic_u y_uh_u cãirota jieraja. ³³ Ahrire m_usare yahu m_uhtahi, y_uh_ure m_usa wac_u tuaa mehne m_usa noano jihto sehe. Cohamac_ure cahmaeraina cahap_u m_usa jich_u ñano yoaaahca m_usare tina. Ti ã yoapachuta wahchega m_usa. Ahri yahpa macaina ñaa buhiri tiinare, ti p_uhtoro watino cãh_ure y_uhdurucariro jija y_uh_u. Ñ jina y_uh_ure wac_u tuana wahchega m_usa —nire Jesu sãre to buheinare.

17

Jesu to buheina ya cjihtire Cohamac_ure sini payoha

¹ Ñ ni yahu tuhs_u Jesu m_uanop_u ñuroca m_uo, Cohamac_ure õ sehe ni durucure:

—Mai, mip_ure m_u yahu quihñoriro seheta y_uh_ure ñano ti yoah_u pja m_u s_urota nina. Y_uh_ure m_u mac_ure masare ño payoch_u yoaga. M_u ã yoach_u m_uh_ure masare ño payoch_u yoaihca y_uh_u cãh_u.

² Jipihtina bui p_uhtoro y_uh_ure cãre m_uh_u. Ñ jic_u

yuhure mu warinare muhu mehne ã jirucuchu yoaihca yuhu. Tuhsu, muhure masare ño payochu yoaihca yuhu. ³ Muhu dihta Cohamacu waro jira. Yuhu Jesucristo mu warocariro jija. Ñ jia jipihtina muhure masiina, yuhu cãhure masiina manopu mari mehne ã jirucuahca –nire Jesu.

⁴ Ñ ninota õ sehe ni namore Cohamacure:

–Ahri yahpature mu yoa dutiri cjirire yoa pahñoja yuhu. Ñ yoacu muhure masare ño payochu yoaja yuhu. ⁵ Ahri yahpa to jihto pano muhu mehne yu jichu jipihtina yuhure ti ño payo mahtariro seheta mipure yuhure ti ño payochu yoaga tjoa.

⁶ 'Ahri yahpai jinare yuhure mu warinare muhure masichu yoahi. Mu warina mu yaina jira. Ñ jicu tinare ware muhu yuhure. Ñ jia mu dutiare yoare tina. ⁷⁻⁸ Yuhure mu yahurire tinare buhehi. Yu ã buhechu tuhoa yu buheare cahmare tina. Ñ jia potocãta mu cahai tariro yu jichu masina tina. Tuhsu, mu warocariro yu jichu "Potocã tjira", ni tuhotura tina. Ñ yoa jipihtia yu ya mu ya ti jichu masina tina.

⁹ 'Ti ya cjihtire muhure sini payoi nija. Paina ya cjihti sehere sini payoi nieraja yuhu. Yuhure mu warina mu yaina jira. Ñ jicu ti ya cjihtire sini payoi nija muhure. ¹⁰ Tina jipihtina mu yaina jira. Ñ jia mu yaina sehe yu yaina jira. Yuhure wacũ tuaa yu tuariro jiare masichu yoara tina masare.

¹¹ 'Mipure ahri yahpature tjuasi yuhu. Mu cahapu wahai tai nija. Yu ã wahapachuta mipure yuhure mu warina ahri yahpare tjuaahca. Mai, muhu noariro jira. Yuhure mu warinare mu tuaa

mehne ñ_u wihbobasaga. M_u ã ñ_u wihboch_u mari cãirota mari jiro seheta tina cãh_u cã curuata jiahca. ¹² Tina mehne jic_u m_u tuaa mehne tinare noano ñ_u wihbohi. Cãiro pinihta pichacap_u waharohca m_u yare ti joari tjui to yahuriro seheta.

¹³ 'Mip_ure m_u cahai wahai tai nija. ã jic_u ahri yahpai ahri jipihtiare y_u yainare yahuja y_uh_u mehne ti noano wahchehto cjihtore. ¹⁴ M_u yare yahuhi tinare. Tina y_u yoaro seheta ahri yahpai ji dojahtina jierara. ã jia ahri yahpa macaina sehe tinare ñ_u tuhtira. ¹⁵ "Ahri yahpai jiiinare, y_u yainare naaga", nieraja. ã nierapaihta tinare noano ñ_u wihboga "Watino ñaare yoa dutiri", tinare nic_u. ¹⁶ Ahri yahpa macariro jieraja. Tina cãh_u y_u yoaro seheta ahri yahpai ji dojahtina jierara. ¹⁷ Y_u yainare m_u buhea mehne noaina wahach_u yoaga tinare. M_u yahua sehe potocã tjira. ¹⁸ Ahri yahpap_ure y_uh_ure m_u warocariro seheta y_uh_u sehe y_u yaina cãh_ure m_u yare buhe dutic_u warocahi. ¹⁹ M_u cahmaare yoah tiro cjihtore yariahtiro jic_u y_u pjac_ure waja. ã waja y_uh_u y_u yaina cãh_u m_u cahmaare potocã ti noano yoah ti cjihtire.

²⁰⁻²¹ "Y_u yaina mip_ure jiiina dihtare yoadohoga", ni sini payoeraja y_uh_u. Y_u yaina painare y_u yare ti buheri baharo paina cãh_u y_uh_ure wacũ tuaahca. Tina cãh_ure yoadohoga, y_u yaina jipihtina cã curuai ti jihto cjihto sehe. Y_uh_u m_uh_u mehne mari p_uaro jipanahta cãiro tjija. Mari cãirota mari jiro seheta tina cãh_u mari mehne cã curuaihta jijaro. Cã curuaita jijaro m_u warocariro y_u jiare jipihtina masa "Potocã tjira" ti nihto sehe. ²² Y_uh_ure m_u

masichu yoariro seheta yu yainare yu jia tiare masichu yoai. Tinare yu ã masichu yoachu cãirota mari jiriro seheta tina cãhu cã curuaita jahca. ²³ Yuhu tina mehne jija. Tuhsu, mahu yahu mehne jira. Mari ã jiina jichu yu yaina potocãta cã curuaita noano jahca. Cã curuaita ti jichu ñhu mu warocariro yu jiare ahri yahpa macaina masi-ahca. Tuhsu, yuhure mu cahãriro seheta yu yaina cãhure mu cahãre masiahca masa.

²⁴ 'Mai, ahri yahpa to ji dũcahto pano yuhure cahãa tire mahu. Æ cahĩcu yu masi pahãoriro, si siteriro yu jichu ñore mahu. Æ jicu yuhure mu warina yuhu mehne ti jichu cahmaja masi pahãoriro, si siteriro yu jichu ti masihti cjihtire. ²⁵ Mai, mahu noariro jira. Ahri yahpa macaina ñaina mahure masierara. Yuhu sehe mahure masija. Æ jia mu warocariro yu jichu masina yu yaina. ²⁶ Mahure tinare masichu yoai. Baharopu cãhure mahure tinare masichu yoaihtja yuhure mu cahãriro seheta painare ti cahĩhti cjihtire. Æ jicu yu yaina mehne jiihca —nire Jesu Cohamacure.

18

Jesure peresu yoaha

(Mt 26.47-56; Mr 14.43-50; Lc 22.47-53)

¹ To ã niri baharo Jesu sã cãhu to buheina Cedrõ wama tiri mare pahã, olivo wama tia yucari ti toari wesepu sai. ² Payu tahari tí wesei, tí yucu docai sã Jesu mehne cahmachua tii. Æ jiro Juda Jesure ñu tuhtiinare ñohtiro tí wesere masire. ³ Æ masino puu curua surarare mu tã tare tí wesepu Jesure ñono taro. Cã curua surara waro jire.

Pa curua surara Cohamacu wuhure cohtaina jire. Tina sacerdotea pũhtoa, fariseo curua macaina ti warocaina jire surara, Cohamacu wuhure cohtaina mehne. ã taa sihãa pocare, sihãa yucuri cũhure sihã tare. Ti wamoa cũhure cjũare tina. ⁴ Tí wesepu ti wihiri baharo Jesu to ñano wahahtore masino, tinare piti boca, õ sehe ni siniture:

—¿Noare macana nijari mũsa? —nire Jesu.

⁵ —Jesu Nazare macarirore macaja sã —ni yũhtire tina.

—Tiro tjija yũhu —nire Jesu.

Juda sehe, Jesure ñaha dutiro ñoriro tina mehne jire. ⁶ ã jia “Tiro tjija yũhu”, Jesu to nichuta tina sehe cũaa waha, yahpau du siti mũa bora caha sure. ⁷ Tí ã wahachu ñũno tinare pari turi õ sehe ni siniture Jesu:

—¿Noare macana nijari mũsa? —nire.

—Jesu Nazare macarirore macana nija sã —ni yũhtire tina tjoa.

⁸ —“Tiro tjija”, ni tuhsũmahicu yũhu mũsare. ã jina yũhure ñahana, ahrinare yũhu mehne macainare peresu yoaena tjiga mũsa —nire Jesu.

⁹ ã sãre cahĩno ne cũirore butichu yoaerare. ã yoaro tó pano Cohamacure to niriro seheta yoaro nire tiro. “Yũhure mu warinare ne cũirore boerahi”, to niriro seheta yoaro nire Jesu. ¹⁰ ã yoa Simo Pedro ñosari pjĩne cjũaro, tí pjĩne tũã we naroca, sacerdotea bui pũhtoro cahamacũno Malco wama tiriro cahmonore cjã pahrẽnocare. To poto bũhũsehe macari cahmonore cjã pahrẽnocare. ¹¹ ã to cjã pahrẽchu ñũno Jesu tirore õ sehe nire:

—M_u ñosari pjĩne wihboga. Y_u P_uc_u y_uh_ure to ñano y_uh_ud_u dutiriro seheta ñano y_uh_ud_uihtja y_uh_u —nire Jesu Pedrore.

Sacerdotea bui p_uhtoro cahap_u Jesure naaha tina

(Mt 26.57-58; Mr 14.53-54; Lc 22.54)

¹² To ã ni tuhs_uch_uta surara, ti p_uhtoro mehne, Cohamac_u w_uh_ure cohtaina surara c_uh_u Jesure ñaha, tirore d_uhtere. ¹³ D_uhte tuhs_u Ana cahap_u naa m_uhtare tina. Ana sehe Caifa marech_uno jire. Caifa sehe tí c_uh_umare sacerdotea bui p_uhtoro jire. ¹⁴ “Judio masa ya cjih_utire c_ui_uro mas_uno yariach_u noana”, niriro cjiro jire Caifa sehe.

“Jesure masieraja”, niha Pedro

(Mt 26.69-70; Mr 14.66-68; Lc 22.55-57)

¹⁵ ã jina y_uh_u Simo Pedro mehne Jesure yoa curerop_u ñ_u n_un_u tii. Y_uh_u sehe sacerdotea bui p_uhtoro to ñ_u masiriro jic_u Jesu baharo p_uhtoro w_uh_ui jiri sahrĩnop_u s_ua wahai. ¹⁶ Y_u ã s_uach_u Pedro sehe sahrĩno sopacai tjuar_uc_u s_ure. ã jic_u majare wijaa ta, sopacare cohtaricorore sinitu ñ_ui “Ahrĩro Pedro s_ua ta masijari”, nic_u. Y_u ã sinitu tuhs_uch_u ticoro Pedrore s_ua ta dutire. To s_ua ta dutiri baharo y_uh_u Pedrore na s_ua wahai. ¹⁷ Y_u ã na s_uach_u ñ_uno sopacare cohtaricoro sehe Pedrore õ sehe ni siniture:

—Jesu buheina mehne macariro jierajari m_uh_u? —nire ticoro Pedrore.

—Jieraja y_uh_u —ni y_uhtire Pedro sehe.

¹⁸ S_u s_uhto pano tó macaina cahamaca, surara mehne ti sohmahti pichacare wijã tuhs_uri jire. Y_us_ua nire. ã jia tina tí pichaca d_uht_u cahai ducua,

sohmaa nire. Ti ã sohmach_u ñ_uno, Pedro cãh_u waha, sohmare.

Sacerdotea pãhtoro Jesure sinituha

(Mt 26.59-66; Mr 14.55-64; Lc 22.66-71)

¹⁹ ã yoa sacerdotea bui pãhtoro Jesu buherire, sãre to buheina cãh_ure sinitu ñ_uri jire Jesure. ²⁰ To ã sinituch_u Jesu sehe õ sehe ni yãhtiri jire tireore:

—Jipihtinare buhec_u ti panoi ducuhi. ã buhec_u judio masa mari buhea wãh_usei Cohamac_u wãh_u cãh_ure ã buherucuhi. M_usa ñ_uenoi buherahi yãh_u. ²¹ ¿Dohseac_u yãh_ure sinitujari mãh_u? Sinitu duac_u yã buheinare sinitu ñ_uga. Yã buherire tina masina —ni yãhtiri jire Jesu.

²² To ã nich_u tãhoro tói ducuriro surara sehe to wamomaca mehne Jesure cjãri jire.

—ã nii tjiga sacerdotea bui pãhtoro —niri jire surara sehe Jesure.

²³ To ã nich_uta Jesu õ sehe niri jire:

—Ñano yã ni durucurire yahuga yãh_ure. ¿Potocãta m_usare yã yahupach_uta, dohseac_u yãh_ure cjãjari mãh_u? —niri jire Jesu surarare.

²⁴ Baharo Ana Jesure paina ti dãhterirore Caifa sacerdotea bui pãhtoro cahap_u warocari jire.

“Jesure masieraja”, pari turi niha Pedro

(Mt 26.71-75; Mr 14.69-72; Lc 22.58-62)

²⁵ ã yoa Simo Pedro pichaca dãht_u cahai ducuro, sohmano nire. ã to sohmarucuch_u ñ_ua, tó macaina tireore õ sehe ni siniture:

—¿Mãh_u cãh_u Jesu buheina mehne macariro jierajari mãh_u? —nire tina Pedoro.

—Jieraja yãh_u —ni yãhtire Pedro.

26 Tuhsu, sacerdotea bui puhtoro cahamaca mehne macariro, Pedro to cahmono cjã pahrëiro coyeiro sehe Pedrore õ sehe ni siniture:

—¿Jesure ti ñahari wesei yu jichu mahu cãhu tiro mehne jierapahte? —ni siniture tiro Pedrore.

27 —Yuhu tiro mehne jierahi —nire Pedro. To ã nichuta caraca dure.

Jesure Pilato sinituha

(Mt 27.1-2, 11-14; Mr 15.1-5; Lc 23.1-5)

28 Ñamiwacũnu jichu Caifa ya wuhuru jirina Jesure naa wijaa, tí maca macaina puhtoro Pilato ya wuhuru naa wahare tina. Ñ wahapahta to ya wuhuru sãaerare. Pascua dachori jichu tina tí bose numuri macaare chũtina jia õ sehe nire: “Judio masuno jierara Pilato. To ã jiriro jichu to ya wuhure sãana, mari dutiare yuhdurucana niboca. Ñ jina mari sãachu marine bose numuri macaa chũare chu dutierahca”, nire tina. Ñ nia puhtoro Pilato ya wuhure sãaerare Jesure naahrina sehe.

29 Ti ã sãa taerachu ñno Pilato tina caharu, wuhu sopacaru surucu suru, tinare õ sehe ni siniture:

—¿Yaba buhirire ahrirore yahusã duajari musa? —nire Pilato tinare.

30 —Ahriro to noariro jichu wuhure sã waer-
aboa. Ñariro jira tiro —ni yũhtire tina.

31 Ti ã nichu Pilato õ sehe nire:

—Musa sehe tirore naahga. Ñ jina musa ya dutia ti niriro seheta tirore buhiri dahrega —nire Pilato tinare.

—Musa Roma macaina ya dutia sehe sãre masunore wajã dutierara —nire tina Pilatore.

³² ã nia Jesure judio masa ti wajã duarire masichu yoaa nire. Jesu sehe crusapũ to yariahtore tó pano to yahuriro seheta ã waharo nire. ³³ Ti ã ni durucuri baharo Pilato sehe wũhũpũ majare sãa, Jesure pjirocari jire. Pjiroca tuhsũ, tirore õ sehe ni sinituri jire:

—¿Judio masa ti pũhtoro tjijari mũhũ? —ni sinituri jire Pilato.

³⁴ —¿Mũ mũ sũrota ã sinitui nijari mũhũ yũhũre? ¿O paina sehe yũhũre ti yahusãri baharo tíre sinitu ñũjari mũhũ? —niri jire Jesu Pilatore.

³⁵ —Judio masũno jieraja yũhũ. Mũ ya yahpa macaina, sacerdotea pũhtoa cũhũ mũhũre ware sãre. ¿Yabare ñano yoari mũhũ ti ã buhiri dahre duachũ? —niri jire Pilato.

³⁶ —Ahri yahpa macariro pũhtoro jieraja yũhũ. Ahri yahpa macariro pũhtoro yũ jichũ yũ buheina yũhũre yoadohoboa. Judio masare yũhũre ñaha dutieraboa. Yũ pũhtoro jia ahri yahpa macaa jierara —niri jire Jesu Pilatore.

³⁷ —¿Ã jicũ pũhtoro jijari mũhũ ã nicũ? —niri jire Pilato.

—Mũ nino seheta pũhtoro tjija. Masa ti pũhtoro jihtiro cjihto masa bajuai yũhũ. ã jicũ ahri yahpapũ tai ti pũhtoro jicũ tacũ, potocã jiare yahucũ tacũ. Jipihtina potocã jiare tũho duaina, yũ yahware tũhora —niri jire Jesu.

³⁸ —¿Yaba baro jijari potocã jia? Potocã jiare masihto basioerara —niri jire Pilato.

*Judio masa Jesure wajã dutiha
(Mt 27.15-31; Mr 15.6-20; Lc 23.13-25)*

Ã ni tuhsu Pilato judio masa cahai majare tjua waha, tinare õ sehe ni yahure:

—Ahriro Jesure yaba buhiri mariahna.
 39 Cuhmaripe pascua jichu cãiro peresui jirirore masu wio dutirucura. ¿Ã jichu ahriro Jesureta masu puhtoro cjihto masare wiobasabocari yuhu?
 —nire Pilato judio masare.

40 To ã nichu tãhoa judio masa õ sehe ni sañurucure:

—Tirore wioi tjiga. Barrabá sehere sãre wiobasaga —ni sañurucure judio masa Pilatore.

Barraba sehe yaca bucaro jire.

19

1 Ti ã ni sañurucuri baharo Pilato Jesure tjana dutiri jire. To ã dutichu to masu sehe tirore tjanari jire. 2 Tjana tuhsu tina pota soro dahre tuhsu, Jesu dapu bui duhu payori jire. Duhu payo tuhsu, puhtoa ya suhti barore tirore sãa, payu tahari tiro cahacãi sũuca, õ sehe ni bujũperi jire tina:

3 —Noano tagã. Judio masa puhtoro noano tagã —ni bujũpe, Jesu wũhdũahi cãũ mũjari jire.

4 ã yoa pari turi Pilato judio masa cahapu waha, tinare õ sehe ni yahure:

—Tũhoga masu. Ahrirore ñaa buhiri mariahna. ã jichu tíre masu masihti cjihtire masu cahai tirore na tai tai nihi —nire tiro.

5 To ã ni tuhsũchũta Jesu pota soro pisariro, puhtoa ya suhti barore sãariro, wũhũi jiriũo wijaa tare. To ã wijaa tachũ Pilato tinare õ sehe nire:

—Ñũga. Ahriro tjira tiro —nire Pilato.

⁶ To ã ni tuhsuchu tũhoa, sacerdotea puhto, Cohamacu wahu cohtaina surara cũhu Jesure ñua, sañurucure:

—Crusapu cã puha wajãga tirore. Crusapu cã puha wajãga tirore —ni sañurucure tina.

—Tirore ne ñaa buhiri mariahna. ã jina musa basita tirore naaga. ã jina musata tirore crusapu cã puha wajãga —nire Pilato tinare.

⁷ —Tiro to basi “Cohamacu macuno jija”, nia tire. Tíre to ã nichu sã dutia sehe tirore wajã dutira —nire tina Pilatore.

⁸ Ti ã nichu tũhoro tó pano to cuiriro yũdoro cuia wahare Pilato sehe. ⁹ ã jiro pari turi to wũhũpũre majare sãa, Jesure õ sehe ni sinituri jire tjoa:

—¿Noho macariro jijari mũhu? —niri jire Pilato Jesure.

To ã ni sinitupachuta Jesu tirore yũhtierari jire.

¹⁰ To ã yũhtierachu ñũno Pilato tirore õ sehe ni sinitu namori jire:

—¿Yũhare yũhtierajari mũhu? Yũhu mũhare peresui jirirore wio masija. ã yoa mũhare crusapu cã puha wajã duti masija yũhu. ¿Tíre masierajari mũhu? —niri jire Pilato Jesure.

¹¹ —Cohamacu mũhare to dutierachu yũhare ñano yoape dutieraboa mũhu. Yũhare ñu tuhtinare ñoriro sehe mũ yũdoro ñano buhiri tira —niri jire Jesu Pilatore.

¹² To ã nichu tũhoro Pilato sehe tirore wio duari jimare. To ã wio duapachuta pari turi judio masa õ sehe ni sañurucure:

—Jesu “Puhtoro jija” nino, mari jipihtina bui puhtoro jirirore Roma macarirore ñu tuhtiriro jira

tiro. ã jicũ tirore wiocũ mũhũ cũhũ mari bui pũhtoro jirirore ñũ tuhtiriro jiihca —ni sañurucure judio masa Pilatore.

¹³ Ti ã nichũ tũhoro Jesure wũhũi jirirore na wijaa ta, buhiri dahre dutiro taro to dujiri pahtai nuju sũre Pilato sehe. Tóí to buhiri dahre dutiri wapa, tãa mehne ti yoari wapa judio masa sã ya mehne Gabatá wama tire. ¹⁴ Tí dacho pascua dacho bose nũmũ sã chũhti cjihtire sã cahnori dacho jire. Tí pjare cohari pja waro jire. Nuju sũ tuhsũ Pilato masare õ sehe ni yahure:

—Ahriro tjira mũsa pũhtoro —nire tiro.

¹⁵ To ã nichũ tũhoa judio masa õ sehe ni sañurucure:

—Yariajaro tiro. Yariajaro tiro. Crusapũ cjã puha wajãga tirore —ni sañurucure tina.

—¿Mũsa pũhtoro to jipachũta tirore crusapũ cjã puha wajã dutijari mũsa? —nire Pilato.

To ã nichũ tũhoa õ sehe ni yũhtire sacerdotea pũhtoa:

—Mari jipihtina bui pũhtoro Roma macarirota sã pũhtoro jira. Pairo pũhtoro sãre mariahna —ni yũhtire sacerdotea pũhtoa.

¹⁶ Ti ã ni durucuri baharo Pilato Jesure crusapũ cjã puha wajã dutiro, tirore ware tinare, tirore wajãhtinare.

Jesure cjã puha wajãha tina

(Mt 27.32-44; Mr 15.21-32; Lc 23.26-43)

¹⁷ ã jia tina Jesure naa wijaare. Ti naa wijaachũ Jesu sehe to crusare to basi wũa naa, dapu cohã wama tiropũ sũre. Sã judio masa ya mehne dapu cohã Gólgota wama tire. ¹⁸ Tórpũ sũa tina Jesure

cjã puha õre. Tuhsu, paina puarore cãiro to potu buhusehei, paio to cõ buhusehei cjã puha dapore tina. ã jiro Jesu ti dacho macai jire. ¹⁹ Ti cjã puha tuhsuchu, Pilato taboa pjĩne joa, Jesure ti cjã puha õri crusai cjã puha õ dutire tí pjĩne. Õ sehe ni joare tiro: “Ahriri Jesu Nazare macariro, judio masa bui puhtoro jira”, ni joare Pilato tí pjĩne. ²⁰ Tí pjĩne joaro judio masa ya dusero mehne, Roma macaina ya dusero mehne, griego masa ya dusero mehne joare tiro. ã yoa Jesure crusapu ti cjã puha daporiro maca cahacãi jire. Tó cahacãi jiina payu judio masa Pilato joarire ñu, buhere. ²¹ ã buhe tuhsu judio masa sã sacerdotia puhtoa õ sehe nire Pilatore:

–“Ahriri judio masa puhtoro jira”, ni joai tjiga. Sã puhtoro jierara ahriri. ã jicu õ sehe ni joa cahnoga muhu. “Ahriri ‘Judio masa puhtoro jija’, ni cãirota to basita ã ni tuhoturiro jira”, ni joa cahnoga –nire sacerdotia puhtoa.

²² –Yu joa muhtariro seheta jirohca –nire Pilato tinare.

²³ Jesure ti cjã puhari baharo pititiaro surara sehe Jesu suhtire ti basi witire. Ti ã witi dua-pachuta cã suhtirota yoari suhtiro dohori marieni suhtiro jire. Tí suhtiro suhari suhtiro jire. ²⁴ Tí suhtiro to ã jichu õ sehe nire tina ti basi:

–Ahri suhtirore tuhrẽna tjijihna. Ahri suhtirore nahtiro cjihtore masi duana, docepejihna mari –nire tina ti basi.

ã docepea, Cohamacu yare ti joari tjuu ti ni joariro seheta yoaa nire tina. “Yu suhtire tina ti basi witire. ã jia yu suhtire nahtiro cjihtore masi

duaa, docapere tina”, ni joaa tiha Cohamacu yare ti joari tjui. To ã ni joariro seheta ã yoaa nire tina.

²⁵ Surara ti ã yoachu Jesu pocoro, Jesu muno, María Cleofa namono, María Magdalena mehne Jesu crusa cahacãi ñurucure tina. ²⁶ Ñ jiro to pocoro yahu to cahãiro cãhu to cahacãi sã ducuchu ñuno to pocorore õ sehe ni yahure Jesu:

—Mipure ahriro mu macu cjihto jira —nire Jesu to pocorore.

²⁷ Ñ ni tuhsu, yahure õ sehe ni yahure tiro:

—Mipure ahricoro mu poco cjihto jira —nire Jesu yahure.

To ã niri baharo Jesu pocorore yu ya wãhuru ji dutii.

Jesu yariaa wahaha

(Mt 27.45-56; Mr 15.33-41; Lc 23.44-49)

²⁸ To ã ni yahuri baharo õ sehe ni tãhotu masiri jire Jesu: “Jipihtia Cohamacu yahure dahra dutiro to cãrire yoa pahãohi”, ni tãhotu masiri jire Jesu. Ñ masino Cohamacu yare ti joari tjui to ni yahuriro seheta õ sehe nire Jesu:

—Ñahma yapioca yahure —nire Jesu.

²⁹ Ñ yoa tõi vino sããa core posa tiri situ dujire. Ñ jiro tõi jiriro wihmi nari sãhtere sããa co mehne ti sohari sãhtere yucucu hisopo wama tidu sohtoai duhte õre. Duhte õ tuhsu, Jesu duseroi siõ muo, siõ õre. ³⁰ Tí core Jesu wihmi tuhsu õ sehe nire:

—Tó puro tjica —ninota to dapure muhriruca, yoja su, yariaa wahare.

Surara Jesu patipahma batoï ñosaha ñosadu mehne

³¹ Tí dacho pascua bose numu pano jire. Tí bose numu macaare sã chũhti cjihtire sã cahñori numu jire. ã jia pa dacho Sabado jichu tí bose numu jichu crusaripu ti wajãrinare cũ duaerare judio masa. Tí dacho Cohamacure ti ño payori dacho bose numu jire. ã jia tí dachoi ti cjã puharina cjiire crusapu ti jichu cahmaerare tina. ã jia ti cjã puharina cjiire ti ñuchua cohãrine cjã nuha dutia taa judio masa siniha Pilatore, ti yaria maroachto cjihto sehe. Ti ã yoari baharo ti pjacuri cjiire na boro bahrañoa taa nire. ³² Ti ã dutichu surara sehe crusari cahapu su, cãiro yacariro cjiro ñuchua cohãrine cjã nuhare. Pairo cãhure ãta yoare tina. ³³ ã jia Jesu ñuchua cohãrine cjã nuha tamaa, to yariariro jichu ñua, cjã nuhaerare.

³⁴ ã cjã nuhaeraa cãiro surara to patipahma ba-toi ñosadu mehne ñosare. To ã ñosachu dóihta to di, co mehne wijaare. ³⁵ To ã wahachu ñui yuhu. Yuhu ahri tjure joariro masare potocã yahuja. Potocã yu yahua jichu masija yuhu. Masare yahuja musa cãhu Jesure musa wacũ tuahto sehe. ³⁶ Cohamacu yare ti joari tju to niriro seheta ã wahare: “To cohãrine ne cã cohãre cjã nuhaerare”, to ni joariro seheta Jesu ñuchua cohãrine ne cã cohãre cjã nuhaerare. ³⁷ ã yoa pa tju Cohamacu yare ti joari tjui õ sehe nina: “Tirore ti ñosariro cjirore ñuahca tina”, ni joaa tiha Cohamacu yare ti joari tjui.

Jesu pjacure masa copapu cãha

(Mt 27.57-61; Mr 15.42-47; Lc 23.50-56)

³⁸ To yariari baharo José Arimatea macariro Jesu pjacu cjirore na bororo taro, Pilatore siniri jire. José sehe paina judio masare cuiro, Jesure

wacũ tuariro to jiare yahu duaerari jire. To pjacu cjirore to siniri baharo Pilato sehe to pjacure naa dutiri jire. To ã na dutichu José crusa cahai su, Jesu pjacu cjirore naa wahari jire. ³⁹ Nicodemo cãhu me sitiare yucucu di pohca, mirra wama tia me sitia yucucu pohca mehne dahra moreare na tari jire. Jesu pjacu cjirore masa copapu ti siõ sãahto pano ti cahnolti jiri jire tí me sitia. Ti na tari cjiri treinta kilo nucuri jire. Nicodemo sohõ jiri pja Jesu mehne to coã durucuri pja ñamipu Jesu cahai suriro jiri jire. ⁴⁰ ã jia tina puaro Jesu pjacu cjirore naa, judio masa sã yariainare sã yoarucuriro seheta to pjacu cjirore me sitia mehne suhtiro cahsaro mehne wahmari jire. ⁴¹ Crusapu Jesure ti wajãno cahai wese jire. Tí wesepu masa copa tãcapu wahma ti sahari copa jire. Tí copai ne yariariro cjirore siõ sãaerasinire. ⁴² Pascua dacho bose numui judio masa sã bose numui sã chãhti cjihtire sã cahnori dacho jire. To ã jiri dacho jichu tí copa cahacãi to crusa jichu, tói siõ sãari jire tina Jesu pjacu cjirore.

20

Jesu masa wijaaha

(Mt 28.1-10; Mr 16.1-8; Lc 24.1-12)

¹ Domingo ñami curero jichu, bohreahto panocã María Magdalena Jesu masa copapu suri jire. Tópu saro tí copare ti tju bihari tãcare ti pjõo cãria tãcare ñuri jire ticoro. ² ã ñuricoro jiro sã cahapu marocaa tare ticoro. Simo Pedro mehne yuhu sã puaro jii. Wihi, õ sehe ni yahure sãre ticoro:

—Mari p̄h̄toro p̄jac̄u c̄jirore naanocari jihre. ã jina tiro c̄jirore ti c̄ũire mari masieraja —nire ticoro sãre.

³ To ã nich̄u t̄uhona, Pedro mehne masa copap̄u ñ̄na wahai sã. ⁴ ã ñ̄na wahana sã p̄h̄aro m̄uroca wahcãi. ã m̄urocana, ȳh̄u Pedrore m̄uroca ȳh̄du wahcãc̄u masa copap̄u su m̄htai. ⁵ Tópu suc̄u muhri caha ñ̄roca s̄oi tí copap̄ure. Muhri caha ñ̄roca s̄oc̄u tirore ti wahmari suhtiro c̄jiro dihtare ñ̄i. ã jii tí copare sãerahi. ⁶ Ȳu ã ñ̄ri baharop̄u Simo Pedro ȳu baharo wihire. Wihi, masa copap̄u sãa, to p̄jac̄u c̄jirore ti wahmari suhtiro c̄jirore ñ̄re tiro. ⁷ Jesu dapure ti wahmari cahsaro c̄h̄ure ñ̄re tjoa. Tí cahsaro soro coãno to tur̄eri cahsaro jire. ⁸ ã jic̄u ȳh̄u cãh̄u masa copap̄u su m̄htariro tí copap̄u sãai. Jesure to ã mariach̄u ñ̄uc̄u “Potocãta Jesu masa wijaari jira”, ni t̄hotui ȳh̄u. ⁹ Tí copap̄u sã wahahto pano Cohamac̄u yare ti joari t̄jui Cristo to yariahtore yahurire, to masa wijaah̄tore yahuri cãh̄ure sã noano t̄ho ñ̄ahaerasinimai. Tí copare ȳu ñ̄ri baharo, “Potocãta Jesu masa wijaari jira”, ni t̄hotui ȳh̄u. ¹⁰ ã ñ̄u tuhs̄na sã w̄h̄usep̄u t̄juaa wahai.

*Jesu María Magdalenare bajuaha
(Mr 16.9-11)*

¹¹ ã yoa masa copap̄u María majare t̄jua ta tí copa sopap̄u wihi, ducuro, tiiro niri jire. ã tiiparota ticoro muhri caha ñ̄roca s̄ori jire masa copap̄ure. ¹² ã ñ̄roca s̄ono p̄h̄aro anjoare, yehsea suhti tiinare Jesu c̄jiro to coãriro c̄jirop̄u ti dujich̄u ñ̄ri jire ticoro. Cãiro to dapu coãriro c̄jiroi dujiri

jire. Pairo to dahpori coãriro cjiroi dujiri jire.
¹³ Tinare to ñuçu tina sehe ticorore õ sehe ni sinituri jire:

—Numino, ¿dohse jiro baro tiico nijari mañu? — niri jire tina.

—Yu puhtoro pjacu cjirore naanocari jihre. ã jico to pjacu cjirore ti cõire masieraja yuñu —niri jire ticoro.

¹⁴ ã ni tuhsu, majareñuçu sũmahno Jesure tõi ducurirore ñuri jire ticoro. ã ñũparota Jesure ñu masierari jire ticoro.

¹⁵ —Numino, ¿dohse jiro baro tiico nijari mañu? ¿Noare macaco nijari? —niri jire Jesu ticorore.

“Añriro añri wesere ñu wihboriro jira”, ni tuhotumari jire ticoro Jesure. ã ni tuhoturo, õ sehe niri jire ticoro:

—Muñata to pjacu cjirore naariro jicu to pjacure ma cõirirore yahuga yuñure. Mu yahuri baharo to pjacu cjirore naaco wahacohtja —niri jire ticoro tirore.

¹⁶ To ã niri baharo Jesu õ sehe niri jire:

—María —niri jire.

To ã ni pisuchu tuhoru majare ñuroca, ticoro hebreo ya mehne sã judio masa ya mehne õ sehe niri jire:

—Raboni —niri jire ticoro Jesure. (Raboni nino “Buheriro”, nino nina.)

¹⁷ —Yu Puçu caharu mujaerasinija yuñu. Yu ã mujaerasinichu yuñure ñahaeco tjiga. Tuhsu, paina yu yaina caharu wahaga. Ti caharu sũco õ sehe ni yahuga tinare: “ ‘Yu Puçu caharu wahai tai nija. Musa Puçu cõñu jira tiro. Yu yairo Cohamacu caharu wahai tai nija. Musa yairo Cohamacu cõñu

jira tiro', nihre Jesu", ni yahuga tinare –niri jire Jesu Mariáre.

¹⁸ To ã niri baharo María Magdalena sã Jesu buheina cahapũ wihi, yahure sãre:

–Mari puhtorore ñũhi yũhũ –ni, Jesu ticorore to yahu dutirire yahure sãre ticoro.

Jesu to buheinare bajuaha

(Mt 28.16-20; Mr 16.14-18; Lc 24.36-49)

¹⁹ Tí dacho domingo ñamichahai sã Jesu buheina sã coyeya judio masare cuina, wũhũpũ biha sãa, dujii sã. Sã ã dujichũ Jesu sã watoi bajuaruũcu sũro, sãre õ sehe nire:

–¿Jimajari mũsa? Noano jiga mũsa –nire.

²⁰ ã ni tuhsũ, to wamomacarine, to patipahma bato cũhũre sãre ñore. ã jina sã tirore sã puhtorore ñũna, wahchei. ²¹ Pari turi Jesu sãre õ sehe nire:

–Noano jiga mũsa. Yũ Pũcu yũhũre to warocariro seheta, mũsa cũhũre yũ ya buheare buhehtinare warocaja –nire Jesu sãre.

²² ã ni tuhsũ tiro sãre puti sãare. ã puti sãano Espíritu Santo sãre to sãaruũcu sũ mũa wahahtore ñono nire sãre. Ño tuhsũ õ sehe nire:

–Mipũ Espíritu Santore ñahaga mũsa, mũsa mehne jihtirore. ²³ Paina ti ñaa yoarire mũsa bochũ, ãta jahca. ã jia paina ti ñaa yoarire mũsa boerachũ tí bori jisi –nire Jesu sãre to buheinare.

Jesure masa wijaarore Toma ñũha

²⁴ Jesu sã watoi to bajuachũ Toma sũhdũariro ti ni pisuriro sã mehne mariahare.

²⁵ To ã mariachũ sã mehne macaina tirore yahumare:

—Mari puhtorore sã ñuhi —ni yahumai sã Tomare.

Sã ã ni yahupachata õ sehe nire Toma:

—To wamomacarine ti cjã puhaa coparire ñeracu tí coparire yu wamo pica mehne be ñeracu, “Potocãta masa wijaari jira”, nisi yu. ã yoa to patipahma batoi jiri copare yu wamomaca mehne siõ sõeracu, “Potocãta masa wijaari jira”, nisi yu tirore —nire Toma.

²⁶ Ocho dachori baharo pari turi sã to buheina sã wuuru jii. Tí pjare Toma sã mehne jire ju. Tí wuuru bihari wuuru jire. Bihari wuuru to jipachata Jesu wuuru sãa taro, sã watoi bajuaru saro õ sehe nire:

—¿Jimajari mu? Noano jiga —nire.

²⁷ ã ni tuhsu, tiro Tomare õ sehe ni yahure:

—Ñuga yu wamomacarine. ã yoa mu wamo pica mehne yu wamomacarine ti cjã puhaa coparire be ñuga. Tuhsu, mu wamomaca mehne yu patipahma batoi jiri copare siõ sõ ñuga. “Potocã jierara”, nii tjiga. “Potocã tjira”, niga mu, —nire Jesu Tomare.

²⁸ To ã niri baharo Toma õ sehe ni yuhtire:

—Mu yu puhtoro jira. Mu yu yairo Co-hamacu jira —nire Toma Jesure ju.

²⁹ —Yuhure mu ñuri baharo yuhure wacũ tu-ara mu. Paina sehe yuhure ñerapahta yuhure wacũ tuaahca. ã jia tina mu yuhoro wahcheahca —nire Jesu Tomare.

Jesure masa ti masihti cjihtire ahri tjure joaha Joã

³⁰ Æ yoa payu paye cãhure Cohamacu to tuua mehne yoa ñore Jesu sã mehne jiro. Tíre to yoarire ahri tjuí joa pahñøerati yuhu. ³¹ Æ joa pahñøerapaihta ahri tjuí yu yahuare joahi “Jesuta Cristo Cohamacu to warocariro jira. Tiro potocãta Cohamacu macuno jira”, musa ni masihtí cjihtire. Æ jina musa tirore wacũ tuaina Cohamacu mehne musa ã jirucuhti cjihtire joahi ahri tjure.

21

Jesu siete to buheinare bajuaha

¹ Baharo Tiberia wama tiri bucupariro duhtu cahai sãre to buheinare Jesu pari turi bajuare tjoa. Sãre bajuaro õ sehe yoare tiro tjoa. ² Simo Pedro, Toma suhduariro ti niriro, Natanae Galilea yahpai jiri maca Caná wama tiri maca macariro, Zebedeo pohna sã pũaro, paina pũaro buheina sã õpeinata cahmachui.

³ Sã ã cahmachuri baharo Simo Pedro sãre õ sehe nire:

—Wahi wajãí wahi nija —nire tiro.

—Sã cãhu muhu mehne wahanajtja —nii sã tirore.

Æ ni tuhsu buhaa wahi. Æ jina dohoria mehne wahi. Wiho mejeta tí ñamine sã noano maca bohreapanahta ne cãiro wahi wajãerahi.

⁴ Bohrea parí cahachu Jesu paduroi to ducuchu tirore ñumai sã. Æ ñupanahta tirore “Jesu jira”, ni ñu masierahi sã. ⁵ Æ jiro sãre tiro õ sehe ni siniture:

—¿Ne, wahi wajãri musa? —nire Jesu.

—Ne wajãeraputiati sã —ni yuhtii sã.

6 –Dohoria poto buhusehe sehe doca ñoga. Tie sehe doca ñona wahi wajānahca m̄sa –nire s̄are.

To ã nichu tuhona s̄a to niriroihta doca ñoi. S̄a doca ño tuhsuchu payu wahi s̄are. Payu wahi s̄achu wañunore dohoriap̄u waja s̄ana bihoerahi s̄a. 7 ã jicu yuhu Jesu cahĩro Pedrore õ sehe ni yahui:

–Mari puhtorota jira siro paduroi ducuriro –nii Pedrore.

Yu ã nichu tuhoru Jesuta to jichu masino, Simo Pedro to suhtirore s̄are. Wahi wajāno taro to suhtirore tjuweriro jisinire. To suhtirore s̄a tuhsu, diap̄u pjuroca ñojare. 8 S̄a paina buheina dohoriari jina, cien metro yoaro diap̄ure pahsai s̄a. ã jina wañunore wahi payu s̄adure dohoria mehne waja nujai s̄a. 9 Duhtu cahai wahã suna pichaca niti dihta si coãri pichaca bui Jesu to puhõ cũrĩrore wahire ñai s̄a. Pão cãhure ñai s̄a.

10 S̄a ã ñuchu ñuno Jesu s̄are õ sehe nire:

–Michapucacã m̄sa wajārinare mahainacã na tahga –nire s̄are.

11 To ã nichu Simo Pedro sehe Jesu mehne jiro dohoriap̄u samu, wañunore, bujuina wahi ciento cincuenta y tres wahi s̄adure waja majare. Payu wahi s̄apahta wañunore tuhr̄erare.

12 –Chusinina taga –nire Jesu s̄are.

“¿Noa baro jijari m̄hu?” ni sinitu ñuerahi s̄a tirore. S̄a puhtoro to jichu masii s̄a. 13 ã yoa Jesu pichaca cahap̄u s̄uro, pãore na, s̄are witire. Wahi cãhure witire.

14 ã jiro Jesu to masa wijaari baharo paduroi bajuaro tia taha s̄are to buheinare bajuaro nire.

Jesu Simo Pedro mehne sãhãduha

¹⁵ Sã chãri baharo Jesu Simo Pedrore õ sehe ni siniture:

—Simo Jona macãno, ¿ahrinare mã cahĩriro yãhdoro yãhãre cahĩjari mãhã? —nire Simo Pedrore.

—Pãhtoro, mãhãre cahĩja yãhã. Mãhãre yã cahĩchã masina mãhã —ni yãhtire Simo Pedro.

—Ã jicã ovejacãre ti nuriro seheta yã yainare buhega mãhã —nire Jesu.

¹⁶ Ã ni tuhsã pari turi tiro Simo Pedrore õ sehe ni siniture:

—Simo Jona macãno, ¿yãhãre cahĩjari mãhã? —nire Jesu.

—Pãhtoro, mãhãre cahĩja yãhã. Mãhãre yã cahĩchã masina mãhã —ni yãhtire Simo Pedro.

—Ovejare ñã wihboriro ovejare to noano ñã wihboriro seheta, yã yainare noano buhe ñã wihboga —nire Jesu Pedrore.

¹⁷ Ã ni tuhsã pari turi tiro Simo Pedrore õ sehe ni siniture:

—Simo Jona macãno, ¿potocãta yãhãre cahĩjari mãhã? —nire Jesu tjoa.

Tia taha ã ni to sinituchã tãhoro Simo Pedro tuaro cahyare.

—Pãhtoro, mãhã masi pahõna. Mãhãre yã cahĩchã masina mãhã —ni yãhtire Simo Pedro.

—Ovejare ti nuriro seheta yã yainare buhega mãhã. ¹⁸ Potocã mãhãre niita nija. Mãhã wahmãno jicã mã suhtire sãa, mã cahmariorõpã tinia tiri jire mãhã. Ã jiricã mã jipachãta baharo mã bũcãro jichã, mã wamomacarine mã siõrocachã paio mãhãre suhtire sãanohca. Tuhsã, mã waha

duaeraropu mahuere naanohca –nire Jesu Simo Pedrore.

¹⁹ Ñ nino Simo Pedrore dohse waha to yari-ahtore yahuro nire. Ñ jiro Simo Pedro yariaro Cohamacure “Noariro, masi pahñoriro jira”, masa ti nichu to yoahtore yahuro nire Jesu. Ñ Pedro mehne sahuadu tuhsuro ò sehe ni namore Jesu tirore:

–Quihõno yu buheriro seheta yoaga mahu –nire Jesu Pedrore.

Jesu to cahñiro buheriro ahri tjure joariro jira

²⁰ To ã nichuta Pedro sehe majare ñuroca, yahuere Joãore Jesu to cahñiro buherirore tinare yu nuñu tichu ñano Pedro Jesure siniture. Yuhu sehe to ñuriro tó pano ò sehe niriro jii: “Puhtoro, ¿mahuere ñu tuhtiinare ñohtiro sehe diro baro jicari tiro?” ni, Jesure sinitu ñuriro jii yuhu. Tí pjare Jesu to pari wahpa chu dujii yuhu sehe. ²¹ Ñ jiro yahuere ñano Pedro Jesure ò sehe ni siniture:

–Puhtoro, ¿ahriro sehe dohse waharohcari? –ni siniture.

²² –Tíre mahuere yahueraja. Ahri yahpapu yu tjua tahto pano ahrirore jirucuchu yu yoachu tíre masierara mahu. Ñ jicu mahuere yahueraja. Quihõno yu buheriro seheta yoaga mahu –nire Jesu Pedrore.

²³ Tíre to yahurire jipihtina Jesu yaina ti basi yahu sitemare. Tíre yahu sitea ò sehe nimare tina sehe: “Jesu to cahñiro buheriro yariasi”, ni yahu sitemare yahuere Jesu yaina ti basi. Ti ã nipachuta “Tiro yariasi”, nino nierari jimare Jesu. “Ahri yahpapu yu tjua tahto pano ahrirore jirucuchu

y_u yoach_u tíre masierara ma_hu. Ñ jic_u mah_ure yahueraja”, nire Jesu Pedrore.

²⁴ Jesu buheriro ah_rire yahuriro, ah_ri tjure joariro jija y_uh_u. Ñ jina ah_ri y_u yahua quihõno jich_u masija mari.

²⁵ Pay_u paye cãh_ure Jesu yoare. To yoarire mari joa pahñoch_u tí tjuri joaa tjuri pay_ubia wahaboa. Ñ jia tí tjurire mari wihboch_u m_u s_ueraboa ah_ri yahpa. Wahpaa y_uhd_ua wahaboa, y_u tãhotuch_u. Tó puro tjira.

Cohamacu Yare Yahari Tjuel New Testament in Guanano

copyright © 2007 Wycliffe Bible Translators, Inc.

Language: Guanano

Translation by: Wycliffe Bible Translators, Inc.

Copyright Information

© 2007, Bible League International. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Guanano

© 2007, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 21 Feb 2024 from source files
dated 29 Jan 2022
1f3a4366-edba-553b-a17f-bc47c9049c98